

SIGISMUNDI STORCHENAU,

I N

ACADEMIA VINDOBONENSI

LOGIC. ET METAPH.

PROFESSORIS PUB. ORD.

INSTITUTIONES

METAPHYSICÆ

IN IV. LIBROS DISTRIBUTÆ.

LIBER IV.

EDITIO ALTERA

AB AUCTORE EMENDATA.



V E N E T I I S,

APUD FRANCISCUM PITTERI.



M D C C L X X V.

SUPERIORUM PERMISSU, AC PRIVIL.





PROLEGOMENON

I N

THEOLOGIAM

NATURALEM.

§. I.



Theologia, λόγος περὶ τοῦ Θεοῦ; scientia Dei, sive eorum, quæ Deo conveniunt, recte dicitur. Porro multorum, quæ in Deo insunt, cognitionem solius rationis ope consequi possumus; aliorum non item, quæ, quia naturalem intelligentiæ vim exsuperant, Dei ipsius duntaxat admotu, ac significatione cognosci a nobis queunt. Inde duplex oritur theologia altera *naturalis*; altera *revelata*: hanc, quod ad philosophiam non pertinet, aliis relinquens, illam solam pertractabo.

Quid
theolo-
gia, &
quom-
plex?

SCHOL. Nobilissima hæc philosophiæ pars a veteribus non modo parum exculta, sed & turpissimis ineptiis, ac absurdissimis fabulis corrupta fuit. Alia ipsis erat μυθική, seu fabulosa, alia πολιτική, seu civilis: in illa poetæ Deorum natales, conjugia, progeniem, impe-

A 2

ria,

ria, res gestas, & ipsa quoque flagitia descripserunt; in hac tradebantur, quæ de Deorum gentilium cultu consuetudine recepta, ac legibus sancita fuerunt.

Quæ e-
jus par-
tes?

II. Quæcumque de natura Dei rationis adminiculo novimus, vel ad essentiam, & existentiam, vel ad attributa, vel ad operationes, vel ad gravissimam, quæ inde enascitur, obligationem vera ipsum religione colendi pertinent: quare theologia omnis in quatuor partes rite distribuitur, quas ego totidem sectionibus complectar.

Quæ præ-
stantia?


SCHOL. Ut de disciplinæ hujus dignitate, ac præstantia copiosius disseram, non est necesse: nec quisquam est, qui non perspiciat, nihil ad immortalis animi cultum; nihil ad rectam morum conformationem, a qua non singulorum modo, sed totius etiam reipublicæ salus pendet; nihil ad profligandos impiorum philosophorum errores conducere magis, ac studiosam divinorum attributorum meditationem. Audi Senecam: „ Quantum, inquit, „ inter philosophiam interest, Lucili virorum „ optime, ad ceteras artes, tantum interesse „ existimo in ipsa philosophia inter illam „ partem, quæ ad homines, & hanc, quæ ad „ Deos spectat. Altior est hæc, & animo- „ fior; multum permisit sibi; non fuit oculis „ contenta; majus esse quiddam suspicata est, „ ac pulchrius, quod extra conspectum natura „ posuisset. Denique tantum inter duas in- „ terest, quantum inter Deum, & hominem. „ Altera docet, quid in terris agendum sit; „ altera, quid agatur in cælo. Altera errores „ nostros discutit, & lumen admovet, quo „ discernantur ambigua vitæ: altera multo „ hanc caliginem, in qua volutamur, ex- „ dit, & e tenebris ereptos illo perducit, „ un-

Præf.
nat.
quæst.

SECTIO I.

9

„ unde lucet: - - - Nisi ad hæc admitterer,
 „ non fuerat operæ pretium nasci. Quid enim
 „ erat, cur in numero viventium me positum
 „ esse gauderem? an ut cibos, & portiones per-
 „ colarem? - - - Detrahe hoc inæstimabile
 „ bonum: non est vita tanti, ut sulem,
 „ ut æstuem. O quam contempta res est ho-
 „ mo, nisi supra humana se erexerit! - - -
 „ Hæc inspicere, hæc discere, his incumbere,
 „ nonne transilire est mortalitatem suam,
 „ & in meliorem transcribi sortem? „



SECTIO I.

D E

ESSENTIA, AC EXISTENTIA DEI.

§. III.



DEI nomine intelligimus ens necessarium, æternum, immensum, infinita intelligentia, sapientia, bonitate, potentia, aliisque omnibus possibilibus perfectionibus præditum, quod totum hoc universum ex nihilo procreavit, illudque conservat, ac providentissime administrat.

Quid
Dei no-
mine in-
telligen-
dum?

SCHOL. Descriptio hæc est, non definitio ad leges logicæ exacta: illam tamen attuli, ut primum palam fiat, qualem Deum admittere oporteat; callidi siquidem sunt ejus hostes, dumque vel maxime Deum verbis profitentur, re tollunt; quod quidem imprimis tristissimis Spinozæ, ac Hobbesii exemplis patuit.

A 3

IV.

Quæ se-
ctionis
summa? IV. Verum scientifica methodo progredien-
ti incumbit essentiam ab attributis separare,
atque prolata definitione Dei nominali, in
quo ipsa sita sit, constituere: quare istud pri-
mo loco præstabo; tum vero, præmissis qui-
busdam de atheismo notionibus, ipsam Dei
existentiam triplicis generis, ut vulgo solet,
argumentis, metaphysicis nimirum, physicis,
& moralibus demonstrabo. Atque hæc est se-
ctionis summa.

CAPUT I.

De Essentia Dei, & Atheismo.

Quid
Deus, ac
ejus es-
sentia? V. *Deus* est ens necessarium, atque in hac
existendi necessitate metaphysica ejus essen-
tia constituenda videtur; hæc enim primo
concepitur, & omnium ceterarum proprieta-
tum radix, ac fundamentum est (ont. §. 45.),
ut deinceps apparebit.

SCHOL. Metaphysica ajo; physicam siquidem
essentiam constituunt omnia ea, quæ ad rea-
lem Dei naturam pertinent, quæ collectione
omnium possibilium perfectionum absque ullo
limite absolvuntur, (conf. ont. §. 46. sch.).
Inde vero hæc duo consequuntur: primum,
nequaquam asseri Deum adæquata a nobis no-
tione comprehendere posse; dein quæstionem
hanc pure philosophicam esse, ac proprietatem
duntaxat unam aliquam quæri, ex qua reli-
quæ legitime ratiocinando concludantur. Qua-
re mirum non est, non omnes hac in re phi-
losophos consentire; prout nimirum sub alio
respectu Deum considerant, atque aliter ratio-
cinia contexunt, ita aliam essentiam nomina-
lem Dei statuunt; sic qui cum Boehmio Deum
ut

ut spiritum infinitum contemplantur, ejus essentiam in vi infinita reponunt. Ego tamen omnino opinor, sub notione entis necessarij planissima via & Dei existentiam, & cetera ejus attributa demonstrari, quod mox experientia testabitur.

VI. *Atheus* est, cui existentia Dei aut i. Quid Atheus & quatuorplex? gnota, aut saltem certa non est; sique id fiat ob ignorationem duntaxat, *negativus*: si vero quis eam positivis rationibus negare, aut in dubium vocare audeat, *positivus* dicitur; hinc patet, quid *atheismus* sit.

VII. Atheismus porro negativus vel *vincibilis* est, vel *invincibilis*; illud, cum ignorantia hæc dispelli potest: hoc, cum non potest. Similiter atheismus positivus aut *theoreticus* est, & in errore intellectus fundatur; aut *practicus*; qui se in mores duntaxat, vitæque rationem diffundit; cum nimirum ita vivitur, ac si nullus Deus, nullus scelerum vindex existeret.

SCHOL. Infantes, aut perpetuo amentes invincibiliter Deum ignorant; contra in adultis ratione utentibus ignorantia Dei esse nequit nisi vincibilis; ad eam enim dispellendam facillimo solum ratiocinio e contemplatione rerum creatarum ducto opus est: quin fieri nequit, ut homo, cum contra rationis præscriptum agit, ac tacita conscientiae voce culpæ admittæ accusatur, Dei sub notione supremi legislatoris non recordetur, quod philosophi morales docent, vide P. Steinkellner. Practicorum atheorum omni ætate magnus fuit numerus; at num Instit. phil. mor. vol. 2. p. c. 6. etiam theoretici quidam revera existerint, in dubium jure vocari potest; nam etsi ex antiquioribus Prodicus, Ceus, Evehemerus, Critias, Protagoras, Abderites, Diagoras Melius, Theodorus Cyrenaicus a Sexto Empirico enu-

merentur; etsi deinde recentius quoque his accenseri soleant Lucilius Vanini, Spinoza, Tolandus, Hobbseus, persuadere tamen mihi non possum eos in animo id sensisse, quod ore profitebantur. Nimis aperta est hæc veritas, & invitis quoque oculos mentis perstringit: quare qui eam inficiantur, non tam intellectus errore, quam voluntatis vitio laborare censendi sunt, quod ipse Rousseavius (a) clare profitetur. Cudvorthus (b) omnes eos in atheis habendos esse contendit, qui præter materiam quidpiam existere, atque adeo primam causam hujus universitatis naturam esse intelligentia, & ratione præditam inficiantur. Hos porro ad quatuor classes reduci posse putat; qui enim solam materiam existere statuunt, vel eam prorsus inertem, ac omni vita vacuum; vel vero *fœtrice* quadam, ac *seminante* vita præditam docent: illi rursus vel formas quasdam, ac qualitates materiæ internas in subsidium vocant, quo corporum ortum, ac interitum explicant, vel atomos, varias figuras, & motum fortuitum asciscunt; hi vel vitam illam *genitricem* toti materiæ moli unam inesse, vel quamvis materiæ particulam vita peculiari, & natura *genitrice* pollere arbitrantur. Unde ipsius opinione quadruplex atheismus oritur; *Anaximandrinus*, *Democriticus*, *Stoicus*, sive *Pseudo-Zenonianus*, quoniam ex Zenonis principiis male intellectis deducitur, & *Stratonicus*, (conf. cosm. §. 86. sch. 1.). Videatur Dariesius. Sed hos jam alias refutavimus; nunc generatim contra quoscumque suppremi Numinis existentia firmissimis rationibus constabilienda est.

(a) *Epi-
tre à M.
Racine.
(b) Syst.
intell. c.
3. §. 30.
1799.*

*Theolog.
nat. fol.
c. 2.*

CAPUT II.

De Exsistentia Dei Metaphysice demonstrata.

VIII. *Deus exsistit.* Si ens contingens exsistit, exsistit quoque ens necessarium (ont. §. 109. cor.); sed ens contingens exsistit (cosm. §. 13.): igitur ens necessarium exsistit; atqui ens necessarium Deus est (§. 5.): ergo Deus exsistit. (adde ont. §§. 237. cor. 236.).

SCHOL. Argumentatio hæc vim demonstrationis omnibus numeris absolutæ obtinet; neque de hoc dubitari potest, nisi ab eo, qui terminos non intelligit, cui aliud consilium dari nequit, quam ut se in meditandis notionibus ontologicis magno studio exerceat. Nulla certe propositio ullo modo in dubium vocari potest; non major: ea quippe fuit ex ideis entis necessarii, & contingentis; non minor: sit enim idealista, qui de exsistentia mundi corporei dubitet; sit etiam egoista, cui exsistentia omnium aliorum entium præter suum spiritum incerta sit, omnes tamen hi suam animam exsistere prorsus non dubitant, eamque, quod varias in illa mutationes, ignorantiam, lætitiā, tristitiā, experiuntur, ens contingens esse (ont. §. 123.) certissime norunt: igitur aliquod saltem ens contingens exsistere ab hominibus omnino in certissimis habetur; istud autem plane sufficit ad colligendam inde entis necessarii, sive Dei exsistentiam. Quare non esset quidem, cur huic veritati illustrandæ diutius inimmer; sed quia tamen diversis diversa placent, aliam præterea non minus invictam demonstrationem profe-

Deus
exsistit.

*Traité de
l'exist.
& des
attrib.
de Dieu*

1. 1. cl. ram, quam primæ tres Clarkii propositiones;
2. 3. 4. nonnihil tamen immutatæ suppeditant.

Aliquod
ens ab
æterno
existit. IX. *Aliquod ens existit a tota æternitate.*
Si nullum ens a tota æternitate existeret, tum vel omnia hujus mundi entia contingentia sine causâ efficiente ex nihilo prodirent, vel se ipsa, vel se mutuo prodirent; sed primum pugnat cum (ont. §. 155.), & notissimo illo: *ex nihilo nihil* (cosmol. §. 24. sch. 1.): alterum cum (ontol. §. 152.); ultimum cum (ont. §. 153.); igitur omnino necesse est, ut aliquod ens a tota æternitate existat.

SCHOL. Hæc propositio adeo evidens est, ut nullius prorsus ex maximis Dei hostibus eam inficiari, aut impugnare unquam ausus fuerit.

& si
hoc, ex-
sistit et-
iam ab
æterno
ens in-
depen-
dens. X. *Si aliquod ens a tota æternitate existit, tum existit etiam a tota æternitate aliquod ens non pendens ab alio in existendo.* Si aliquod ens a tota æternitate existit, tum illud in existendo vel pendet ab alio, vel non: si hoc: constat affecto veritas: si illud; tum rursus illud aliud in existendo ab alio pendet, vel non: si primum; habetur progressus in infinitum, qui secum ipso pugnat (cosm. §. 18.): si alterum; tunc ens aliud & a tota æternitate existit, & simul in existendo ab alio non pendet: ergo si aliquod ens a tota æternitate existit, existit etiam a tota æternitate aliquod ens in existendo ab alio non pendens.

igitur
ab æter-
no exis-
sit ens
inde-
pen-
dens; XI. *Aliquod ens non pendens ab alio in existendo a tota æternitate existit.* Si aliquod ens a tota æternitate existit, existit etiam a tota æternitate aliquod ens non pendens ab alio in existendo (§. præc.); sed aliquod ens a tota æternitate existit (§. 9.): ergo ali-

aliquod ens non pendens ab alio in existendo a tota æternitate existit.

XII. *Ens, quod a tota æternitate existit, & ab alio in existendo non pendet, est ens a se existens.* Quidquid existit, vel a se, vel ab alio existit (ont. §. 52.); sed ens, quod ab alio in existendo non pendet, non existit ab alio, ut per se manifestum est: ergo ens, quod a tota æternitate existit, & ab alio in existendo non pendet, est ens a se existens. sed hoc est ens a se?

COROLL. Igitur ens a se existit.

XIII. *Deus existit.* Ens a se est ens necessarium (ont. §. 104. cor. 1.); sed ens a se existit (§. præc. cor. 1.); igitur ens necessarium existit; atqui ens necessarium Deus est (§. 5.): ergo Deus existit. igitur ens a se, id est, Deus existit.

COROLL. Patet itaque, quantum a vero aberrant, qui confidenter pronunciant: ope solius rationis existentiam Dei demonstrari vix posse; per eam duntaxat nos certos reddi, fieri nequire, ut contrarium evidenter evincatur. La philosoph. dub. sens. &c.

SCHOL. Multa ab adversariis accumuluntur, quibus vel ipsam Dei existentiam, vel ejus salutem demonstrationem dubiam reddere nituntur, suntque fere hæc. Diluuntur obiecta.

1.) Primum ens demonstrari nequit; quidquid enim demonstratur, demonstratur per aliquid ipso prius; sed primo ente nihil prius est: est autem Deus ens primum. Similiter Deus quoque prima veritas est; sed neque prima veritas demonstrari potest.

2.) Tametsi primum ens a causa sui, adeoque hac ratione a priori demonstrari nequeat, potest tamen demonstrari ab effectu, ac proinde a posteriori; neque ad hanc demonstrationem requiritur, ut sit aliquid ipso prius *existens*,

sed satis est, ut sit aliquid ipso prius *cognitum*.
Quod ad alterum: est equidem Deus prima
veritas *metaphysica*, sive, ut ajunt, in essen-
do; non tamen prima veritas *logica*, sive in
cognoscendo, seu primum principium cogni-
tionis. Veritas prima metaphysica, seu realis
est res prima, quæ non involuit contradictio-
nem, proindeque ipsum ens primum, cujus
existentia salte a posteriori, ab effectibus ni-
mirum, demonstrari potest.

2.) Inter res creatas, & Deum nulla est pro-
portio: item Deus, & creaturæ sunt correlata,
sed nequit alterum correllatum ex altero de-
monstrari, sunt enim simul naturæ, tempore,
& cognitione: igitur Deus ex rebus creatis
demonstrari non potest.

3. Non est inter Deum, & res creatas propor-
tio in genere *entis*, est tamen proportio in
genere *connexionis*, quæ inter quemvis effe-
ctum, & causam datur; res nempe creatæ,
cum contingentes sint, egent ente necessario,
a quo producantur: quare recte ab illarum ex-
sistentia ad hujus existentiam conclusio duci-
tur. Deinde correllatum vel *formaliter*, qua-
tenus tale est, vel *entitative*, prout in se hoc
ens est, sumi potest (conf. ont. §. 137. seqq.):
si primo modo consideretur, jam utrumque si-
mul intelligitur; unde alterum ex altero de-
monstrari nec potest, nec debet: quod si au-
tem secundo modo spectetur, potest utique
conciipi sine eo, ad quod refertur. Jam cum
primum rem creatam considero, ut est in se,
abstraho ab illius connexionione cum sua causa,
de qua nondum cogito; tum ejus naturam ex-
aminando deprehendo eam contingenter exsi-
stere, atque inde ulterius ratiocinando colligo;
necesse esse, ut ens necessarium, a quo omne
ens contingens in existendo pendet, existat.
Ante igitur quam sciam Deum existere, non-
dum scio Deum, & res creatas correlata esse;
sed

fed id primum facta ex rebus creatis demonstratione mihi innotescit.

3.) Ex falso nequit inferri verum: igitur neque ex ente contingente ens necessarium: sicut enim falsum rationem veri non continet, ita ens contingens non continet rationem entis necessarii. Quid quod ex effectu possibili tantum colligitur causa possibilis: igitur etiam ex effectu contingente ad causam solum contingentem argumentatio valebit.

4. Ratio dispar est; in quavis argumentatione legitima antecedens continet rationem, cui consequens verum sit, atque istud ex illo velut ex sua causa, & a priori profluit; contra ex ente contingente, utpote effectu, a posteriori demonstramus existentiam entis necessarii; unde necesse non est, ut ens contingens rationem necessarii contineat, sed potius inverse huic proprietas istae competit. Ulterius, cum ratio, & rationatum, principium & principiatum, causa, & effectus mutuo connexa sint; semper ex unius existentia rite alterius existentia concluditur, licet non eodem modo, una nimirum vice a priori; altera a posteriori: sed verum, & falsum nunquam mutuo connectuntur. Deinde ex effectu generatim colligitur causa ipsi proportionata; jam vero effectui possibili, qua tali, causa quoque possibilis sufficit; nam aliud per se non requiritur, quam ut causa tum existat, quando effectus ad existentiam pervenire debet. At causa contingens in existendo nimirum, in agendo quippe contingentem admittimus, non habet proportionem cum effectu contingente, si quidpiam ex nihilo producendum sit; cum effectio ex nihilo vim infinitam postulet: sunt autem entia mundana, de quibus hic sermo est, ejus generis; ut ex nihilo efficienda fuerint; aliud est, cum agitur de illis in hoc mundo effectis, in quibus citra ullam
crea-

creationem, aut annihilationem substantiæ jam existentes aut componuntur, aut separantur, quod causa contingens quoque præstare potest.

- 4.) Potest existere ens necessarium sine contingente: igitur etiam ens contingens sine necessario; sicut enim repugnat, ut rationatum sine ratione sufficiente existat, ita quoque repugnat, ut existet ratio sufficiens sine rationato: quare si hæc repugnantia non obest in priore casu, nec obstat in posteriore. Et hoc porro ita confirmari potest: existentia entis contingentis non videtur necessario connexa cum existentia entis necessarii; secus enim ens contingens necessario existeret, sicut ipsum ens necessarium, ac proinde simul contingens foret, & simul non.

- *. Ens necessarium sine contingente existere potest, quia, cum a nullo pendeat, sibi ad existendum plene sufficit; at ens contingens in existendo essentialiter pendet ab ente necessario. Neque vero obest, quod ratio sufficiens sine rationato existere nequeat; nam ens necessarium non ex essentia sua; sed ex libero arbitrio ens contingens producit, ac proinde pro eo solum tempore, quo libere vult, ejus ratio sufficiens est: contra ens contingens ex essentia, & natura sua entis necessarii rationatum est; unde absolute repugnat, ut umquam sine hoc existat. Atque ex his colligi potest, qualis connexio inter ens contingens, & necessarium detur; nimirum non *absoluta* quædam, & *antecedens*, quæ efficiat, ut quoties existit ens necessarium, etiam ens contingens existat; sed *consequens*, & *hypothetica*; nam ex hypothesi, quod ens contingens existat, aut existere debeat, omnino necesse est, ut ens necessarium existat, quemadmodum generationi ex hypothesi existentie effectus existentia causæ necessaria est; perspicuum autem est

est connexionem id genus necessariam contingentiae entis contingentis non obesse.

5. Objectiones, quas a progressu in infinitum petunt, alias solutæ sunt (cosm. §. 18. schol. 1.) ; nunc solum de necessitate vaga (ont. §. 57.) pauca dicenda restant, quoniam & in hanc latebram se atheorum quidam conjiciunt. Ajunt posse entia contingentia hujus mundi existere absque omni ente determinato, & absolute necessario, si modo causa quæpiam indeterminate sumpta semper existisse ponatur. At hypothesis hæc, ut in se obscurissima est, ita omni fundamento caret, neque aliquod adversariis subsidium præbet; hæc enim necessitas foret, tantum consequens hypothesim, quod aliquod ens contingens existat, ac proinde ea causa rursus ab alio ente vaga necessitate ad existendum determinari deberet. Pone ad existentiam entis contingentis a vaga necessitate requiri x, y, z , dico; hæc x, y, z , nec simul, nec singulatim, nec disjuncte sumpta absolute necessario existunt, sed quæ hic cumque est necessitas, sequitur hypothesi, quod ens contingens a existat: si igitur, ut fieri potest, ens contingens a non existat, nulla erit in x, y, z , ad existendum necessitas. Nulla itaque necessitas vaga in serie causarum contingentium ostendi potest, nisi jam ante ponatur ens contingens existere; a quo autem istuc existentiam accipiet? A quo illud alterum ad existendum determinabitur? Nonne ab ente absolute necessario. Accipe exemplum a necessitate vaga calami, si scriptio contingenter existat.

CAPUT III.

*De Exsistentia Dei Physice Demon-
strata.*

Confor-
matio
mundi
aucto-
rem
summe
sapien-
tiam ar-
guat,

XIV. *Conformatio totius universi auctorem quemdam summa intelligentia, ac sapientia præditum perspicue testatur.* Universum hoc ita conformatum est, ut sit in illo elegantissimus diversissimorum corporum ordo, nexus, ac proportio; motus æquabilis statim legibus temperatus, & per multa jam sæcula continuatus; accuratissima omnium entium ad fines suos particulares, horumque omnium ad universalem aliquem consensus; atqui hæc nisi a summa quadam intelligentia, & sapientia, quæ omnia corpora, eorumque intimam naturam perspiciat, ac in futura sæcula se porrigat, constitui non poterant: igitur conformatio totius universi auctorem quemdam summa intelligentia, ac sapientia præditum perspicue testatur.

*La me-
taphys-
des 103-
mglis.*

SCHOL. Est certe res hæc tantæ perspicuitatis, ut insanire putandi sint, qui cum auctore impij opusculi contra nituntur. Quid enim? Nonne ex effectu causam existere colligimus? Cur non igitur etiam effectus artificiosus agnoscens causam arte, ac solertia pollentem testetur? Qui vero ornatum, elegantiamque mundi perspicere cupit, is imprimis vastissima cæli spatia, ac innumera sidera; tum animalium, plantarumque conformationem; præcipue autem sui corporis minimarumque in eo partium fabricationem accuratius contempletur, inveniet sane, unde ad sapientiam Conditoris & admirandam, & adorandam excitetur.

,, Dum

„ Dum cometæ, verba sunt Nevvtoni, mo- *Opp.*
 „ ventur in orbitis valde eccentricis undique, *quæst.*
 „ & quoquo modo versum in omnes partes *13.*
 „ cæli, utique nullo modo fieri potuit, ut
 „ cæco fato tribuendum sit, quod plantæ in
 „ orbibus concentricis motu consimili feran-
 „ tur omnes. Tam miram universitatem in
 „ planetarum systemate necessario fatendum est
 „ intelligentia, & consilio fuisse effectam. „
 Sed nemo Cicerone hoc in argumento facun-
 dior, quod toto secundo de Deorum natura
 libro pertractat. Audi, ut Cleanthem inducit
 observantem „ æquabilitatem motus, conver- *C. 3.*
 „ sionem cæli, solis, lunæ, siderumque om-
 „ nium distinctionem, varietatem, pulchritu-
 „ dinem, ordinem, quarum rerum aspectus
 „ ipsæ satis indicaret, non esse ea fortuita.
 „ Ut si quis in domum aliquam, aut in gym-
 „ nasium, aut forum venerit, cum videat
 „ omnium rerum rationem, modum, discipli-
 „ nam non possit, ea sine causa fieri judica-
 „ re: sed esse aliquem intelligat, qui præsit,
 „ & cui pareatur: multo magis in tantis mo-
 „ tionibus, tantisque vicissitudinibus tam mul-
 „ tarum rerum, atque tantarum ordinibus, in
 „ quibus nihil umquam immensa, & infinita
 „ vetustas mentita sit, statuatur, necesse est, ab
 „ aliqua mente tantos naturæ motus governa-
 „ ri. „ Et rursus: „ Hæc omnis descriptio *C. 4.*
 „ siderum, atque hic tantus cæli ornatus ex
 „ corporibus huc, & illuc casu, & temere
 „ concursantibus potuisse effici cuiquam sano
 „ videri potest? Aut vero alia quædam natu-
 „ ra mentis, & rationis experts hæc efficere
 „ potuit, quæ non modo, ut fierent, ratio-
 „ ne eguerant; sed intelligi, qualia sint, si-
 „ ne summa ratione non possunt. „ Elegan- *Rel nat.*
 ter hoc argumentum persecutus est Hookius, *& revel.*
 quamvis & innumeri alii sint, qui existen- *princ. p.*
 tiam Dei ex particularium rerum consideratione *1. scilicet.*
 de. *arg. 5.*

demonstrarunt; longus eorum catalogus præfigitur Astrotheologiæ Derhami germanicæ ab Alberto Fabricio Hamburgi editæ anno 1732. Memorantur ibidem Carolus Drelincurtius, qui ex fetus humani formatione, nutritione &c. id præstitit, Christophorus Sturmius *in oculo Θεοσκοπῶ*; Andreas Schmidius *in aure Θεοδιδιχαῶ*; Georg. Albertus Hambergerus *in Deo ex inspectione cordis investigato*; Christianus Donatus *ex manu humana*; VVilhelmus Feurlingus *ex loquela hominis*; Gerardus Mejerus *ex pluvia*; Philippus Leutvvein *ex nive*; Henricus van Seelen *ex tonitru*. His adde Fenelonium, Neuventitium, Resumurius, Rayum *de exist. Dei demonstr. per creat.*; Balletium *l'existence de Dieu démontrée par les merveilles de la nature*, Vincen-tium Moniglia *dissertazione contra i materialisti, & altri increduli*. Prætermitto quamplurimos alios, qui ex insectis, & vegetabilibus sapientissimi Conditoris existentiam com-probarunt.

qui De-
us est.

XV. *Auctor ille totius universi summa in-telligentia, & sapientia præditus Deus est.* Auctor ille totius universi summa intelligen-tia, & sapientia præditus est ens a tota re-rum effectarum universitate diversum; sed ens a tota rerum effectarum universitate di-versum, insectum, ac proinde necessarium sit, oportet: quare, cum ens necessarium Deus sit (§. 5.), perspicuum est auctorem illum totius universi summa intelligentia, & sapientia præditum Deum esse.

COROLL. Recte igitur ex conformatione mun-di, quatenus ea sine summa quadam sapientia confieri non potuit, supremum Numen exsi-stere demonstramus.

SCHOL. Desinant igitur aliquando ogganire pro-fani

sanī homines, explosasque pridem Epicureorum hypotheses recoquere; quot enim vero res postulant, quæ perspicue repugnant. Ponunt primum existere ab æterno, ac necessario atomos numero infinitas, figura, & mole differentes; deinde naturæ necessitate eas moveri, neque in lineis solum parallelis, sed etiam declinare paullulum absque ulla ratione sufficiente; porro in se incurrere, & cohærescere; tum infinitas per totam æternitatem confoederationes effectas fuisse; postea quamvis datam ob perpetuam atomorum agitationem brevi post tempore rursus dissolutam; tandem hanc præsentem tot sæculorum lapsu persistisse. Hæc certe omnia manifeste cum ratione pugnant, ut copiose demonstratum est (cosmol. §. 20. sch. seqq.); unum tamen adjungam, quo palam fiat, ipsos etiam datis hisce postulatis ætæ agere.

XVI. *Datis etiam Epicureorum postulatis mundus hic aspectabilis ex fortuita atomorum concursione nec oriri, nec tanto tempore conservari potuit. Ad hoc, ut mundus hic aspectabilis & oriretur, & tanto sæculorum intervallo conservaretur, necessariae erant generales quædam motuum leges præter illam, qua motus in conflictu mutatur, quibus nimirum mutuus particularum accessus, & recessus, cohæsiō, generatio, nutritio animalium, ac plantarum, corporum cælestium motus regerentur; atqui posita fortuita atomorum concursione id genus leges nullæ existerent; neque enim leges constantes aut in fortuita concursione contineri, aut ex illa enasci, aut ab atomis intelligentia orbatis constitui possunt: igitur fieri omnino nequit, ut datis etiam iis Epicureorum postulatis mundus hic aspectabilis ex fortuita atomorum concursione aut oriatur,*

Mundus
fortuito
nec ori-
ri, nec
conser-
vari po-
test.

aut

Princ. phil. vel. n. r. & revel. aut tanto tempore conservetur: vide Cheyne-
neum.

c. 3. SCHOL. Profecto, quæ casu, & fortuito eveniunt, numquam eadem ratione contingunt: quo igitur fato efficitur, ut jam casus certas, statasque leges constanter sequatur? Si casu, & fortuna ortus est mundus, etiam casu, & fortuna administretur, necesse est, quod qui asseruerit, nã ille physicis in disciplinis parum excultus, quin & conscientiam prodidisse censendus est. Porro refutata Epicureorum insania non necesse esse arbitror, ut Anaximandrinam, Stoicam, Stratonicamque stultitiam nominatim refellam; quæ enim Strato de vi genitrice singulis materiæ particulis insita somniavit, conveniunt cum vi motrice, quam Epicurus post Democritum singulis atomis tribuit. Natura genitrix per totam materiæ molem diffusa, & sensu, ac ratione destituta, ad certum tamen finem omnia efficiens; qualem aliqui ex Zenonis sententia male intellecta exsculperunt, in deliramentis habenda est (cosin. §. 86. sch. 2.). Anaximandri denique formæ, & qualitates vel nihil sunt, ac proinde ad mundi conformationem nihil consenserunt; vel si sunt aliquid, ex nihilo prodeunt absque causa efficiente, quod pugnat cum primo veterum principio; *ex nihilo nihil.*



CAPUT IV.

De Exsistentia Dei Moraliter demonstrata.

XVII. *Exstat communis natura sensus de exsistentia Dei.* Exstat unanimes cum philosophorum, & sapientium omni ætate celebrimorum, tum nationum tam veterum, quam recentiorum de Dei exsistentia consensus, eaque non aliunde, quam ex naturali animi propensione proficiscitur; atqui propensio istæ communis naturæ sensus est (§. 169. log.): igitur de exsistentia Dei communis naturæ sensus exstat.

Exstat
sensus
commu-
nis de
exsisten-
tia Dei.

SCHOL. 1. Ut sapientibus; ac philosophis ordi-
diar; agnoverunt Deum aliquem, supremum-
que mundi opificem, ac gubernatorem Trismegistus, vel quicumque ille est auctor vetustissimus, cujus hæc sunt verba: „Gloria omnium Deus, divinum, divina natura, principium universorum. „Thales Milesius, qui ita teste Laertio: „antiquissimum eorum omnium, quæ sunt, esse Deum, pulcherrimum enim ab eo mundum esse constructum. „Anaxagoras, quem Plato docuisse scribit, „Deum esse mentem componentem, & disponentem omnia; „atque hanc mentem, ipsius opinione, unum esse illud in tota rerum universitate, quod simplex sit, purumque, omnis concretionis nescium ex Aristotele (a); infinitam, quæ per se ipsam movetur, auctorem omnium ex Tullio (b) discimus. Socrates (c), cujus hæc fuit sententia: „Deum in se ipso omnibus creatis rebus, & ut sint, & ut bene eis sit, largitum esse. „

Consensus
sapientium.

In Pimandro
c. 3.
Vit. phil.
l. 1. segm.
35.

In Phædon.

(a) De anim. l. 1. c. 2.
(b) De nat. D. l. 1. c. 12.
(c) In Phæd.

Pla-



Plato, qui interprete Alcino Deum æternum, immutabilem, incorporeum, simplicem, ab eo-que materiam æternam in ordinem redactam esse contendebat. Aristoteles, qui, ut Laertius narrat, „ Deum sicut Plato, incorpora-
 „ lem definivit, ejusque providentiam ad cæ-
 „ lestia usque pertingere : ipsum vero immu-
 „ tabilem esse. „ Illius porro in academia ; hujus in peripato sententia perpetuo obtinuit. Sed neque in porticu multum diversa tradita fuerunt ; certe Zeno Stoicus cum magna suorum parte, ac præcipue cum Posidonio pronuntiavit „ unum esse Deum, & mentem, & „ fatum, & Jovem, & variis eum appellari „ nominibus, ac ab eo mundum fuisse procrea-
 „ tum. „ Chrysippus alter illius familiæ princeps quam facunde ex mundi conformatione Deum esse apud Tullium demonstraverit, omnes novimus. Venio ad philosophos Italicos : Pythagoram docuisse suos Deum existere, omniaque per se inspicere, ac regere Jamlychus ; Parmenidem unum omnium rerum principium, quod Deus sit, tradidisse Aristoteles testatur. Zeno Eleates hoc eodem testante non modo Deum confessus est, sed & unum esse longiore oratione, quam infra integram adducam, demonstravit. Neque vero Leucippus, Democritus, & Epicurus cum suis, quamvis doctrinam maxime impiam foverent, prorsus Deos sufferre ausi sunt. De philosophis deinde eclecticis, junioribus Platonicis, aliisque, qui ab eo inde tempore floruerunt, dubium esse nullum potest. Longum horum agmen claudat Cicero Cottæ nomine Balbum ita alloquens :
 „ Ego vero eas (religiones) defendam semper,
 „ semperque defendi ; nec me ea ex opinio-
 „ ne, quam a majoribus accepi, de cultu Deo-
 „ rum immortalium, ullius umquam oratio,
 „ aut docti, aut indocti movebit, „

Tran.

*De vit.
phil. l. 5.
segm 32.*

*Laert.
lib. 7.
segm.
135.*

*De nat.
D. l. 2.
c. 6.*

*Vit. Fy-
sb. c. 30.
n. 174.
Physic. l.
1. c. 2. 3.*

*De nat.
D. l. 3.
c. 2.*

Transeamus ad nationes integras, & primum
 quidem vetustissimas. Ut de Hebræis taceam,
 occurrunt primum Chaldæi, quos Eusebius scri-
 bit Deum agnovisse, qui sit rerum omnium
 principium; tum Persæ, & Arabes, Ægyptii,
 Indi, Getæ, Galli, Germani, Græci, Roma-
 ni, quibus omnibus varios fuisse Deos, eosque
 collendi ritus, qui de his rebus scripserunt,
 testantur. Generatim nullam fuisse nationem
 olim cognitam omni Dei cognitione destitu-
 tam jam pridem Plutarchus contenderat: „ Si
 „ terras obeas, inquit ille confidenter: inve-
 „ nire possis urbes muris, litteris, regibus, do-
 „ mibus, opibus, numismate carentes; — —
 „ urbem vero templis, Diisque destitutam,
 „ quæ precibus, jurejurando, oraculis non u-
 „ tatur; non bonorum causa sacrificet; non
 „ mala sacris avertere nitatur, nemo umquam
 „ vidit. „ Nec aliter Tullius sensit: „ Ut
 „ porro firmissimum hoc afferri videtur, cur
 „ Deos esse credamus, quod nulla gens tam
 „ fera, nemo omnium tam sit immanis, cu-
 „ jus mentem non imbuerit Deorum opinio. (a)
 „ Multi de iis prava sentiunt: id enim vitio- (b)
 „ so more effici solet: omnes tamen esse vim, (c)
 „ & naturam divinam arbitrantur. Nec vero (d)
 „ id collocutio hominum, aut consensus effi-
 „ cit: non institutis opinio est confirmata,
 „ non legibus. Omni autem in re consensus (e)
 „ omnium gentium lex naturæ putanda est: „ (f)
 His accedant testes non minus fide digni Pla-
 to (a), Aristoteles (b) Diodorus Siculus (c),
 Seneca (d), Sextus Empiricus (e), Artemi-
 dorus (f), Ælianus (g), Maximus Tyriscus
 (h), Dion Prusæensis (i) cum aliis innu-
 meris.

Quid jam dicam de populis maxime barbaris nu-
 per ab Europæis detectis? habent & illi sal-
 tem confusam quamdam supremi rerum Con-
 ditoris ideam, si paucissimos, planeque stupi-
 dos,

Consen-
 sio na-
 tionum
 vetustis-
 sima-
 rum.

1. 1. 1.
 4. c. 5.

Contra
 Coloten.
 Epicur.
 p. 1125.

27. tu-
 se l. 1.

c. 13.

(a) De
 leg. l. 10.

(b) Ad
 Nicom. l.

10 c. 11.

(c) Hist.
 l. 12.

(d) Ep.
 117.

(e) Adv.
 Mathe.

l. 9.

(f) L. 1.

c. 9.

(g) Var.
 hist. l. 2.

c. 33.

(h) Dis-
 sert. 1.

(i) Orat.
 45.

Consen-
 sio na-
 tionum
 recen-
 tiorum,

dos, ac in silvis pecudum more degentes de-
 sumus, de quibus id nondum liquido constat.
 Pertinent huc Tartari, & Somojedæ ad ocea-
 num glaciale sitæ; Islandi, Grælandi, Ame-
 ricani septentrionales, Missipenses, Canaden-
 ses, Mexicani, Peruviani, Brasili; Chilenses,
 Huttentotti, Caffari, incolæ insularum Mada-
 gascaris, Sumatræ, Borni, Javæ, Moluccarum,
 Philippinarum, ceterique ad orientem positi;
 pertinent omnes ii, quos supra de immortalitate
 animæ agens (psych. rat. §. 248. sch.) laudavi.
 Prætereo interioris Asiæ populos, velut Indos
 ultra, citraque Gangem, Chineses, Cochin-
 chinenses, Tunchinenses, Japonenses, de quibus
 nullum alioquin dubium esse potest. De his
 videri possunt *Histoire de voyages*. *Roche-
 fort's histoire morale des Antilles*. *Relation des Ca-
 vaibes du Sr. de la Borde*. *Joan. Dos Santos
 hist. de l'Ethiop. orient.* *P. Tachard voyage
 de Siam*. *Du Halde description de la Chine*.
Bartholi hist. Asiat. *Maffei. hist. Ind.* *Henri-
 cus Ellis de tentamine fressi Hudsonis*. *Histo-
 ria novi orbis* *D. Benzo*. *P. Gillet Journal du
 voyage dans la Goyane*. *Andreas Kolbi de-
 script. cap. bon. spei*: alique valgo notissi-
 mæ peregrinantium relationes, ac epistolæ a
 divini verbi prædicatoribus ad nos missæ.

Consen-
 sio hæc
 funda-
 tur in
 sensu
 natu-
 ra com-
 muni.

Jam vero consensionem hanc ex ipsa a natura
 rationali nobis indita propensione, & non a-
 liunde oriri patet ex characteribus in logica
 (§. 171. schol.) adductis, qui omnes omnino
 huc applicari possunt. Nam primum, an ma-
 gis diffusa, & universalis esse potest? tanta
 certo est, quanta in re ulla; ut ne unus qui-
 dem dissentiat, numquam obtinebitur: dantur
 enim monstra animorum, ut corporum. Nihil
 sane superest, quàm ut cum Tullio exclame-
 mus: „ Si ratio mecum facit, si eventa, si
 „ populi, si nationes, si græci, si barbari, si
 „ majores etiam nostri, si denique hoc sem-

„ per

De d. v.
 216.33.

„ per ita putatum est; si summi philosophi ,
 „ si poetæ , si sapientissimi viri, qui respu-
 „ blicas constituerunt, qui urbes condiderunt:
 „ an dum bestię loquantur, expectamus, ho-
 „ minum consentiente auctoritate contenti non
 „ sumus? „ deinde opinionis hujus ita uni-
 „ verse per totum orbem diffusę nullum initium,
 „ nulla origo, nullum tempus, quo ea non vi-
 „ guisset, ostendi potest: ut adeo tam antiqua
 „ sit, ac genus humanum, & natura hominum
 „ rationalis. Cum igitur aliud omnibus commu-
 „ ne principium non exstet, necesse est, ut
 „ hanc opinionem in natura rationali fundari
 „ putemus; nisi quis velit eam a primo homi-
 „ ne, quoniam in infinitum transire absurdum
 „ est, traditione in posteros transmissam fuisse;
 „ quod horum cumque sit, certissimum erit Nu-
 „ men aliquod exsistere. Ego tamen opinor &
 „ homines ipsos ad hoc judicium ferendum na-
 „ tura sua propensos, & propensionem hanc tra-
 „ ditione auctam, & confirmatam fuisse. Quę
 „ jam porro doctrinę constantia? sustinuit ea
 „ tot seculorum ætatem: quo scientiæ magis ex-
 „ cultę sunt, eo magis inter homines invaluit;
 „ quo quis in litterarum studio majores progres-
 „ siones fecit, eo acrius eam defendit. Quis um-
 „ quam fallaciarum, fabularum, præjudiciorum
 „ tantam vidit constantiam, tantam firmitatem?
 „ præclare Tullius: „ Quod nisi cognitum, *De nat.*
 „ comprehensumque animis haberemus, non *D. l. 2.*
 „ tam stabilis opinio permaneret, nec confir- *c. 2.*
 „ maretur diuturnitate temporis, nec una cum
 „ sæculis, ætatibusque hominum inveterare
 „ potuisset. Etenim videmus ceteras opiniones
 „ fictas, atque vanas diuturnitate extabuisse.
 „ Quis enim hippocentaurum fuisse, aut chi-
 „ mæram putat? quęve anus tam excors in-
 „ veniri potest, quę illa, quę quondam crede-
 „ bantur; apud inferos portenta extimescat?
 „ opinionum enim commenta delet dies: na-
 „

„ turæ judicia confirmat . „ His denique accedit argumentum longe efficacissimum , conscientia honesti , & recti , & contra inhonesti , ac delicti , ex quarum altera jucundissimum mentis solatium , suavissima quies , præmiique spes promanat ; ex altera dolor , tristitia , perturbatio , anxietas , pœnæque timor , quo fit , ut illi quoque , qui se in atheis externe profitentur , mortem vehementer timeant , ac ingruente forte calamitate Deum inclament , quod jam olim Platoni observatum est . Profundissime nimirum hæc opinio cuivis a natura insculpata est , ut exui penitus nequeat ; expulsa aliquoties redit identidem invito etiam animo , & tacite actiones nostras moderatur . Atque hæc certe ejus sunt modi , ut animum a præjudiciis , distortisque affectionibus vacuum ad agnoscendam , amplectendamque veritatem non permovere non possint ; sed tamen , qui cum Epicureo illo apud Tullium suave religionis jugum ab humeris remove , supremumque scelerum vindicem e medio tollere cuperent , ratiunculas , nescio quas , undique corradunt , ut , si qua possent ratione , tantam lucem obsecurent : his jam satisfaciemus .

satisfit
dubilis.

SCHOL. 2. Ajunt 1.) non adeo , ut jactatur universallem esse de Numinis existentia opinionem ; fuisse omni ætate complures atheos tam negativos , quam positivos : ad hos pertinere philosophos non paucos , qui contrarium publice professi sint , atque non modo inter paganos veteres , ac recentiores , præcipue Sineses , quorum litteratos Deum negare Baylius , ex illo Marchio d'Argens refert ; sed & inter Christianos , quorum historiam Parkerus (a) , Buddeus (b) , & Reimannus (c) collegerunt . In illis complures integras nationes numerant . Thoes , inquit , in extrema Traciæ parte sita a Porphyrio (d) ex Theophrasto athei dicuntur ; Phlegyes Jovem non curare , atheosque

(a) De
Deo di

sp. 1.

(b) De
atheism.

et suo
perst. c. 1

(c) Hist.
atheism.

(d) De
abstin.

ab ani.
m. l. 2.

que esse Homerus (a) testatur; Atlantes in (c) Sch. Æthiopia, Calliaci item, seu Lusitani a Strabone (b); Galli a Cicerone (c); Arabes a (b) Rer. S. Nilo (d) in atheis habentur. Similiter ex geogr. l. recentioribus populis Canarienses a Columbo 17. p. (e); incolæ insularum quarundam meridiona- 823. & lium a Jacobo le Maire (f); insulæ prope li- 1.3. pag. tus Guinæ novæ a D. Schoutten (g); insu- 164. (c) Ora. læ Ydso, seu Jêso prope Japoniam a Massejo pre Fon- (h); Cubæ, & Hispaniolæ a D. de Laet (i); (d) Nar- rat. 3. insularum Marianarum a P. le Gobien (k); (e) Na- Antilarum a D. Arnaud (l); Brasili a Leri, vig. c. 2. & Richier (m), Cannadenses, Hurones, Sou- (f) De- riquosii, Armouchicosii a Gabriele Sagard (n); script. tandem Cassri, & Huttentotti a Theuenotio. navig. 31. Maii

Primum generatim; si qui aperte a communi (g) Di. opinione dissenserunt, paucissimi, & compara- ar. p. 47. te ad reliquum genus humanum, quasi nulli (h) Epi- fuerunt, iique potissimum flagitiosissimi, qui stol. l. 4. non tam crediderunt, quam optarunt nullum Apr. 28. Deum esse; jam vero a paucis generis argu- 1565. mentum duci nequit opinionem omnium alio- (i) De- rum consensione confirmatam in naturali pro- script. In i. oca- cide. l. 1. c. 10. pensione non fundari: quemadmodum ex non- (k) Hist. nullis cæcis arguere non possumus, visum ho- des Isl. mini non natura, sed casu convenire. „ Pau- Marian. citas ipsa, ait præclare Grotius (o), & quod (l) Quæ- statim intellectis argumentis rejecta est uni- rr. de- versim eorum opinio, ostendit non prove- nonc. du- nire hoc ex usu rectæ rationis, quæ homi- pechè nibus communis est, sed aut ex studio novi- phil. tatis, quali tenebatur, qui nivem atram ef- (m) Hi- se contendebat; aut ex mente corrupta, si- stor. na- cut viciato palato res non ut sunt, ita sapi- vig. in Bra. c. unt, præsertim cum historiæ, & alia scri- 16. (n) Hist. pta doceant, quo quisque fuit probior, eo du Ca- diligentius ab ipso custoditam de Deo noti- nada. tiam: atque adeo a pravo ingenio eorum (o) De- maxime, quorum interest, ne quis sit Deus, ver. rel. id est, humanarum actionum iudex venire chr. l. 2.

„ hanc a tam recepta antiquitus opinione dis-
 „ fensionem , vel inde apparet , quod , quid-
 „ quid illi ponunt , vel generum successionem
 „ absque ullo primordio , sive atomorum con-
 „ cursum , sive aliud quidvis , id non mino-
 „ res , si non majores habere difficultates , ne-
 „ que eo , quod receptum est , magis esse cre-
 „ dibile , cuivis ad rem mediocriter attenden-
 „ ti satis apparet . „ Quid quod ii ipsi con-
 scientiæ stimulis agitati contrarium animi sen-
 sum factis demonstrarunt Epicureorum exem-
 plo , qui sollicitè omnia Deorum sigilla ve-
 nerati sunt ? neque vero etiam tot reapse ,
 quod putantur , philosophi olim Deum sustu-
 lerunt ; alii nimiam solum Deorum popularium
 turmam riserunt , atque eam ob causam quem-
 admodum primi Christiani testibus Justino ,
 Arnobio , Minutio , ab Ethnicis athei dicti
 sunt ; alii in definienda natura divina turpissi-
 me aberrarunt , tribuentes Deo attributa , quæ
 cum infinita perfectione non consistunt : at
 vero aliud est Dei existentiam negare , aliud
 de ejus natura parum decenter sentire ; dari
 istud potest ignorantia illorum temporum ; alii
 in philosophicis suis operibus raro , aut num-
 quam de Deo mentionem fecerunt ; alii deni-
 que ea principia stabiliverunt , ex quibus , ipsis
 fortasse non advertentibus , prona esset ad hanc
 impietatem conclusio . Has ob rationes Cle-
 mens Alexandrinus Protagoram plane , & E-
 vehemerum ab atheismi suspitione absolvit .
 De Sinensibus ex historia P. du Halde longe
 alia didicimus ; id , ait , inter plebem , & li-
 teratos discrimen interesse , quod illa supersti-
 tionibus supra modum dedita idola , & Pago-
 des colat , præceptaque Xekia , qui innumera-
 biles Deos induxit , religiose observet ; dum
 contra litterati ex doctrina antiquissima , a
 Confucio postmodum confirmata , supremum
 cæli Dominum adorant . Ubi igitur illi athei ?
 nisi

Cic. de
 nat. Dei
 l. 1. c. 31.

nisi forte Baylius eos intelligat; qui Epicureas voluptates sectantur, quales, ut in quavis provincia multi dantur, ita nec in regno Sinenfi deerunt.

Quod ad integras nationes attinet; petuntur exempla ab iis, quæ omnium maxime barbaræ fuerunt: an vero, si ita res se haberet, inde quidpiam colligi posset? „ Ex gentibus illis „ tam effertis, verba Porphyrii sunt, & in *De abu*
 „ humanis non oportet ab æquis iudicibus *fin. c.*
 „ convicium fieri naturæ humanæ. „ Fieri *11.*
 utique potest, ut integra quæpiam natio mores suos adeo depravet, lumenque rationis opprimat, ut pecudum more vitam solum sensitivam vivat, ac voluptatibus sensum suaviter afficientibus immersa intelligentiam suam nunquam supra se extollat; a qua quid, nisi progenies adhuc effertior, & stupidior expectanda est? anne autem stupiditas hæc sano aliorum iudicio magis ad veritatem comprobandam valebit? jam autem nominatim testimonia de veteribus populis potissimum dubia sunt; auctores enim, qui similia referunt, utuntur iis loquendi modis, qui dubitationem notant, ut *fertur, fama, rumor est &c.* Præterea ista scire acceperunt a viatoribus superstitioso plurimorum Deorum cultu implicatis, qui si quem populum sine fanis publicis, idolis, & statis cæremoniis, quales exempli causa Parthi erant, in aperto campo certis diebus Diis suis, teste Herodoto, litantes invenerunt, continuo atheismi reum egerunt. Porro quæ singulatim obijciuntur, levissima sunt: Testimonium Porphyrii de Thoibus nulla alterius scriptoris auctoritate fulcitur, quin vel ex eo certam fidem non meretur, quod finitimi ejusdem Thraciæ populi Dei alicujus cognitione destituti haud fuerint; Phlegyes ob improbitatem fortasse, ex raptis enim vivebant toti latrociniis addicti, ab Homero inter atheos relati sunt; Strabo

minime scribit Atlantes atheos *esse*, verum *parari* solum, idque ea de causa, quod solum orienti, tum occidenti, velut sibi, agrisque suis noxio maledicerent; cum autem a Calliacis ait nullum Deum agnosci, videtur de publicis sacrificiis intelligendus, cum statim subjungat, Celtiberos ipsis a Septemtrione adfitos stata Diis suis sacra facere; Ciceroni more fortasse oratorio loquenti Julius Cæsar hac in re fide dignior opponi potest; S. Nilus denique alio loco eisdem Arabes stellam matutinam adorare, eique hostias offerre scribit. Transeamus ad recentiores; mercatorum, & navigantium narrationibus raro fides adhiberi potest; nam primum homines ii & ob linguarum ignorationem, & permodicam ingenii culturam investigandis gentium moribus apti non erant; quin nec in interiora regnorum penetrantes ad litus fere maris confederunt, quaestui unico intenti: hujus generis sunt relationes adductæ D. le Maire, Schouttens, ac eorum, qui de insula Jeso scripserunt. Deinde poterat quoque hæc opinatio oriri inde, quod templa publica, & sollemnes caerimonias illis in populis non deprehenderint, quod argumento non est ipsos Deum ignorasse; immo contrarium manifeste patet ex responsione barbari cujusdam Canadensis; hic enim rogatus, cur Deo sacra non faceret, reposuit: culvis relinqui, ut id intra animum suum præster. Denique non est de nihilo suspicio, homines illos etiam de industria has quandoque fabulas suis relationibus inspersisse, ut rei novitate apud curiosiores majorem libellorum suorum æstimationem concitarent; inde certe factum videtur, ut toties sibi mutuo adversentur. Ita incolas insulæ Cubæ, & Hispaniolæ Anglerius atheismi crimine liberat; P. le Gobien secum ipso non consentit; dum enim Marianarum insularum incolas ignoratione Dei teneri ait, ad.

*De bell.
Gall. l.
6. c. 16.*

*Voyag.
du Sr.
Cham-
plain. l.
3. ch. 5.*

*Disc. 1.
c. 1.*

addit simul eos de immortalitate animæ firmiter persuasos esse, pœnasque, & gaudia post mortem expectare. Caraïbas, qui Antillas incolunt, duo principia bonum, & malum credere, iisdemque sacra facere Rochefortius (a) refert. Brasili & Deum, quem Tupa vocant, agnoscunt, & sacerdotes habent (b). Canadenses, Hurones, reliquosque ejus provinciæ populos Deo vota facere, muneraque offerre a Lafitavio (c) dicuntur. Denique Caffrorum, ac Huttentottorum partem alteram idololatricæ, alteram mahometanisino addictos esse Andreas Kolbi (d) scribit. Ad extremum non inficior exstare fortasse nationes adhuc prorsus ignotas; verum id non obest: nam ad has ab aliis notis valet analogia, quemadmodum simili argumento colligimus, eos homines alimentis egere, felicitatis studio teneri, liberos suos diligere. Non igitur necesse est, ut ad unam omnes nationes singulatim enumeremus, quo communem de Dei existentia consensionem demonstremus, ut inscite Baylius contendit.

(a) Hist. mer des Antill. c. 13. 14.
(b) Marten. de Bras. Rel. c. 9.
(c) Mœurs des Sauvages Américains.
(d) Descr. cop. bon. speis.

Contin. de pens. divers. c. 13.

2.) Consensionis hujus licet maxime universalis originem ostendi posse putant; contendunt nimirum opinionem de Numinis existentia ortam fuisse vel astutia legislatorum, ac principum, vel ex metu, vel ex ignorantia causarum naturalium, vel ex perversa prolium educatione. Dicamus quædam de singulis.

1.) Legislatores, ut populos sibi subjectos in officio contineant, consinxisse videntur Numen aliquod, quod hominum animos inspiciat, & occulta quoque scelera puniat; confirmant id exemplo celeberrimorum legislatorum, Amasis, & Mnevis apud Ægyptios, qui a Deo Herma, Zoroastris apud Bactrianos, & Zamolxis apud Getas, qui a Dea Vesta: Zathraustis apud Arimaspos, qui a bono quodam genio;

Radamanthi, & Minois apud Cretenses, qui a Jove Cretensi; Triptolemi apud Athenienses, qui a Cerere; Pythagoræ, & Zaleuci apud Crotoniatis, qui a Minerva; Lycurgi apud Lacedæmonas, qui ab Apolline; Romuli, qui a Deo Conso; Numæ, qui a D. Egeria leges sibi traditas esse commenti sunt. Verus hæc est argutatio, & jam olim a Critia philosopho simul, & triginta tyrannorum uno aliquo Atheniensibus proposita, ut habet Baylius; recentius ab Hobbesio recocta, cujus hæc est impia vox: „Metus potentiarum invisibilium, sive fictæ illæ sint, sive ab historicis acceptæ publice, religiō est: si publice acceptæ non sint, superstitio. „

Diff. histor. & crit. ar. Critias, Leviathan, c. 12.

Imprimis ex his factis aliud non colligitur; quam religionem esse accommodatissimum societatis humanæ vinculum, pravarumque affectionum frenum; certe nullus ex enumeratis opinionem de Dei existentia excogitavit, aut prima religionis fundamenta jecit; sed eam jam exstantem institutis illi legibus, sacrificiis, & externis ritibus in ordinem redegerunt. Est opinio hæc omnibus rebus publicis humanis antiquior, ipsaque ex parte effecit, ut homines in societates coirent. Deinde si legislatores hanc fabulam confinxissent, qui factum est, ut omnibus in toto orbe æqualiter in mentem veniret? ut cum æquali ubique successu propagaretur? sane religio a legislatoribus conficta gravissimum onus foret hominibus impositum; putamusne tam molesto medio populos ad subjectionem compelli posse? nonne qui aliis quidpiam persuadere cupiunt, præsertim si dolos meditentur, naturales ante eorum affectiones sollicitè explorant, iisque cognitis in rem suam utuntur? Istud sane egerunt legislatores illi; cum viderent plebem aliunde in superstitionem propensissimam, Deorum, quos ipsa ante venerabatur, auctoritate leges

leges suas constabilire adlaborarunt. Denique cur hæc imperantium fraus a sapientiori aliquo, quales in subditis etiam sæpe reperiuntur, detecta numquam fuit? apposite Lactantius: „ Quod si fallendi nostri, atque ad-
 „ eo totius generis humani causa commenti
 „ sunt religionem, — — quæ tanta felicitas
 „ mentiendi, ut non tantummodo indoctos,
 „ sed Platōnem quoque, ac Socratem falle-
 „ rent, & Pythagoram, Zenonem, Aristot-
 „ telem, maximarum sectarum principes delu-
 „ derent? „

De ira
Dei cap.
10.

- 2.) Metum ajunt sæpe efficere, ut homines sibi fingant, quæ nusquam sunt; inde fortasse factum est, ut homines, cum incertam rerum humanarum conditionem, calamitates publicas, devastationes urbium, incendia, luem, aliaque similia timerent, sibi Numen aliquod summum, potentissimum, at simul in genus humanum benignissimum confingerent, cui pro avertendis hisce malis sacra facerent. Fuit hæc vetustissimi poetæ opinio, qui ita cecinit:
 „ Primus in orbe Deos fecit timor, ardua
 „ cœlo fulmina cum caderent: „ recantata a Lucretio (a), subindeque a Spinoza (b)
 exornata.

(a) De
nat. rer.
l. 6. v.
40. &c.
(b) Praef.
ad tract.
theol. &
polit.

- 3.) Ea istud facilitate negatur, qua asseritur; neque a posse ad esse valet conclusio, in quod vitium hic adversarii perpetuo labuntur. Quamquam nec potuit tam universalis opinio ex vano duntaxat metu oriri; non enim aliqui solum ex vili, & rudi plebe, sed viri etiam sapientissimi, ac ii, qui ceteroquin caducas hujas mundi res, ac peritura bona magnanimo contemserunt, eam amplexi sunt, & ita amplexi sunt, ut maluerint omnibus vitæ commodis exspoliari, quam ab ea decedere. At demus hanc sententiam timori ortum debere; quæro, an id omnibus prorsus, an solum aliquibus acciderit? si primum: ea vera

est, nam, cum metus omnibus communis in ipsa natura omnibus communi fundari debeat, etiam iudicium istuc ex sensu naturæ communi proficiscitur; si alterum: quomodo pauci meticulosi aliis magna animi fortitudine præditis inanem fabulam persuadere potuerunt? quomodo commentum hac ratione natum per totum orbem diffundi, & constantissime ab omnibus teneri potuit? & si hoc: rursus quæremus, quæ tempore, in qua natione, in qua provincia id primum evenerit?

- 3.) Homines, inquiunt, natura propensi sunt ad investigandas eventuum naturalium causas, dumque eas non reperiunt, facile ignotam quampiam, ac sensibus non percipiendam comminiscuntur. Hinc cum homines terræ motus, tonitrua, fulmina, eclipses solis, & lunæ, aliaque terrifica aeris phænomena observarent, nec tamen naturales horum causas deprehenderent, confinxerunt ens quoddam potentissimum, quod mortales ob neglectum sui cultum hisce pœnis affligeret, atque ideo preces, ac sacrificia ad placandam illius iram instituerunt.

- 4.) Valet huc primum, quod supra diximus: tum si homines per causarum investigationem ad supremi Numinis agnitionem pervenerunt, inceserunt via recta; ac cum ratione maxime congrua; idem enim est, seu quis ex contemplatione elegantissimæ totius universi conformationis, seu ex terrificis aeris phænomenis, seu ex ipsa ~~causarum~~ investigatione Auctorem supremum agnoscat. Ceterum opinionem hanc commentum ex sola ignorantia causarum naturalium enatum non esse vel inde patet, quod etiam rerum physicarum peritissimi eandem tueantur; verissimum potius est illud Verulamii effatum: „ philosophia obiter libata a „ Deo abducit; penitus hausta reducit ad eum „ dem. „

4.) In educationis, & infantiae præjudiciis habendam esse opinionem de Dei existentia quidam contendunt.

Re. Nullus prorsus præjudicii character adest; sed contraria potius omnia obtinent. Præjudicia in multis nationibus, minus in toto orbe eadem numquam inveniuntur; diuturnitate temporis non majus robur accipiunt; a sapientioribus persæpe agnoscuntur, & agnita corriguntur. Deinde quomodo omnes totius mundi parentes in hoc convenerunt, cum ceteroquin ratio educandi proles in diversis nationibus omnino diversissima sit? unde item ipsi parentes Dei ideam hauserunt? certe, qui huc recurrit, in scopulum sibi maxime infestum impingit; cogitur enim redire ad primum parentem, qui vel a natura sua rationali, vel a Deo ipso hanc cognitionem obtinuerit.

XVIII. Si nullus Deus existeret, nihil esset in actionibus humanis bonum, aut malum, honestum, aut inhonestum, justum, aut injustum. Omnis actuum humanorum vera bonitas, aut malitia, honestas, aut inhonestas, justitia, aut injustitia pendet ab eorumdem convenientia cum lege naturali, quod in philosophia morali demonstratur; sublato autem Deo, utpote legislatore, tollitur quoque lex ipsa, nullaque vitæ regula præter suam cuiusvis libidinem relinquitur: igitur si nullus Deus existeret, nihil esset in actionibus humanis bonum, aut malum, honestum, aut inhonestum, justum, aut injustum.

Abſque
Deo ni-
hil eſſet
Bonum,
aut ma-
lum;

COROLL. Igitur si nullus reapse Deus existeret, omnes actiones forent æqualiter indifferentes, idemque in se esset parentem occidere, & eum ex latronum manibus eripere: quo quid magis cum ratione pugnat?

SCHOL. Nec juvat dicere, inesse in ipsis rebus

ante omnem legem bonitatem aut malitiam ; quam philosophi morales *fundamentalem* vocant ; nam Deo non existente ipsum quoque hoc discrimen cessaret : ea quippe bonitas , aut malitia fundamentalis non consistit , nisi in interna , & essentiali vel convenientia , vel repugnantia rerum , & actionum cum fine hominis ultimo , qui infinitarum Dei perfectionum manifestatio , atque ipsius per cognitionem , & amorem possessio est , quique adeo in absurda hac hypothese periret . Veritatem hujus enuncii agnoverunt omnes ii , qui umquam atheismum vel aperte professi , vel ejus jure accusati fuerunt , ut Protagoras , Heraclitus , Hobbesius , Spinoza ; eorum enim doctrina erat , jus omne in majore potentia ; obligationem contra in imbecillitate sitam ; vanum , ac inane esse virtutis nomen ; fidem perfidiae , clementiam crudelitati nequaquam praecellere .

nec ulla
societas
homi-
num
persiste-
re pos-
set :

XIX. *Absque Dei existentis opinione nulla hominum societas diu tranquilla persistere potest .* In aperto est nullam hominum societatem diu tranquillam persistere posse si ne ea legum a principibus latarum auctoritate , ut subditi secundum rationem judicent se non solum publice ; verum etiam privatim : non modo in foro , ut ajunt , externo ; sed etiam in interno obstringi ; atqui haec legum auctoritas cum opinione de Numinis existentia ita connectitur , ut ea sublata & ipsa tollatur : ergo absque Dei existentis opinione nulla hominum societas diu tranquilla persistere potest . Sapienter Plutarchus : „ facilius urbem condi si-
„ ne solo posse puto , quam opinione de Diis
„ penitus sublata civitatem coire , aut con-
„ stare . „

Contra
Colos. E-
picur. p.
1125.

COROLL. Respublica igitur atheorum, quam *Pens. div. sur la Co- met. §.* Baylius ædificavit, ad *adversata* referri debet.

SCHOL. 1. Ut nempe sublato Deo, aut de *165. sultu.* jus existentia opinione lex naturæ, internumque actuum humanorum discrimen tolleretur (§. præc.) : ita hac in hypothesei omnis legum civilium auctoritas in sola cogendi potestate, in virium magnitudine, non in jure ullo consisteret : omnis enim legum ab imperantibus latarum efficacia ultimo in ea naturæ lege fundatur, qua jubemus eorum voluntati parere ; quare quamprimum hæc sufferatur, & illæ coruunt. Norunt id ipsi Principes, idque se nosse tum præcipue commonstrant, cum a testibus in causis judiciariis ; a militibus recens conscriptis ; ab iis, quos muniis publicis ornant ; ab omnibus denique, cum thronum conscendunt, jusjurandum postulant ; cui quæso, istud usui foret in absurda Baylii hypothesei ? Certe ex iis, quæ supra objecta fuerunt, manifeste colligitur, legislatorum sapientissimos in cultu divino primum status publici fundamentum situm esse semper putasse : Audi Tullium : „ Sit igitur jam hoc „ a principio persuasum civibus, dominos esse „ omnium rerum, ac moderatores Deos : ea „ que, quæ gerantur, eorum geri ditione, „ ac numine, eisdemque optime de genere „ hominum mereri : & qualis quisque sit, „ quid agat, quid in se admittat, qua mente, „ qua pietate colat religiones, intueri, „ piorumque, & impiorum habere rationem. „ His enim imbutæ mentes haud sanè abhorrebunt ab utili, & a vera sententia. „ Sed jam Baylii argutationibus respondendum.

SCHOL. 2. 1.) Athei, ait, eadem, qua alii, *Respon- detur Baylio. Ibid. §. 178.* ratione pollent ; ejus igitur adminiculo possunt internum rerum discrimen agnoscere ; justum ab injusto discernere, virtutem exercere, sub-

missionem, ac obedientiam principibus, mutuae charitatis officia civibus exhibere; his autem positis quis eorum rempublicam consistere posse neget?

*. Demus hæc ita esse; anne etiam ad sectandam virtutem aliqua se obligatione adstrictos censebunt? minime sane; at vel ideo eam non exercebunt, nec flagitiis abstinébunt, nisi forte metu potentioris coerciti; sed quæ vis, quæ pœna satis efficax esse potest, cum integra societas perversa est? Deinde sanæ justî, ac injusti, virtutis, & vitii notiones aliquo quidem tempore permanere possunt in iis atheis, qui cum aliis recte opinantibus commixti vitam agunt, aut qui, cum a teneris ad omnem honestatem instituti essent, ad impietatem postea deflectunt; at in atheorum republica, in iis, qui ab ipsa infantia hac peste infecti sunt, in vulgo alioquin ad omnem licentiam projecto non possunt. Perversis autem honesti, ac inhonesti notionibus necessarium confectarium est, ut omne jus in potentia; obligatio in imbecillitate constituatur: quo admissio necesse est, ut quæcumque hominum societas brevissimum intra tempus corruat. Universim itaque Baylius in eo errat, quod ea, quæ sunt, aut fieri possunt ab atheis inter illos, qui supremum Numen colunt, versantibus, ac atheismum potius affectantibus, transferat ad integram solorum atheorum collectionem; illi siquidem aliis adhuc motivis impulsî actiones suas ad principia a se constituta non conformant, quæ tamen motiva in altero casu prorsus decissent, ut mox ostendam.

- §. 179. 2.) Etiam in atheorum animis laudis, gloriæ, quæ appetitionem inesse contendit, eaque ipsos satis efficaciter ad mutua charitatis officia, ad præstandam magistratibus obedientiam impelli posse putat.

§. Hoc

2. Hoc motivorum genus satis efficax esse ad scelerandam virtutem per sese arduam, ad cohibendas hominum cupiditates, quibus in sua commoda ferri solent, vehementer nego; & si sit etiam comparate ad unum, vel alterum, apud vulgus certe quod maximam reipublicæ partem constituit, nullam vim obtinebit. Quid quod ipse hic gloriæ appetitus non tam ad virtutem, quam ad conquirendas quæ demum cumque ratione divitias, ad comparandam potentiam ipsos exstimularet? nam sic fere res constitutæ sunt, ut quo quis ditior, aut potentior est, eo magis ab imperita plebe adoretur. Potentia nimirum, & opes aptissima sunt explendarum cupiditatum subsidia, tumque vel maxime, quando rectæ virtutum, vitiatorumque ideæ ex animis exsulant. Deinde anne actus, ad quem sola gloriæ, honorisque cupido hominem impellit, virtutis nomine dignus? an non potius turpis simulationis, sceleris hypocrisis nomen merebitur? præclara enim vero in cives charitas, in magistratus observantia, quæ tum exhibetur, cum inde honor speratur, sublata hac spe non exhibetur. Illud vero, quod ex Lucretio adjungit, quam puerile est, fore, ut gloriæ cupidus occulta quoque flagitia evitet timore ductus, ne ipse vel somnians, vel vehementiore ægritudinis æstu abreptus eadem manifestet.
- 3.) Homines, inquit, vulgo non vivunt secundum cognitiones suas, & principia theoretica; 136. idque multorum, ac præcipue Stoicorum exemplo declarat, qui licet omnia fato ineluctabili constricta docuerint, elegantissimis tamen morum præcepta suppeditarunt. Experientia quoque docet, multos, qui cælum, ac infernum firmissime credunt, nihilo minus frequentissime scelera admittere. Inde concludit: poterunt igitur opposito athei, etsi nihil credant, a vitiis abstinere, & ut nulla est in re-

ligione vis ad promovendum virtutis cultum ; ita nulla est in atheismo ad eum imminuendum.

- ¶ Raro quidem homines suas cognitiones & principia philosophica in actionibus suis sequuntur, cum ea veritatibus in sensu naturæ communi fundatis opponuntur; natura quippe difficillime exuitur, & sensus ille etiam invitis identidem redit, quod certum veritatis indicium est (§. 171. sch. char. 4. log.). Atque istud Stoicis contigit, illis nimirum, qui vere libertatem sustulerunt, quales tamen admodum pauci, fuerunt (psych. §. 125. sch.). Ad illa quoque principia, quæ cum pravis affectionibus pugnant, homines sæpe actiones suas non conformant; suavitatem enim præsentis voluptatis allesti contra rationis dictamen agunt, cumque meliora videant, probentque, deteriora sequuntur. Vide, quæ in logica (§. 231. sch. 2. n. 2.) de discrimine veritatum theoreticarum, & practicarum dicta sunt. Inde mirum non est, homines religioni addictos non tamen semper secundum ejus principia agere, ac voluptatibus irretitos, contento cælo, ac inferno peccare; at mirandum maximopere, & stupendum foret, si atheus, qui a suis ipse principiis ad sectandas corporis voluptates, ad opes, & honores per fas, & nefas quærendas incitatur, qui nihil a corporis interitu superflue arbitratur, ab illis in actionibus suis quotidianis deflecteret. Nonne homines potissimum affectionibus suis, & aliorum exemplis se regi sinunt? quid igitur cum atheo in sui similium grege constituto fiet? non sequetur theoretica, quibus imbutus est, principia? at illa frenum quibuscumque cupiditatibus laxandum; conquirenda bona terrena; amplectendas turpissimas voluptates; vitam pecudum, quas ab homines vix differre statuunt, more agendam docet: retinebit aliorum exemplis? quin potius ab iis ad omne
fla.

flagitii genus impelletur. Sed retorqueamus telum. Si appetitiones humanæ tantæ sunt efficacitatis, si voluptates præsentēs tam vehementer animum alliciunt, ut eos quoque sæpe abripiant, qui gravissimas, æternasque pœnas timent, quale dominium in atheorum animis omni futurorum spe, aut metu vacuis exercebunt: Denique quid ad virtutem promovendam religionem inter, ac atheismum interfit, expendamus; illa tota est in commendanda virtutis pulchritudine, in depingenda vitii foeditate, in proponendis gravissimis incitamentis, quæ tum a summa Dei colendi dignitate, tum a tranquillitate, & cruciatu conscientiæ, tum a præmiis, ac pœnis post mortem exspectandis petuntur; & nulla sit in ea vis ad promovendum virtutis exercitium? Jam dudum Tacitus de vetustis Germanis scriptum reliquit, eos præ reliquis nationibus in bello animosiores fuisse, quod immortalitatem animæ crediderint. Quid jam contra atheismus? nonne ideas honesti, ac inhonesti pervertit? sublata immortalitatis spe eundem hominum, ac jumentorum interitum esse docet? justum occultorum quoque scelerum vindicem e medio tollit? omne virtutis præmium in bonis præsentibus constituit? & reliqua, quæ tute facile erues. Anne vero doctrina istæ ex natura sua latissimam omnibus flagitiis portam non aperit? Desinat igitur Cardanus atheorum virtutes in cælum tollere, quod sine commodi spe sine mercedis intuitu exerçantur: nulla potest athei esse virtus, nulla honestas; si quid boni præstiterit, id aliis quibusdam motivis, quæ virtutem haud constituunt,tribuendum erit.

*De immort.
morte, de
nim. c. 2.
pag. 33.*

- 4.) Demum ad exempla provocat, adducitque tum veterum, tum recentiorum temporum atheos, Diagoram, Theodorum, Epicurum, Lucilium Vanini, Spinozam, quorum vitæ pro-
5. 174.

probitatem, comitatem in omnes, obedientiam erga principes multis dilaudat. Inde porro concludit elucere ex his exemplis atheismi doctrinam in mores nequaquam influere.

- ✱. Responsum jam alias occupavimus (psych. §. 263. sch. 1 n. 6.). Vera nimirum ista esse possunt de atheis, qui in hominum religioni addictorum societate vivunt; hi enim multis aliis motivis ad externam, & simulatam morum honestatem impelli possunt: persistentibus quippe in aliis fanis de virtute, ac vitiis notionibus timent vilipendi, ac odio haberi; cupiunt item ad munera publica promoveri, qua spe certo se frustrandos sciunt, si ad doctrinam mores suos componerunt; nec denique etiam interior conscientiae vox prorsus conticescit. At in commentitia atheorum republica hæc, & similia motiva penitus tollerentur; in nullo enim forent rectæ de honestate, ac inhonestate ideæ, impia doctrina teneris jam animis instillata firmissimas radices figeret, tamque alte imprimeretur, ut tandem totam rationalem naturam perverteret, internosque conscientiae proditæ stimulos plane hebetaret. His accederent prava aliorum, etiam quorum major in animos est auctoritas, exempla; distortæ affectiones, immoderata distescendi, & dominandi libido, & quæ ejus modi sunt, naturæ corruptæ monstra. Neque a sectarum capitibus ad sequaces argumentum valere ibidem quoque luculenter ostendi; respiciunt enim hi, quibus illi aguntur, motiva, nec jam amplius doctrinæ famam conciliare student, quam ipsius principes avidissime appetebant. „ Non ab Epicuro impulsæ, ait Seneca, nec a Epicureis, luxuriantur, sed vitiis, dediti luxuriam suam in philosophiæ sinu, abscondunt, & eo concurrunt, ubi audiunt, laudari voluptatem. „ Quamquam nec ea probitas, quam Baylius tantopere extollit, in

co.

eorum moribus eluxit ; certe Lucilium Vanini vitam omnibus sceleribus inquinatam duxisse , atque nihil minus , quam forte animam in accipienda mortis sententia exhibuisse Gramon-
 dus scribit.

*Extrait
de la vie
de Vanini.*

XX. *Deus exsistit.* Imprimis enim de hac Dei exsistentia sensus naturæ communis exstat (§. 17.) ; deinde in contraria hypothesi nec quidpiam in rebus humanis bonum , aut malum ; honestum , aut inhonestum ; justum , aut injustum foret (§. 18.) , nec ulla respublica ; aut hominum societas diu tranquilla consistere posset (§. præc.) ; atqui sensus naturæ communis non fallit (§. 171. log.) ; & duo reliqua tam cum ratione , quam cum ideis , secundum quas & philosophari , & actiones nostras moderari debemus , pugnant : igitur Deus exsistit.

*Deus
exsistit.*


COROLL. Potest itaque & moralibus argumentis exsistentia Dei invicte demonstrari.

SCHOL. Diversis proinde modis eadem veritas manifesta fit ; quare nullam omnino excusationem adferre possunt , qui aut rationes has perpendere negligunt , aut perpensis non intellectu modo , sed & tota voluntate non assentiuntur. Perspecto argumentorum pondere , quæ , si non absolutam certitudinem , ut quidem omnes sanæ mentis opinantur , summam saltem , quæ cogitari potest , probabilitatem conficiunt , nonnulli ad hominem ita arguunt : si Deus exsistat , tu tamen illum inficieris , debitumque ei cultum subtrahas , gravissimam certe pœnam expectandam habes ; si Deus non exsistat ; tu tamen falso persuasus eum velut existentem colas , nihil umquam inde detrimenti capies ; at Deum exsistere saltem verissimum est : vide itaque quam in gravissimo hoc negotio partem amplectendam ratio-
 sua.

suadeat . Profecto mirari satis nequeo , qui fiat , ut qui in aliis rebus quavis certitudine contenti sunt , huic veritati adeo perspicuæ victas dare manus abnuant ; cum tamen ea ejusmodi sit , ut si non certa esset , certam esse summe optandum foret . Quid enim ? an non multo optabilius est sub suavi potentissimi , simulque optimi gubernatoris regimine vitam agere , quam durissimo jugo fatali cujusdam necessitatis , fortunæ , aut casus subjici ? Perperam sane contendunt nonnulli , nihil cogitationem de Numinis existentia ad solidam animi tranquillitatem conferre : in utraque hypothese parem animis quietem adfuturam . Quæ enim vero animi quies , cum nulla naturale beatitatis desiderium explendi spes affulget ? cum morbis , inopia , aliisque gravissimis calamitatibus sine præmii expectatione conflictandum est ? cum bona præsentia quantumvis accumulata cupiditates nostras non satiant , sed irritant ? cum tristes rerum vicissitudines casu , & fortuito evidentes perpetuo metuendæ sunt ? cum demum omnia vitæ hujus commoda absque melioris fiducia deferenda sciuntur ? Contraria omnia si experiuntur , qui in suavi providentiæ benignissimi Numinis sinu conquiescunt ,

*De la
Méttrie
l'homme
machine
p. 62.*

*Pensées
philos.*



SECTIO II.

D E

ATTRIBUTIS DEI.

§. XXI.



Attributa Dei sunt omnes eæ proprietates, quæ Deo conveniunt, quæque ex necessitate ad existendum, utpote ejus essentia metaphytica (§. 5.), promanant. Horum alia dico *negativa*, quæ cum negatione alicujus imperfectionis concipimus, sive per quæ a Deo imperfectionem removemus; alia *positiva*, quæ sine ulla negantia cogitantur, aut per quæ Deo perfectionem quampiam tribuimus.

Quid, & quotuplex Dei attributum?

SCHOL. 1. In se equidem, & revera omnia Dei attributa positiva sunt; quæ enim ex positiva, eaque illimitata essentia profluunt, non queunt, nisi positiva esse: & alioquin in Deo negatio, aut realitatis defectus locum habere nequit. Quid, quod si rem accurate expendamus, facile pervidemus, etiam tum, cum aliquam a Deo imperfectionem removemus, veram reapse perfectionem eidem a nobis tribui? Quare distributio istæ ab imbecillitate intelligentiæ nostræ magis, quam ab interno attributorum discrimine proficisci censenda est: cui & separatio illorum tum ab se se, tum ab essentia cogitatione nostra facta adscribi debet.

SCHOL. 2. Alii alias rationes in distribuendis attributis divinis sequuntur; sunt illis *comparativa*, quæ cum relatione ad res creatas, Quæ 2. horum divisio-
ut

ut *beneficentia*, *iustitia*; *absoluta*, quæ sine ea concipiuntur, ut *æternitas*, *simplicitas*: *ætuosa*, sive *operatoria*, quæ in suo conceptu actionem involvunt, ut *intellectus*, *voluntas*; *quiescentia*, quæ sine operatione cogitari possunt, ut *simplicitas: physica*, quæ realem, & physicam Dei naturam constituunt, ut *æternitas*, *omnipotentia*; *moralia*, quæ cum æterno, ac immutabili rerum discrimine, quod divina sapientia semper sequitur, connexa sunt, ac nostris actionibus moralibus normam præbent, ut *veracitas*, *iustitia*, *sapientia*. Sed probe contra Leibnitianos advertendum: hæc moralia attributa in Deo cum absoluta quoque necessitate inesse, quemadmodum physica, & quæ cum illis pugnant, absolute, ac metaphysice repugnare: unde cum dicimus: *moraliter repugnat, ut Deus mentiatur*, Sensus est *metaphysice in Deo mendacium repugnat, quia opponitur veracitati, quæ est moralis ejus perfectio*. (conf. ont. §. 37. sch. cosm. 84. sch. 2. n. 6.). His denique addunt *communicabilia*, quæ cum rebus creatis aliqua ratione possunt, ut *vita*, *intellectus*, *voluntas*; & *incommunicabilia*, quæ non possunt communicari, ut *æternitas*, *immensitas*. Ego missis his divisioni primum constitutæ insitam.

Quæ sectionis
partitio? XXII. Cum itaque attributa divina, & de quibus hoc loco agendum (§. 2.), in duo summa genera commodissime tribuantur, necesse habeo, ut præsentem quoque sectionem in totidem membra dispertiar, quorum alterum attributa *negativa*; alterum *positiva* dilucide exponat.

MEMBRUM I.

D E

ATTRIBUTIS DEI NEGATIVIS:

§. XXIII.



Attributa Dei negativa, vel vi originis, vel vi significationis talia sunt: *Quæ membri summat*
 illa ob præfixam particulam *in* vim negandi, in sensu saltem grammatico, obtinere videntur, quo pertinent, *independentia, infinitas, immutabilitas, immensitas*; hæc, tamen ex præpositione *in* non componantur, aliquam tamen in se negationem significant, ut *simplicitas, aternitas, unitas*. Membrum itaque istuc duo capita complectetur.

SCHOL. Unitatem in attributis negativis habendam esse, facile dabit, qui perspexerit, per unitatem, quam de Deo affirmamus, revera possibilitatem multiplicationis naturæ divinæ negari, hancque velut imperfectionem a Deo removeri.

CAPUT I.

De Attributis Dei Vi Originis Negativis.

XXIV.) *Deus quoad nullam determinationem internam ab alio pendet. Ens necessarium quoad*

Deus est ens in se dependens

ad nullam determinationem internam ab alio pender (ontol. §. 106.); sed Deus est ens necessarium (§. 5.): ergo Deus quoad nullam determinationem internam ab alio pender.

impassibile; COROLL. Omnis passio in ente dependentiam ab alio arguit (ont. §§. 128. 60.) igitur Deus nihil pati potest.

SCHOL. Si quid itaque passivi de Deo quandoque dicatur, illud vel ad externam solum relationem pertinet, ut *amatur*, *timetur*: vel reapse in se actionem continet.

infinite; XXV. *Deus est ens infinitum*. Ens necessarium est ens infinitum (ontol. §. 231.); sed Deus est ens necessarium (§. 5.); ergo Deus est ens infinitum.

perfectissimum; COROLL. 1. Cum ens infinitum sit absolute perfectissimum (ont. §. 226.), patet, Deum esse ens absolute perfectissimum; quod quidem etiam ex idea entis necessarii concluditur (ont. §. 113. cor.).

sanctissimum; COROLL. 2. Sanctitas in negatione omnis imperfectionis consistit: igitur, & Deus, & quodvis ejus attributum est sanctissimum.

SCHOL. Inde quidquid perfectionis in rebus creatisprehendimus, id Deotribuendum est; sed hæ perfectiones duplicis generis sunt: alix in ipso conceptu formali imperfectionem involvunt; ut *facultas sentiendi*, *recordandi*, *ratiocinandi*; alix limitem, quo constringuntur, in sua definitione non exprimunt, ut *intellectus*, *voluntas*, *libertas*, *sapientia*. Hæ *formaliter*, id est secundum suam realitatem, remoto tamen limite, in Deo insunt; illæ *eminenter*, nempe secundum aliquid, quod ipsarum realitatem nobilissimo modo supplet, (conf. ont. §. 227. sch.). Atque ex his colligi.

ligitur, quam turpiter abstraverit litterarum
 Perficarum auctor, cum confidenter pronuncia-
 vit præstantissimos philosophos, qui Deum ens
 esse perfectissimum docuerint, hac idea abufos
 fuisse; ipsos non advertisse ad mutuam perfe-
 ctionem, quas finita nostra intelligentia conci-
 pimus, pugnam, quæ ideo in uno ente con-
 sistere nequeant.

*Ocu. v. r.
 de M.
 Montef.
 quicu. r.
 1. p. 143.*

XXVI. *Deus est ens immutabile.* Ens ne-
 cessarium est ens immutabile (ont. §. 120.);
 sed Deus est ens necessarium (§. 5.): ergo
 Deus est ens immutabile.

*immu-
 ta bile*

XXVII. *Deus est immensus, quod ad locum
 attinet.* Ens necessarium est immensum quod
 ad locum attinet (ontol. §. 111.); sed Deus
 est ens necessarium (§. 5.): ergo Deus est
 immensus, quod ad locum attinet.

*immen-
 sum.*

SCHOL. Sed ex infinita Dei perfectione istud
 quoque recte concluditur; nam existere rem
 ita in loco quodam, ut non sit simul in alio,
 est certe quæpiam perfectionis, & existentiae
 limitatio, quemadmodum esse tantum aliquo
 tempore, similem limitationem arguit: ab op-
 posito existere in omni loco est vera aliqua
 perfectio: cum itaque Deo omnes perfectiones
 tribuendæ sint, consequens est, ut Deum in
 omni loco esse dicamus. Ipsi quoque veteres
 hanc Deo immensitatem magna consensione tri-
 buerunt, quemadmodum ex Homero, Virgilio,
 Cicerone, aliisque patet; neque illi repugnant,
 qui propriam Dei sedem in cælo constituunt:
 istud enim solum significare volunt, Deum in
 cælo præcipue suam majestatem patefacere, se-
 que beatis mentibus conspiciendum præbere.
 Sed quam res ipsa perspicua, tam modus ob-
 scurus est, ac omnino finitas intelligentiæ no-
 stræ vires exsuperat. Crasso nimis modo mul-
 ti ex veteribus immensitatem Dei conceperunt;

Storchenau Metaph. L. IV.

C unde

unde turpissimus pantheismi error denique ortum duxit; aliam quoque, ac oportuerat, huius divinæ perfectionis ideam animo informarunt illi, qui in Anglia præcipue cum Mosro, Nevvtono, Clarkio, Raphsono ipsam, & spatium mundanum rem eandem esse contenderunt, (conf. ont. §. 197. sch. 2.) Cavendum itaque magnopere, ne Deum per formalem sui extensionem ubique præsentem esse putemus: nam & simplex est, ut deinceps videbimus, & totus ubique: si autem per veram sui extensionem ubique adesset, alia illius pars foret, exempli causa, in tellure, alia in sole, ac corpus quodpiam motum diversas successive divinæ substantiæ partes peragraret, quæ omnia cum ratione pugnant.

Nonnulli Dei immensitatem ab ejus omnipræsentia discriminant, nec ratione destitui videntur. Ajunt immensitatem esse illam vel aptitudinem, vel exigentiam, qua Deus vi essentiae determinetur, ut rebus omnibus quoad ipsam suam substantiam intime præsens sit: hæc in sententia immensitas est ad omnipræsentiam, ut actus primus ad actum secundum; illa nimirum complectitur vim existendi in rebus omnibus abstrahendo ab actuali rerum creaturarum coexistentia: hæc præter illam essentialem determinationem simul actualem rerum creaturarum coexistentiam includit. Inde vero hæc consectaria prosuunt: 1.) immensitatem esse attributum Dei internum, necessarium, ipsique ab æterno, antequam res ulla conderetur, competens, non secus ac æternitatem, & omnipotentiam; actu vero rebus intime adesse præsentem esse duntaxat prædicatum contingens, Deo liberum, & post rerum procreationem ipsi adveniens; 2.) Deum *actu*, & *proprie* non existere in spatiis imaginariis extra mundum, cum nequeat nihilo coexistere; sed tamen, quoniam spatia illa ut possibi-

DE ATTRIB. DEI VI SIGNIF. NEGAT. 31

biliter locandorum sine numero corporum a nobis concipiuntur (ont. §. 196.), dici posse, ipsum *potentia* in spatiis imaginariis infinitis existere, quod aliud non sonat, quam posse Deum producere extra mundum nova corpora sine numero in infinitum, quibus omnibus, quamprimum existerent, sine omni sui mutatione intime præsens foret. 3.) Cum spatium reale necessario finitum sit (ont. §. 221. cor. 1.), vero sensu dici non posse, Deum existere in spatiis infinitis; sed rectius, Deum existere in se ipso, sive in sua immensitate, quæ nullo finito rerum creatarum spatio concludi potest. Nimirum ut Deus in sua æternitate ante omne tempus reale revera existit: ita vere in sua immensitate extra omne spatium reale existit.

C A P U T II.

De Attributis Dei Vi Significationis Negativis.

XXVIII. *Deus est ens simplex.* Ens necessarium est ens simplex (ont. §. 174. coroll.); sed Deus est ens necessarium (§. 5.): ergo Deus est ens simplex.

COROLL. Competunt itaque Deo, quæcumque enti simplici, qua simplici, conveniunt; contra minime, quæ enti composito, qua tali, propria sunt.

SCHOL. Simplicitas Dei ex iis quoque perspicue colligitur, quæ pro simplicitate animæ nostræ demonstranda attulimus (psych. §§. 142. seqq.). Usus vero hujus theorematis præter alios eximius est in refellendis duobus gravissimis erroribus, quorum alter *panteismus*; alter *an-*

Quid
anthro-
pomor-
phia-
mus?

anthropomorphismus nuncupari solet. De illo dixi (cosm. §§. 23. 40.); hic docet Deum corpore, quod ad humani similitudinem proxime accedat, præditum esse, quæ sententia illorum fuit, qui animum ab oculorum consuetudine abducere non potuerunt, licet ceteroquin de Deo magnifice sentirent, quales vetustissimis temporibus quamplurimi dabantur; quamquam præter veteres Græciæ philosophos etiam doctores quidam Christiani, ut Tertullianus, Melito Sardenfis, alique hujus erroris passim accusentur, recte, an perperam, non definitio: videantur Petavius (a), Joannes Cotelierius (b), Tobias Pfannerus (c). Magis Hobbesius (d) se suspectum reddidit, cum, ut solet, inscite pronunciavit: „ Illi quidem, „ qui Deo puritatem tribuunt, recte faciunt; „ est enim honorificum. Sed tenuitatem (intelligit simplicitatem) attribuere, quæ gravis quidam est ad nihilitatem, periculosum „ est. „ Origo hujus opinionis a difficultate, quam veteres in formanda entis simplicis idea sentiebant, repetenda videtur: inde enim fiebat, ut omne, quod est, corpus esse; & quod corpus non est, non esse putarent: cur autem potissimum corpus humanum Deo tribuerint, rationem reddidit Cotta apud Tullium (e) absurdam hanc Epicureorum opinionem in Vellejo perstringens: „ non deest hoc loco copia „ rationum, quibus docere velitis humanas esse „ se formas Deorum: primum quod ita sit „ informatum, anticipatumque mentibus nostris, ut homini, cum de Deo cogitet, „ forma occurrat humana: deinde, ut quoniam „ niam rebus omnibus excellat natura divina, „ forma quoque esse pulcherrima debeat; nec „ esse humana ullam pulchriorem. Tertiam „ rationem adfertis, quod nulla in alia figura „ domicilium mentis esse possit. — — Accessit etiam ista opinio fortasse, quod homi-

(a) Dogm. theol.
t. 1. l. 2.
c. 1. edit.
rec.

(b) Ad Clemen-
t. n. h. e.
mil. 2.
t. 1. P. P.
Apost.
pag. 738.
(c) Syst.
theol.
gentil.

c. 2. 29.
(d) Ap-
pend ad
Leviat.
c. 1. pag.
145. c. 3.
p. 361.

(e) De
nat. D.
l. 1. c. 27.

„ mi-

„ mini homine nihil pulchrius videatur. Sed
 „ tu hoc, physice, non vides, quam blanda
 „ conciliatrix, & quasi sui sit lena natura?
 „ An putas ullam esse terra, marique belluam,
 „ quæ non sui generis bellua maxime delecte-
 „ tur? — — An tu aquilam aut leonem,
 „ aut delphinum ullam anteferre censes figu-
 „ ram suæ? Quid igitur mirum, si hoc eo-
 „ dem modo homini natura præscripsit, ut
 „ nihil pulchrius putaret, quam hominem:
 „ eam esse causam, cur Deos hominum simi-
 „ les putaremus? Quid censes; si ratio esset
 „ in belluis? non suo quasque generi pluri-
 „ mum tributuras fuisse? „ Nec quemquam
 „ terreat, quod in ipsis sacris litteris Deo ocu-
 „ li, aures, lingua, manus tribuantur; cogitan-
 „ dum siquidem est, sermonem illum ad audien-
 „ tium imbecillitatem accommodatum esse; ut
 „ sapienter Theodoretus monuit: „ stolidi non
 „ animadverterunt, Dominum Deum per ho-
 „ mines hominibus loquentem audientium in;
 „ firmitati sermones accommodare. „

*Quest. in
Gen. 9.
20.*

XXIX. *Deus est æternus.* Ens necessarium ac æter-
 est æternum (ontol. §. 110.); sed Deus est num.
 ens necessarium (§. 5.) : ergo Deus est æ-
 ternus.

SCHOL. Quæstio agitur, utrum in æterni-
 tate successio admitti possit, qualis in tempo-
 re datur, seu quod idem est, an æternitas
 per modum temporis infiniti concipienda sit:
 quæ lis, etsi pro modulo composita fuisse
 (ont. §. 212. sch.) videatur: pauca tamen
 quædam hoc loco utiliter monenda restant.
 Negativam sententiam Plato olim: recentius
 Cudworthus cum multis aliis defendit. Pla-
 tonis hæc sunt verba: „ erat, est, & erit
 „ partes sunt temporis, & male transferuntur
 „ ad naturam æternam. Hæc est tantum com-

*Quæ de
successione in
æterni-
tate
contro-
versia?*

*Syst. in-
tell. c. 5.
§. 1. 4. 18.
seq. Ti-
mans.*

lib. 9. 24.
not. 2.

n. III.

„ petit *s. erat* verò , & *erit* pertinent solum
 „ modo ad res in tempore fluentes ; sunt enim
 „ motiones . Illa semper immutabilis natura
 „ nec senior , nec junior ullo modo esse po-
 „ test. „ Moshemius in Cudvorthum , post-
 „ quam controversiæ ortum , ac progressum , &
 „ utriusque partis patronos diffuse exposuit , hac
 „ ratione mentem suam declarat : „ infiniti qui
 „ naturam semper habent ob oculos positam ,
 „ illi non possunt non , si hanc notionem se-
 „ qui velint , intelligere , illis , qui successio-
 „ nem ab æternitate seclusam volunt , verita-
 „ tem multo magis favere , quam reliquis ,
 „ qui secus sentiunt . Infinitum quod est , id
 „ stabile quoddam est , omni termino , origi-
 „ ne , ac initio vacans , simplex denique .
 „ — — Infinita igitur duratio , seu æternitas
 „ nullam in se admittat divisionem , necesse
 „ est , nullas habeat partes , nullam dimensio-
 „ nem , nullis denique distinguatur momentis ,
 „ ac differentiis . — — Hoc autem si ita se
 „ se habet , equidem nescio , qua ratione æter-
 „ nitas ordo momentorum sibi succedentium
 „ esse queat . — — Quod humanæ ac a Deo
 „ conditæ res fluunt , labuntur , prætereunt
 „ sensim , id propter finitatem fit , qua cir-
 „ cumscriptæ sunt . Ergo infinitum si flueret ,
 „ & paullatim laberetur , non esset infinitum ,
 „ sed finitatem adjunctam haberet. „

Sublata porro successione reali in æternitate di-
 vina sequitur 1.) , eam omnia simul præsen-
 tia , præterita , & futura complecti , neque res
 in tempore sibi succedentes alteri , & alteri
 æternitatis parti respondere , sed toti : inde
 Deo nihil esse præteritum , nihil futurum ,
 sed omnia simul præsentia ; videre Deum si-
 mul , unoque intuitu alia in serie rerum la-
 bentium ante me posita ; alia in serie meæ
 parallelæ , alia in serie rerum me consequen-
 te ; unde fiat , ut licet sibi omnia præsentia
 sint.

sint, optime tamen cognoscat, quid mihi præteritum, præsens, futurumve sit. 2.) Æternitatem Dei maximam cum ejus immensitate analogiam habere (§. 27. sch.); ut enim immensitas in se spectata prædicatum est Deo penitus internum, ac perfecte abstrahens ab existentia rerum creaturarum: ita quoque æternitas in ipso inest sine relatione ad aliorum entium existentiam: quare recte a Boethio *De consolat. phil.* definitur esse *interminata vita tota simul, & perfecta possessio*, id est, ipsa perpetua, immutabilis, ac perfectissima Dei vita. Sicut porro vi immensitatis Deus necessario determinatus est ad existendum in omni loco reali, qui datus fuerit; ita quoque vi æternitatis essentialiter determinatur ad coexistendum omni tempori reali, quod fuerit. Atque inde ulterius profluit, coexistentiam omni tempori reali, sive rebus succedentibus ita distinguendam esse ab æternitate; ut omnipræsentia ab immensitate differt; nam utraque aliqua ratione a rebus procreatis pendet, Deoque semiextrinseca est. Demum quemadmodum ad immensitatem non pertinet existere in spatiis actu infinitis, sed satis est, ut Deus ex natura sua determinatus sit ad existendum in omni spatio reali, quod vel actu est, vel aliquando produceretur; ita ad æternitatem nequaquam requiritur, ut Deus actu tempori reali infinito coexistat, sed plane sufficit essentialis determinatio ad coexistendum omni tempore reali, quod vel jam est, vel adhuc erit.

XXX. *Deus est unicus.* Ens necessarium est *Deus unus* unicum (ont. §§. 114. 238.); sed Deus est *unus est* ens necessarium (§. 5.); ergo Deus est unicus.

COROLL. Polytheismus igitur cum ratione pugnat.

SCHOL. 1. Pugnat certe cum naturæ rationalis sensu, in quo hæc quoque veritas fundatur & unde enim sit, ut superstitioso etiam plurimorum Deorum cultu implicati, cum improvise calamitate repente opprimuntur, non Deos, sed Deum inclament? „ Audio vulgus, ait „ Minutius, cum ad cælum manus tendunt, „ nihil aliud, quam Deum dicunt: & Deus „ magnus est, & Deus verus est, & si Deus „ dederit. „ At vero totum fere orbem polytheismus olim occupaverat? sit ita sane: istud de veritate nihil detrahit; vocabulum Deus illis temporibus valde dubium fuit, & si fortasse rudis plebecula legislatorum, sacerdotumque fraudibus decepta plures veros Deos credidit, longe tamen sapientiores, ac philosophi ab hoc errore distabant; omni quippe ætate eorum plurimi unum supremum Deum docuerunt, cui alios minores subjecerunt. Audi Zenonem Eleatem, qui teste Aristotele non affirmavit modo, sed & probavit „ Deum „ esse unum, cum sit excellentissimus; si e „ nim duo essent, pluresve, omnium excel „ lentissimus esse nequiret, cum unusquisque „ Deorum istorum, quippe similis ei, par ipsi „ excellentia sit futurus. Deus, & potentia „ Dei talis est, ut gubernet, non gubernetur; gubernat vero omnia ita, ut si ali „ quid eo præstantius existeret, Deus esse „ ipse non possit. Si autem plures essent Dii, „ Dii esse non possent: Deus enim inferior „ esse, vel subjici, & gubernari haud potest. „ Neque si æquales essent, entium omnium „ excellentissimus esset Deus; quod enim æ „ quale est, nec melius esse potest, nec de „ terius eo, cui æquale est. Si Deus igitur „ est, isque si talis est, Deus ille debet esse „ unus, secus nec omnia, quæ vellet, facere „ posset; nam si plures essent, unus absoluta „ non potest valere potentia. „ Antisthenes,

ut

*In Olla.
viv.*

*L. d. Xen.
neph.
Zen. &
Gorg. c.
3.*

ut Cicero scribit, dicere solebat : „ populares
 „ Deos esse multos; naturalem unum. „ Præ- *De nar.*
 terea alios, quos longo ordine recenset Minu- *nat. D.*
 tius-Felix; id certum, quicumque supra vul- *l. l. c. 33.*
 gus sapiebant, unum Deum supremum, ac
 omnipotentem statuisse, a quo minores Dii
 non modo existentiam, sed & immortalita- *In effa-*
 tem, ut ait Plato, consecuti essent. Patet *vis.*
 istud ex pervulgata apud veteres, præcipue in *Timæo*
 schola Pythagorica, & Platonica spirituum in *us.*
 quatuor classes distributione: constituerunt ni-
 mirum primum Deum supremum omnium con-
 ditorem, tum Deos immortales ab ipso pro-
 creatos, nullique passioni subiectos: deinde
 heroes illustres, sive dæmones mutationibus,
 ac perpeffionibus obnoxios; demum homines.
 Hæc subinde opinio a recentioribus Platonici-
 bus non retenta modo, verum etiam acriter pro- *Dissert.*
 pugnata fuit, ut ex Hierocle colligimus. Con- *de genio*
 sulatur Gottofredus Olearius. Verum ut u- *Socran-*
 num Deum agnoverunt philosophi illi, non *is.*
 ita eundem publice prædicarunt; turpi enim
 superstitionis plebis metu absteriti sermonem,
 cum in turba versarentur, ab hoc argumento
 declinarant, paucis solum, & quibus familia-
 rius utebantur, mysterium istuc revelantes: ita
 Stilpo rogatus a Cratete, an Dii precati-
 bus, ac divinis honoribus gaudeant? Repo- *Laertii*
 suit, *noli me fatue in foro de hisce rogare,* *ut de*
sed solum, ac seorsum. Similiter, cum qui- *vir.*
 dam ex Bione quæreret, utrum Dii sint, hoc *phil. l. 2.*
 accepit responsum: *tunc senex turbam a no-* *segm.*
bis propellere curas? Plato tum palam, tum
 in scriptis suis plurimorum quidem Deorum
 genitorum, minorum, popularium, terre-
 strium, campestrium, marinorum mentionem
 fecit; in Timæo tamen summi parentis me- *Essai*
 minit adjungens: „ parentem hujus universi- *sur les*
 „ tatis indicare in vulgus nefas. — — quam- *philoso-*
 „ vis sine verisimilibus signis loquantur (de *phes ch.*
10. Bess-
juer de-

sc. sur
l'hist.
univ.
ch. 16. p.
280.
Syst. in-
tell. 640.

(a) Cœ-
lest. ad
gent.
(b) Apo-
log. pro
christ.
(c) Ad
Antoli-
cum.
(d) Con-
tra Ju-
lian. l. 1.
(e) Apo-
log. c. 24.
(f) Ad-
vers.
gent. l. 1.
(g) In
Ostasio.
(h) Hist.
l. 11. c. 1.
Epi. 43.
ed. vet.

De nat.
D. l. 1. c.
20.

„ Diis pluribus) veteri legi , & mori paren-
„ dum est. „ Inde privatim , & cum amico-
rum fidissimis colloquens vocabulum *θεός* in-
singulari semper numero usurpavit. Sed nemo
Cudvortho copiosius hoc argumentum per-
tractavit ; advertit ille primum omnes eos , qui
primis Ecclesiæ temporibus cum paganis di-
sputarunt , id unum probare conatos fuisse ,
præcipuos ab omni retro ætate philosophos
unum Deum tenuisse , eamque in rem laudat
Clementem Alex. (a) , Athenagoram (b) ,
Theophilum Antiochenum (c) , Cyrillum A-
lex. (d) , Tertullianum (e) , Arnobium (f) ,
Minutium Felicem (g) . Deinde nullum um-
quam gentilium cum christianis congregien-
tium plures Deos defendisse , quin ob id re-
prehensos una voce , ut scribit Orosius (h) ,
respondisse : „ Non se plures Deos sequi , sed
„ sub uno Deo magno plures ministros vene-
„ rari . „ Nec dissimili ratione Maximus ex
juniorum Platanicorum schola in epistola ad
S. Augustinum data se , suosque excusavit ,
inquiens : „ equidem unum esse Deum sum-
„ mum , sive unicum , quis tam demens , tam
„ mente captus est , qui neget esse certissi-
„ mum ? Hujus nos virtutes per mundanum
„ opus diffusas multis vocabulis invocamus . „
Denique nonne recte arguimus eum a priscis
philosophis Deum admissum fuisse , quem Ep-
icurus tam acriter impugnavit ? At hic non
Jovem , non Saturnum , non Plutonium , non
alios Deos , sed Dominum sempiternum suffer-
re voluit : „ imposuistis , clamat Epicureus il-
„ le apud Tullium : imposuistis in cervicibus
„ nostris sempiternum Dominum , quem dies ,
„ & noctes timeremus : quis enim non ti-
„ meat omnia providentem , & cogitantem ,
„ & animadvertentem , & omnia ad se perti-
„ nere putantem , curiosum , & plenum ne-
„ gotii Deum ? „

Phi-

Philosophis succedant poetæ religionis vulgaris
 fere interpretes, qui etsi suorum popularium
 dogmata plurimum depravaverint, illud ta-
 men de uno supremo Deo mira consensione
 retinuerunt. Orpheus poetarum vetustissimus,
 qui Thraces religione informavit, ita cecinisse
 fertur: „unicus est per se existens, qui cun-
 „cta creavit: — magnum adeo præter re-
 „gem non alter habetur. „Sophocles in tra-
 gædia publice acta: „unus profecto est; unus
 „est tantum Deus, qui cælum, & amplum
 „condidit terræ globum: „videatur de his
 duobus Petavius. Nec minus Hesiodus, licet *De the-*
 theogoniæ auctor, teste Clemente Alexandri- *ol. 1. 1. l.*
 no unitatem Dei professus est: „ipse suo re- *1. c. 3.*
 „gno, ditioneque continet omnes, nec te- *Admon.*
 „net imperium hoc ex immortalibus ullus. „ *ad gen.*
 Prætereo Æschylum, Aristophanem, Menan- *2. 3. bi-*
 drum, ac transco ad latinos. Valerii vetustis- *bl. PP.*
 simi hos nobis versus servavit Varro: „Ju- *De lign.*
 „piter omnipotens regum rex ipse, deumque *lat. p.*
 „progenitor, genitrix deum, Deus unus, *71. ed.*
 „& omnis. „Nota sunt, quæ Plautus; Vir- *ann.*
 gilius, Horatius, Ovidius cecinerunt. Pri- *1581.*
 mus: qui gentes omnes, mariaque, & terras *In Ru-*
 „mover, — — qui est imperator divum, *dente.*
 „atque hominum Jupiter. „Alter: „o qui *Ann.*
 „res hominum, divumque æternis regis im- *l. 1.*
 „periis, & fulmine terres. „Tertius: „qui *L. 1.*
 „res hominum, & deorum, qui mare, & *ed. 12.*
 „& terras, variisque mundum temperat ho-
 „ris; unde nihil majus generatur ipso, nec
 „viget quidquam simile, aut secundum „rur-
 „sus: „qui terram inertem, qui mare temperat
 „ventosum, & urbes, regnaque tristitia, di- *L. 3.*
 „vos, mortalesque turmas imperio regit unus *ed. 4.*
 „æquo. „Ultimus demum: „hanc Deus,
 „& melior litem natura diremit, — — sic *Meta-*
 „onus inclusum numero distinxit eodem cu- *morph.*
 „ra Dei. „

In ipsis quoque nationibus integris non penitus extinctam fuisse unius Dei supremi cognitionem, vel inde colligimus, quod Faustus Manichæus audacter S. Augustino opposuerit; Christianos, uti antea Judæos, unum esse Deum, qui omnia effecerit, ab Ethnicis didicisse: cui hunc in modum S. Pater respondit.

*Contra
Faustum
l. 20. c. 4.*

„ Discat ergo Faustus monarchiæ opinionem
„ non ex gentibus nos habere, sed gentes
„ non usque ad falsos deos esse delapsas, ut
„ opinionem amitterent unius veri Dei, ex
„ quo est omnis qualiscumque natura. „
Quod si longior esse, diversas nationes singulatim enumerare vellem, demonstrarem id de vetustissimis Chaldæis ex Berofo; de Ægyptiis ex Plutarcho, & Jamblycho; de Ætiopibus ex Eusebio, & Thoma Hyde; de Persis ex Pocockio. De recentioribus Indis, Sinensibus, Siamitis, Africanis, & Americanis idem Rochesfortius, du Tertrius, alique testantur.

*Hist. des
Coribb.
Mi. nat.
des Ann
il.
Réueil
des lett.
edifi-
ant.*

Hæc porro cum ita sint, perspicuum est, polytheismum numquam sensu naturæ communi confirmatum fuisse: inscienter proinde eos agere, qui ex illo rationem petunt, qua probent, sensum communem non esse certum, ac legitimum veritatis indicium, sicque argumentum istud ad existentiam Dei demonstrandam supra allatum evertant. Quin omnibus rite expressis multo magis consensus sapientium, & nationum pro unitate Dei satis magna deprehenditur, quæ ostendat hanc quoque veritatem in sensu communi naturæ rationalis non depravatæ fundari. At si neque istud ita esset, tamen vel ex illa hominum ad plures Deos colendos propensione anticipationem quamdam universalem de divinitate recte colligere mus, qua factum sit, ut maluerint plura numina constituere, quam omnem Dei ideam ex animis evellere.

SCHOL.

SC HÖL. 2. Refellendus hic quoque venit error turpissimus de duobus principiis bono altero, altero malo; quorum illud omnium in hoc orbe bonorum: alterum malorum causa sit. Opinionis hujus absurdæ originem eruditi a Zoroastro vetustissimo Persarum doctore reputant: ille enim primus docuisse putatur, a supremo Deo Mithra, sive Zarva, qui ab humana intelligentia concipi nequeat, duos inferiores Deos Oromasden, & Arimanium genitos fuisse, quorum ille bonus cum hoc malo perpetuum bellum gerat; unde hæc, quam in mundo experimur, bonorum, ac malorum mixtio oriatur. Vid. Thomas Hyde (a), & Pocockius (b). Hanc Leibnitius (c) fabulam inde ortam suspicatur, quod Arimanius ex septentrionali occidentis parte cum magnis copiis in Asiam transmiserit, ibique potentissimi regis Oromasdis imperium invaserit, quocum longo tempore æquo plane Marte pugnavit. Hæc porro doctrina procedente tempore per totum fere orientem diffusa, ac plurimum immutata fuit. Moshemius (d) duorum principiorum patronos, quos *dualistas* vocant, in quinque præcipuas classes distribuit, quarum tamen quævis novæ subdivisiones admittit. Sed missis his, eorum solum sententiam in examen vocabo, qui duo principia, bonum, & malum, per se existentia, ætate, ac robore æqualia, ac perpetuo inter se dimicantia constituerunt; quæ uti deinceps Manichæis propria; ita etiam ab iisdem absurdissimis plane fabulis involuta fuit, ut in S. Augustino (e) legere est. Videri quoque possunt VVolffius (b), & Beaufobrius (c).

Quis error de duobus principiis?

(a) *Hisp. rel. vet. Pers. c. 9. 20. 22.*
(b) *Specim. hist. Arab. (c) Essai de Théod. p. 2. §. 118.*
(d) *In Cudr. v. c. 4. §. 13. not. 19.*

(a) *L. contra ep. Mon. c. 13. 14.*
(b) *Manicheis. ante Manich. (c) Hist. Manicheism. Principium malum reputat.*

XXXI. *Repugnat principium malum per se, & necessario existens.* Principium istud malum vel est natura omni modo opposita naturæ

turæ principii boni, ut v. g. tenebræ opponuntur luci, qua paritate ipsi Manichæi delectabantur, vel non? si primum: tunc principium malum aliud non est, quam absoluta, & perfecta negatio omnium eorum, quæ principio bono competunt, ac proinde nihilum, ut tenebræ non sunt, nisi negatio lucis: qui igitur principium malum exstare affirmat, affirmat exstare infinitum nihilum. Si alterum: tunc necesse est, ut principium malum quibusdam perfectionibus infinitis, quibus principium bonum præditum est, polleat: quibusdam autem, ac præcipue bonitate, benignitate, benevolentia destituatur; at vero hoc perabsurdum est: neque enim infinitæ perfectiones separari (ontol. §. 224. cor. 2.); neque ens necessario existens non absolute perfectissimum esse (ontol. §. 113. cor.) potest. Cum igitur in hac Manicheorum hypothese alterutrum obtinere debeat, evidens est ejusmodi principium malum omnino repugnare.

XXXII. *Permissa etiam hypothese principii mali per se, & necessario existentis non explicatur origo mali, quale in mundo est.* Vel enim duo hæc principia vires æquales, vel inæquales haberent; si hoc: tunc vis major unius vim minorem alterius coerceret, omniaque illius opera destrueret, ac proinde aut nullum bonum, aut nullum malum in mundo foret, prout nempe alterutrum vinceret, quod cum experientia pugnat; sunt enim bona mixta malis. Si illud: tunc vires æquales sese mutuo eliderent, ac neutrum ullum effectum consequeretur, proindeque rursus nihil foret in mundo, quod aut bonum, aut malum sit, sicut ex viribus æqualibus, & directe oppositis in mechanica non motus, sed quies sequitur; atqui in utraque hac hy-


nec ex
eo origo
mali ex-
plicari
potest.

hypothesi origo mali, quale in mundo hoc datur, minime explicatur: igitur permiffa etiam hypothefi principii mali per fe, ac neceffario exiftentis non explicatur origo mali, quale in mundo eft, ut Manichæi voluerunt.

SC HOLT. At fingi fortaffis poterit fœdus quod- *Diff. hi-*
 piam, quod duo iſtæ principia diuturnæ pu- *ſter. &*
 gnæ pertæſa inierint, quemadmodum Bay- *crit. av.*
 lius ſufcepta Manichæorum cauſſa Zoroaſtris *Manichæ.*
 nomine contra Meliffum argutatur. Quid hac
 hypothefi magis abſonum? vel principium bo-
 num malo magis viribus valet, vel non? ſi
 ita; & tamen pactum iſtud inivit, merito
 omnium malorum cauſſa in ipſum rejicitur,
 quod in adverſariorum ſententia cum idea bo-
 ni principii pugnat, cum putent nullum ab
 eo malum permitti poſſe. Si non; ſi a prin-
 cipio malo ſuperatur; tunc principium malum,
 quod ex eſſentia, ac natura ſua ad mala dun-
 taxat cauſſanda determinatur, contra naturam
 ſuam aget ineundo hocce fœdus, atque ita
 permittendo, ut quædam bona adſint, quæ,
 utpote vi ſuperiore inſtructum, facillime tol-
 lere poſſet. Statuto itaque huiusmodi fœdere
 tam bonum principium cauſſa mali; quam ma-
 lum cauſſa boni erit, ac proinde bonum prin-
 cipium erit ſimul non bonum; malum non
 malum. Sed neque paritas a duobus exerciti-
 bus, quorum unus proſtratus jam reſurgit ite-
 rum, & inſtauratis viribus dimicando victo-
 riam adipiſcitur, quidpiam efficit; iſtud quip-
 pe evenire nequit, cum utriusque partis vi-
 res immutabiles ſunt: quod in abſurda hac hy-
 potheſi obtineret. Certe enim, qui duo entia
 per fe, & neceſſario exiſtentia ponit, eorum
 quoque vires neceſſarias, & immutabiles po-
 nat, necelle eſt, Ita mala cauſſa ſemper pejus
 de:

defenditur . Quomodo porro ab ipso bono principio , eoque unico , salva sua bonitate , mala alia in hoc mundo permitti ; alia etiam immitti queant , paullo post uberius ostendam .





MEMBRUM II.

D E

ATTRIBUTIS DEI POSITIVIS.

§. XXXIII.



AD attributa Dei positiva intellectus præcipue, ac voluntas, tum quæ Quæ membri summa. cum his proxime connectuntur, referenda sunt. Quare agam primum de intellectu Dei, & attributis cum eo connexis tum de ejus voluntate; denique attributa, quæ ad hanc pertinent, pertractabo: tria proinde capita membrum absolvent.

C A P U T I.

De Intellectu Dei: & Attributis cum eo Connexis.

XXXIV. *Deus pollet intellectu infinito.* Cum Deus enim Deus sit ens absolute perfectissimum (§. 25. cor. 1.), omni possibili perfectione, sive realitate præditus sit, necesse est; atqui intellectus est certe perfectio quædam possibilis, sive realitas: igitur Deus intellectu pollet. Hunc porro intellectum esse infinitum, eadem rationis conclusione efficitur. Deus pollet intellectu infinito,

Co-

COROLL. Intellectus igitur Dei, quæcumque intelligi possunt, distinctissime repræsentat (psych. §. 57. cor.).

SCHOL. Præterea sensu intimo quivis certus redditur se ens intelligens esse, certum proinde est, existere entia finita intellectu instructa: cum igitur omnes entium finitorum perfectiones in Deo inesse debeant (§. 25. schol.), eadem certitudine concluditur Deum intelligentia pollere. Sane cum nequeat plus esse in effectu, quam in causa sit (ontol. §. 157.), absolute repugnat, ut vel unum ens intelligentia præditum a causa bruta, & omni intellectu destituta procreetur, quemadmodum in absurda Epicureorum hypothese nullus foret in orbe motus, si ille materiæ æternæ insitus non fuisset. Quid quod ipsa mundi conformatio summam quamdam intelligentiam in Conditoris manifestat (§. 14.)?

qui
semper
agit.

XXXV. *Intellectus Dei semper agit.* Quiescat enimvero aliquando ab omni actione intellectus divinus, erit igitur aliquod tempus, quo Deus nec se ipsum, nec alia cognoscibilia sibi repræsentet, ac proinde quo nihil penitus cognoscat; atqui istud vehementer cum infinita Dei perfectione pugnare, nemo non videt: igitur intellectus Dei semper agit.

COROLL. 1. Itaque intellectus non per modum facultatis, ut nobis hominibus; sed per modum actus Deo tribuendus est.

COROLL. 2. Cum porro successio actuum cum interna entis mutatione jungatur (ontol. §. 118. 119.), quæ in Deum non cadit (§. 26.), consequens est, ut actio intelligentiæ divinæ unica sit, semperque eadem, sive ut Deus uno simplicissimo actu omnia cognoscibilia

bilia sibi distinctissime repræsentet. (conf. §. 34. coroll.).

SCHOL. Idem ad alias quoque perfectiones Dei naturales applicandum, firmiterque tenendum est, non esse in Deo facultates ab actu separatas: inde est, ut theologi Deum *actum purum*, immo *purissimum* appellent.

XXXVI. *Deus gaudet scientia infinita, si-
ve omniscientia.* Qui omnia, quæ sciri pos-
sunt, perfectissime cognoscit, scientia infini-
ta gaudet; sed qui uno actu omnia cognosci-
bilia sibi distinctissime repræsentat, scit per-
fectissime omnia, quæ sciri possunt: igitur
qui uno actu omnia cognoscibilia sibi distin-
ctissime repræsentat, scientia infinita gau-
det; atqui Deus uno actu omnia cognoscibi-
lia sibi distinctissime repræsentat (§. præ-
coroll. 2.) : ergo Deus scientia infinita gau-
det.

Deus
gaudet
scientia
infinita;

COROLL. Omnis veritas siue necessaria, siue contingens ex natura sua habet, ut cognosci possit: scit itaque Deus omnem veritatem tantæ necessariam, quam contingentem.

SCHOL. Ad veritates necessarias ipse Deus, e-
jusque attributa infinita; tum entium possibili-
tates, & quæ cum his proxime connectuntur,
pertinet: ad contingentes vero, quæcumque
præter Deum existunt, siue comparate ad nos
præterita, siue præsentia, siue futura sint; at-
que hæc seu absolute, aut positæ quibusdam
conditionibus aliquando implendis; seu sub
conditionibus numquam revera implendis fu-
tura sint. Deus igitur imprimis se ipsum, ac
perfectiones suas infinitas; tum omnia possibi-
lia, & cum rerum possibilitate connexa; de-
inde pro aliquo tempore realiter existentia;
denique exsutura, si certæ conditiones im-
plerentur, perfectissime cognoscit. Ob hanc

vero objectorum diversitatem scientia divina, licet in se una, & simplicissima variam nomenclationem sortitur. Ea, qua Deus se ipsum, possibilitates rerum, & cum his connexa cognoscit, *scientia necessaria*, vel *simplicis intelligentia* audit: quæ ad existentia porrigitur, *libera*; sive *visionis*; ea, qua sub conditione quadam futura cognoscuntur, a Leibnitio, VVolfio, Boehmio, Baumeistero, aliisque *media*, & a Dariesio volitiones Dei liberas præcedere dicitur. Hanc porro cumulatifsimam rerum omnium scientiam magna consensione veteres quoque Deo tribuerunt; paucis solum exceptis, qui vel cum Carnæde omnium futurorum, vel cum Cicerone actuum nostrorum liberorum prævisionem eidem denegarunt. Sunt tamen, qui & hodie, licet diversa ratione impulsæ, cum Cicerone consentiunt: quod nondum evenit, ajunt, nondum est, quod nondum est, non potest cognosci; nihilum enim cum nullas habeat proprietates, percipi non potest: igitur actus a determinatione causæ liberæ pendentes a Deo prævideri nequeunt. At futilis est hæc argutatio; quod enim nunc quidem non existit, sed tamen futurum est, jam non est absolute nihilum, sed habet suum *esse* futurum in statu logico a tota æternitate: quare sicut quævis alia veritas in se intelligi potest: adde ex duobus contradictoriis, seu de præterito, seu de præsentis, seu de futuro convenientiam prædicati cum subjecto enuncient, semper ac necessario unam veram, alteram falsam esse (S. 156. schol. l. 3. cor. 2. log.). Sed nemo ex me querat, quibus in signis id genus futura Deus cognoscat, ajo enim cum S. Augustino: „ne hoc a me fratres expectetis, ut explicem vobis, quomodo cognoscit Deus. Hoc solum dico: non sic cognoscit, ut homo; non sic cognoscit, ut

,, 22.

Theol.
nat. s. 2.
c. 3. §. 63.

Oeuvr.
de M.
Montes-
quieu t.
3. pag.
146.
suiv.

In ff. 49

„ angeli: & quomodo cognoscit, dicere non
 „ audeo, quoniam & scire non possum. „

XXXVII. *Deus gaudet ratione infinita.* Cum ^{ratione,} enim Deus omnia cognoscibilia perfectissime cognoscat (§. præc.), necesse est, ut etiam omnem possibilem omnium veritatum nexum distinctissime perspiciat: quare cum hoc sit rationis infinitæ munus (psych. §. 68.), gaudere Deum ratione infinita perspicuum est.

XXXVIII. *Deus gaudet sapientia infinita.* ^{ac sapientia} Deus gaudet omniscientia (§. 36.): igitur perfectissime cognoscit, qui fines sint optimi, quæ media ad optimos fines accomodatissima, qui demum optimus ea subordinandi modus; sed in perfectissima horum cognitione infinita sapientia sit est: ergo Deus infinita sapientia gaudet.

C A P U T II.

De Voluntate Dei.

XXXIX. *Deus gaudet voluntate perfectissima.* Imprimis cum Deus sit ens perfectissimum (§. 25. cor. 1.), nequit ulla realitate carere; voluntatem autem realitatem esse, nemo cum ratione dubitaverit. Deinde eam voluntatem, cum in Deo inest, perfectissimam esse consimili ratiocinio evincitur. ^{Deus gaudet voluntate infinita}

SCHOL. Deum voluntate præditum esse duabus præterea rationibus efficacissime suadetur. Primum volendi facultas arcto adeo nexu cum intelligentia copulatur, ut una absque altera consistere haud queat: quare cum Deus perfectissimo intellectu polleat (§. 34.), necesse est, ut eidem quoque voluntas competat. Deinde præ.

præter hunc mundum innumeros alios possibiles esse dubio caret : igitur ut hic præ aliis crearetur , opus fuit electione quadam ; atqui electio ad voluntatem pertinet .

Quid e-
jus actus
inter-
nus , &
exter-
nus ?

XL. Per *actum internum* voluntatis divinæ intelligo volitionem , qua Deus in se tendit , seque ipsum ut bonum infinitum , quod distinctissime comprehendit , amat ; per *externum* vero , volitionem , quæ se ad res ab ipso distinctas porrigit .

SCHOL. Minime tamen contendo hos actus reapse distinctos esse , quin contrarium paullo post patebit .

Actus
internus
non est
liber ;

XLI. Deus in *actu voluntatis interno liber non est* . Bonum infinitum distincte cognitum quamvis voluntatem necessario in sui amorem rapit , cum sit necessarium amoris objectum : atqui Deus se ipsum ut infinitum bonum distinctissime cognoscit (§. 36. schol.) : igitur Deus necessario se ipsum amat ; sed in hoc amore actus internus voluntatis divinæ situs est (§. præc.) : igitur in interno voluntatis suæ actu Deus liber non est .

est au-
tem ex-
ternus .

XLII. Deus in *actibus externis voluntatis perfectissime liber est* . Deus habet voluntatem perfectissimam (§. 39.) ; sed ad perfectionem voluntatis pertinet quoque libertas : igitur Deus libertatem habet ; atqui eam non habet in actibus internis (§. præc.) ; ergo necesse est , ut in actibus externis perfectissime liber sit .

SCHOL. Ad notionem voluntatis perfectissimæ pertinere libertatem , seu quod eodem redit , libertatem veram perfectionem esse dubitari nequit , cum nimirum de bonis finitis , quæ necessaria amoris objecta non sunt , agitur . Ne-

mo

mo certe est, qui hominum libertatem in veris perfectionibus non numeret; inde vero hæc duo consequuntur, primum: libertas quædam Deo tribuenda est, cum in illo omnes rerum creaturarum perfectiones secundum realitatem suam insint; alterum: si nulla Deus polleret libertate, nulla quoque in nobis esse posset, secus hæc nostra perfectio ex nihilo prodivisset. Denique & simili ratiocinatione res conficitur: si Deus necessitate quadam ad res extra se volendas impelleretur, ea necessitas vel ex ipsa illius natura, vel a re ab ipso distincta promanaret, quorum neutrum ne cogitari quidem potest. Non primum: cum enim Deus in se sit beatissimus; sibi ad omnes perfectiones possibiles possidendas sufficiat, neque ulla re a se distincta ad summam felicitatem egeat, fieri omnino nequit, ut illius natura rei cuiuspiam procreationem necessario exposcat; & nonne ejusmodi necessitas Deum ab aliqua re producenda pendentem efficeret? Non alterum: nam res illa vel esset existens, vel solum possibilis; sed imprimis nulla res præter Deum sine sui productione existit; deinde quæ possibilia sunt, sunt quoque prorsus ad existendum indifferentia, neque ad sui procreationem aut quidpiam conferre, aut eidem resistere possunt, neque etiam bonitatem infinitam in se continent. Ceterum libertas divina non est concipienda ut indifferentia potentiae ad actum, qualis in creatis datur; hoc quippe imperfectionem argueret (§. 35. sch.): sed ut actus indifferens ad applicationem; nam, ut mox patebit, volitio Dei libera aliud non est, quam actus voluntatis divinæ semper existens libere respiciens rem hanc, vel illam ab ipso diversam. Voluntas increata, ait Suarezius, est indifferens ad plura objecta extra se; non vero ad plures actus volendi, vel nolendi, quod voluntati creatæ pro.

*Disput.
metaph.
disp. 22.
f. 2. n. 14*

proprium est ; item voluntas increata determinatur sine novo actu ipsi addito ; voluntas contra creata per novum actum determinatur .

Actus
volun-
tatis est
unicus .

XLIII. *Deus uno, eoque simplicissimo actu a tota aternitate vult, quacumque vult.* Imprimis cum Deus sit actus purus (§. 35. sch.), nequit ei voluntas nisi per modum actus tribui, hicque actus ob eandem rationem æternus sit, necesse est . Deinde ponamus plures actus diversos esse, erunt ii vel successivi; vel simultanei; non illud: sequeretur enim vera in statu Dei interno mutatio, quæ repugnat (§. 26.); non istud: nam cum Deus omnia sub una ratione medii ad finem constitutum aptissimi velit, plures actus reapse distincti nec necessarii, nec utiles forent. Adde perfectius esse uno actu plura velle posse, quam diversis; cum igitur Deus infinite perfectus sit (§. 25. cor. 1.), & istud illitribuendum: igitur uno, eoque simplicissimo actu Deus a tota æternitate vult, quacumque vult.

COROLL. Eodem igitur actu, quo Deus necessario in se ipsum fertur, libere fertur in res a se distinctas: id est: unus est volitionis actus, qui, quatenus Deum respicit, est amor sui; & quatenus ad res creatas terminatur, volitio creaturarum est: ita docet S. Thomas.

P. 1. q.
19 ar. 2.
ad 4^{um}
ar. 3 & 5

Quid, &
quomodo
plex de-
cretum
Dei?

SCHOL. Actum hunc voluntatis divinæ, quatenus res externas respicit, *decretum* vocant theologi, illudque licet in se simplicissimum, in varia tamen genera pro rerum decretarum discrimine distribuuntur. Duo ex his præcipue huc pertinent, quorum usus in sequentibus erit. *Positivum*, quo Deus aliquid absolute intendit, ac consequi cupit, ut cum vult mundum existere; *permisivum*, quo permittere statuit, quod tamen de se fieri

non

non vellet, qua ratione peccata hominum admitteret.

XLIV. *Decretum Dei est immutabile.* Deus uno, eoque simplicissimo actu a tota æternitate vult, quæcumque vult (§. præc. sch.) : igitur actus voluntatis divinæ, ac proinde decretum Dei (§. præc. sch.) mutari nequit.

Decre-
tum Dei
est im-
mutabi-
le.

SCHOL. Certe cum intellectus Dei semper omnia cognoscibilia distinctissime repræsentet (§. 35. cor. 2.), turpis inconstantia, ac animi levitatis indicium foret, si Deus id, quod ante voluit, nunc nollet, aut vicissim; quem admodum nobis jure vitio datur, cum manentibus iisdem adjunctis: ac invariata eorum cognitione voluntatis nostræ consilia mutamus. Verum hæc immutabilitas decretorum divinorum apud nonnullos philosophiam *ignavæ*, ut ex Tullio Leibnitius ait, suscitavit; qui nimirum putant frustra vota nuncupari, preces fundi, quod, quæ immutabiliter decreta sunt, certo alioquin eventura sint. Scire hos oportet, ipsa voluntatis divinæ decreta sub conditione precum adhibendarum, operæque a nobis conferendæ lata esse: quare frustra esse nequeunt. Alii quærunt, qui immutabilitas volitionis divinæ cum libertate concilietur? Nempe, quæ Deus libere vult, ita nunc vult, ut ab æterno potuisset non velle; et postquam semel voluit, infinita ipsius perfectio postulat, ne quid demutetur. Obscura hæc sunt, ais: ita sane; verum cogita infinitas Dei perfectiones magis nobis adorandas, quam perscrutandas esse: hac quippe abyso omnes finitæ intelligentiæ vires absorbeantur.

CAPUT III.

De Attributis Dei cum Voluntate Con-
nexis.

Quid bonitas? XLV. *Bonitas*, quam etiam *beneficentiam* recte compellaveris, est constans voluntas rebus creatis conferendi perfectiones, ac veram felicitatem, quantum ipsarum natura postulat.

Deus est bonitatis infinitæ. XLVI. *Deus est bonitatis infinitæ*. Est certe bonitas hæc perfectio quædam, quæ ut illimitata ab ente infinito abesse nequit; sed ens illud infinitum Deus est (§. 25.): igitur Deus est bonitatis infinitæ.

Schol. I. Si Deus hac bonitate careret, esset aliquid in eo, quod eidem opponeretur; quid vero illud? aliud certe non, quam malevolentia quædam, aut invidia ex inordinata quædam animi affectione orta; is quippe solum invidet, irascitur, malefacit, qui aut re quampiam eget, aut timet, aut sperat, aut aliæ cæca cupiditate ducitur, quæ omnia in naturam perfectissimam minime cadunt. Et quoniam de ea, qua Deus in homines præcipue fertur, bonitate præcipue hoc loco quaerimus, juvat eam alia quoque ratione constabillire. Sane si Deus hominum felicitatem cupiat, eaque conferre & sciat, & possit, quæ ad eam adipiscendam necessaria sunt, summa est in eos bonitate; atqui utrumque ita se habet. Principio condidit hominem veræ felicitatis capacem, & ita comparatum, ut eam naturali propensione vehementissime appetat, miseriamque, & quidquid cum ea pugnat, aversetur. Neque istud satis; largitus est illi plu-

plurima in hoc mundo bona licite perfruen-
da, quæ tamen naturale beatitudinis desiderium
adeo non satiant, ut etiam magis acuant. Jam
vero si hisce positis nostram tamen felicitatem
Deus non vellet, quid nisi nos ludifica-
ret, ac crudelissime excrucicaret acuendo, quod
numquam impleri vellet, desiderium a se no-
bis ingenitum? Nonne ita nobiscum ageret,
ac si quis fame jam jam enecando cibum o-
stenderet, vescendum non præberet? Nonne
bestiæ ipsæ nobis feliciores forent, cum suas
appetitiones in hac vita plenissime explerent?
Tanto nimirum essemus infeliciores, quanto
magis solidam, perfectamque beatitudinem ipso
naturæ ductu appetereamus, atque illud, quod
maximam naturæ nostræ perfectionem consti-
tuit, fons esset omnis, ac summæ miseræ.
Quis autem ista de Deo, deque infinita natu-
ræ ejus perfectione suspicetur? Quæ deinde ad
scientiam, ac potentiam attinent, ea ipsi de-
esse nemo sanus judicaverit: est itaque in con-
fesso, summam Dei in homines bonitatem es-
se. (conf. psych. §§. 249. &c.)

SCHOL. 2. At contrarium experientia constare
quidam contendunt; multa in hoc mundo ma-
la esse, quæ contra Dei in nos bonitatem te-
stimonium dicant. Torsit ea res præcipue ve-
teres, neque satis nodum dissolvere sciverunt.
Plato ad pervicaciam materiæ æternæ confu-
git (cosmol. §. 10.); Plutarchus materiæ a-
nimam malignam insedisse, eam quidem, sed
non penitus, a Deo emendatam fuisse asser-
vit; alii alia diverticula a ratione aliena quæ-
siverunt. Manichæi duce Manete Persa vete-
rem Zoroastris opinionem de duobus princi-
piis uno bono, altero malo & suscitaverunt, &
expoliverunt, agentes utrumque a se, ac ne-
cessario existere, illudque omnium bonorum;
hoc malorum in mundo causam esse. Equi-
dem turpem hunc errorem supra refutavi (§§.

*Diff. his
for. &
crit. at.
Manich.
rem. D.*

31. 32.) ; at Baylius , qui putidum ubique
scepticismum affectat , ea refutatione non co-
tentus inscite contendit , hypothesim de ur-
principio , etsi a priori demonstretur , a po-
steriori tamen nec verisimiliter probari posse
eo quod ratione naturali ostendi nequeat
quomodo a principio bono , si unum sit , et
mala in mundo permitti possint ; addit
constabiliendam quamcumque hypothesim ne-
cesse esse , ut distincte modus declaretur , quo
cum phænomenis congruat , atque si vel istud
fieri nequeat , rationem satis efficacem adhiberi
ad eam rejiciendam , quantumvis splendidissi-
ma videatur . At quam multa hic latent , quae
justam reprehensionem merentur . Primum ad
constabiliendam hypothesim de uno principio
vel sola demonstrata repugnantia hypothesi
oppositae abunde sufficit : necesse enim est , ut
ex duabus propositionibus contradictoriis altera
in se vera sit : altera falsa (§. 156. schol.
n. 3. log.) . Deinde enunciatio a priori jam
demonstrata amplius inter hypotheses nume-
rari non debet ; quemadmodum nec in iis lo-
cum meretur enunciatum , cujus falsitas jam
certo constat : sola nimirum probabilitas ad
hypothesim & sufficit , & requiritur : proba-
bilitas autem omnis evanescit , quamprimum
veritas , aut falsitas certo detegitur (§. 213.
log.) . Tum contra veritatem a priori demon-
stratam nullae argutae a posteriori petitaе ul-
lum robur habere possunt (§§. 197. coroll. 3.
235. sch. n. 6. log.) : quare nec necesse est
ut modus , quo sententia demonstrata cum phæ-
nomenis congruat , distincte explicetur , ne
si qua sit , ignorantia fundamentum illam reji-
ciendi suppeditat ; sed sincere fatendum , ut
verumque verissimum esse ; modum tamen , quo
ea componantur , ignorari : quemadmodum si
quis nesciret praevisionem Dei cum libertate
humana conciliare , turpissime aberraret , si

vel alterutram, vel utramque existere inficiatur, ut jam alias sæpe monuimus. Possunt nempe res quoad substantiam notæ; ignotæ esse quoad modum. Postremo a veritate alienum est, ratione naturali prorsus ostendi non posse, quomodo a principio bono tot in mundo mala permitti possint; nam ad istud præstandum satis est, generatim patefacere, permissionem horum malorum cum divina bonitate non pugnare: nec obest, quod omnis in hoc argumento obscuritas tolli nequeat; ejus enim ratio in infinitate, quæ bonitati, sicut ceteris Dei perfectionibus competit, & in limitatis nostræ intelligentiæ viribus sita est. Queramus itaque difficilis hujus nodi, quantum humanæ rationi datum est, solutionem.

XLVII. *Malum* est, quod cum imperfectio-
ne entis connectitur, sive quod ejus statum
imperfectiorem reddit (psych. §. 88.): aliud
dicitur *metaphysicum*, quod in ipsa entis crea-
ti limitatione, sive in defectu ab infinita
perfectioe consistit; aliud *physicum*, quod
doloribus corporis, & animæ absolvitur; a-
liud *morale*, quod in libera legis moralis
transgressione situm est.

Quid, &
quoru-
plex
malum?

XLVIII. *Permissio mali metaphysici non pu-
gnat cum bonitate Dei.* Si ita esset, tunc bo-
nitas divina postularet, ut Deus aut entia
infinita, aut nulla condaret, sed neutrum di-
vina bonitas postulat: non primum; ens enim
creatum, ac proinde contingens ex essentia
sua finitum est (ontol. §. 229. cor. 1.): non
alterum; procreatio enim entium quorum-
dam licet malo metaphysico affectorum po-
tius bonitati finitæ multo maxime consenta-
nea est, ut quæ secus cum nullo communi-
cari potuisset: igitur permissio mali meta-
physici cum bonitate Dei non pugnat.

Permis-
sio mali
meta-
physici
cum bo-
nitate
non pu-
gnat;

nec per-
missio
mali
physici

XLIX. *Permissio mali physici non pugnat cum bonitate Dei.* Dolores corporis, & animæ sunt nobis prorsus naturales, & constituto hoc rerum nexu secundum naturæ cursum a causis naturalibus proveniunt; sed permissio eorum, quæ constituto hoc rerum nexu naturaliter sunt, cum bonitate Dei non pugnat; secus cogeretur Deus entia creata contra naturales eorum proprietates gubernare: ergo permissio mali physici cum bonitate Dei non pugnat. Adde: mala physica connexa esse cum plurimis bonis moralibus, ut adeo, nisi his sublati, penitus tolli nequeant.

immo e-
jus est
argu-
men-
tum.

L. *Permissio mali physici est manifestum divinae bonitatis argumentum.* Mala physica plurimum conferunt, ut finem nostrum, perfectam nempe felicitatem, & certius, & facilius consequamur; exercendis enim virtutibus occasionem præbent; culpas contractas abstergunt; animum ad præsentium voluptatum contemptum, atque ad æternorum bonorum amorem, ac desiderium adducunt. Quare cum Deus optimus nos felices, ac beatos esse cupiat (§. 46. sch.), horum malorum permissio ejus bonitatis manifestum argumentum est.

SECT. 2. Cum mali moralis idea ideam legis involvat, necesse est, ut de hac pauca præmittam, antequam illius permissionem cum Dei bonitate non pugnare ostendam.

Bonitas
Dei po-
stulat
legem
mora-
lem.

LI. *Infinita Dei bonitas postulat constitutionem legis moralis.* Infinita Dei bonitas postulat, ut hominibus subsidia necessaria ad veram felicitatem, seu finem ultimum consequendum suppeditentur; sed lex moralis, cum aliud non sit, quam norma actionum humanarum, per quas finis obtineri unice & potest, & de-

& debet, est id genus subsidium necessarium: igitur infinita Dei bonitas constitutionem legis moralis postulat:

SCHOL. Cum nempe homo a malo metaphysico immunis non sit, habet is cum intelligentiam, tum voluntatem limitatam, atque ob illam in fine cognoscendo aberrare: ob hanc a rectitudine actionum deflectere potest. Quod utrumque ne fiat, norma quadam opus habet, ad quam & cogitationes, & actiones suas exigere possit, ut recto ad finem suum tramine incedat.

LII. *Ratio, cur malum morale possibile sit; in malo metaphysico, in lege morali, & in libertate sita est.* Libera enim legis moralis transgressio nequaquam fieri posset, nisi homo cum intelligentia, & voluntate limitata libertate polleret, simulque lex moralis extaret; atqui libera legis moralis transgressio illud est, quod malum morale dicimus (§. 47.): igitur ratio, cur malum morale possibile sit, in malo metaphysico, in lege morali, & in libertate sita est.

Possibilitas
mali
moralis
est in
mal.
met.
leg.
mor. &
lib.

LIII. *Possibilitas mali moralis non pugnat cum bonitate Dei.* Si ita esset, tunc bonitas divina postularret, ut vel unus, vel omnes tres ex assignatis (§. præc.) fontibus tollantur; sed id bonitas divina non postulat: imprimis enim permissio mali metaphysici non pugnat cum bonitate Dei (§. 48.); deinde legis moralis constitutio ab eadem bonitate profluit (§. 51.); denique libertas homini, utpote enti rationali, finito, inter bona pariter finita constituto, ac bonum infinitum natura sua appetenti prorsus naturalis est, ut vero natura corrumpatur, Dei bonitas non postulat: igitur possibilitas mali moralis non pugnat cum bonitate Dei.

& ideo
cum boni-
tate
Dei non
pugnat.

SCHOL. Quid, quod libertas necessarium est ad
 ctuum moralium exercendorum instrumentum,
 quos Deus ut nobilissimam perfectionum sua-
 rum patefactionem primo loco in procreatione
 universi sibi præstituit? multas præterea
 libertatis humanæ prærogativas enumerat Ho-
 okius, quarum aliæ se tenent ex parte Dei;
 aliæ ex parte hominum. Ex parte Dei: 1.)
 sublata libertate mundus foret mera machina
 mortuus Dei digito dirigenda. 2.) Nullum in-
 ter Deum, & res creatas socius foret, & com-
 mercium amoris; nulla libera gratiarum actio;
 nullus cultus Deo dignus. 3.) In mundi ad-
 ministratione perfectiones Dei non tam perspi-
 cue elucerent; nam in gubernatione rerum li-
 bertate carentium aut sola fere, aut quam ma-
 xime saltem potentia elucet; ac cum hac sa-
 pientia quoque multo maxime enitet, quando
 providentia tot agentibus liberis velut a suo
 dominio manumissis, & suspenso potentia ex-
 ercizio, fines tamen suos perfectissime consequi-
 tur, ac efficit, ut tot discordes hominum vo-
 luntates liberrime in totius universi bonum
 conspirent. In administratione item morali
 patefiunt, sanctitas, justitia, ceteraque attri-
 buta cum his connexa, quorum regnante fata-
 li quadam necessitate ne obscurum quidem in-
 dicium foret. Ex parte hominum: 1.) pluri-
 mæ mentis dotes perirent; sit unus intelle-
 ctus penitus necessarius, erit igitur vel perpe-
 tuus de eadem re cogitatio, vel series cogita-
 tionum fatali necessitate connexa: inde autem
 nullus rationi, ac prudentia locus, nullus sua-
 vissimis animi voluptatibus, quæ ex liberis in-
 quisitionibus, inventis, vitæ institutis, collo-
 catione cum hominibus promanare solent. 2.)
 Careremus deinde quoque jucundissimo illo
 gaudio, quod liberæ electiones etiam in rebus
 vilioribus: constans virtutum exercitatio; ac
 præcipue conscientia recti nobis adfert. Qua-
 re,

*Rel. nat.
 & revel.
 princ.
 theolog.
 nat. de
 provid.
 Dei p.
 354.*

re, cum tam dulces sint libertatis nostræ fructus, luce meridiana clarius est, bonitatem divinam nequaquam deposcere, ut ea nobis auferatur.

LIV. Ratio, cur malum morale actu existat, in malo libertatis usu sita est. Cum enim malum morale sit libera legis transgressio (§. 27.), tum malum morale actu existit, quando libere legem transgredimur; atqui legem libere transgrediendo male nos uti nostra libertate apud omnes in confesso est: ergo ratio, cur malum morale actu existat, in malo libertatis usu sita est.

Existencia
moralis
est in
abuso
libertatis,

LV. Bonitas Dei non postulat, ut hic malus libertatis usus penitus impediatur. Bonitas Dei non postulat, ut media ad fines optimos obtinendos accomodata penitus impediantur; sed ipse malus libertatis usus medium est accomodatum, quo Deus ex infinita sua sapientia fines optimos obtinet: nimirum patefactionem suæ justitiæ in puniendis; misericordiæ in condonandis; longanimitatis in tolerandis delictis; actus item virtutis, poenitentiae, reditionis ad meliorem frugem, satisfactionis in iis, qui peccaverunt; patientiae, fortitudinis, constantiae in illis, qui ab improbis injuste vexantur: ergo bonitas Dei non postulat, ut malus libertatis usus penitus impediatur.

qui ut
impediatur
bonitas
Dei non
postulat.

SCHOL. Adde Deum præterea propositis maximis præmiis nos ad bonum impellere, & contra intentatis gravissimis suppliciis a malo abstergere, qui modus gubernandi creaturam rationalem, & liberam aptissimus est, ac proinde etiam bonitati infinitæ maxime consentaneus.

Permissio mali
moralis
non pugnat
cum bonitate.

LVI. *Permissio mali moralis non pugnat cum bonitate Dei.* Si ita esset; tunc bonitas divina postulareret, ut vel malum morale absolute impossibile reddatur, vel saltem in hominibus malus libertatis usus penitus impediatur (conf. §. 54.); atqui neutrum bonitas divina postulat (§§. 35. præc.): igitur permissio mali moralis cum bonitate Dei non pugnat.

Permissio malorum
non pugnat
cum bonitate
Dei.

LVII. *Permissio malorum, quæ in hoc mundo experimur, non pugnat cum infinita Dei bonitate.* Omnia mala, quæ in hoc mundo experimur, sunt vel metaphysica, vel physica, vel moralia (§. 47.); sed horum permissio non pugnat cum infinita Dei bonitate (§§. 48. 49. 50. 56.): ergo permissio malorum, quæ in hoc mundo experimur, cum infinita Dei bonitate non pugnat.

COROLL. Igitur Deus optimus salva in nos bonitate omnia hujus mundi mala permittit, neque necesse est, ut aliud præterea principium malum a se existens comminiscamur, (conf. §§. 31. 32.).

Respondetur
cavillationibus.

SOLUTIO. Atque ex his facilis est responsio ad cavillationes, quibus olim Epicurus, alique, tum recentius Baylius (a) divinam bonitatem impetiverunt.

(a) Diff. Hist. & crit. & art. Mathematic. Paulica Zoroast. (b) De ira Dei, a. 3.

1.) Epicurus teste Lactantio (b) ita argumentabatur: „Deus aut vult tollere mala, & non potest; aut potest, & non vult; aut neque potest, neque vult. Si vult, & non potest, imbecillus est, quod in Deum non edit. Si potest, & non vult; invidus, quod æque alienum a Deo. Si neque vult, neque potest, & invidus, & imbecillus, ideoque neque Deus est. Si vult, & potest, quod solum Deo convenit, unde sunt mala? aut cur ea non tollit? „ Similes sunt argutatio-

nes.

nes Marcionis apud Tertulianum , & Celsi apud Originem .

At nempe mala metaphysica Deus nec potest , nec vult tollere , nisi nihil creare velit ; non tamen imbecillis est , quia ad omnipotentiam non pertinet posse efficere pugnantia .

Mala physica posset quidem Deus , re in se spectata , tollere , at non vult : anne ideo invidus ? minime ; ista enim mala adeo cum ejus bonitate non pugnant , ut etiam perspicuum sint illius argumentum . Sunt nempe potissimum cum quamplurimis bonis moralibus conjuncta ; edocent enim nos beatitatem nostram in possessione bonorum caducorum non consistere , unde ad eorum contemptum excitamur , utque animum consilio , prudentia , & sapientia adversus ea muniamus , ac pulcherrimis virtutum habitibus exornemus , impellimur . Inde porro fit , ut vitæ nostræ incerti majori studio mentis integritatem , justitiamque sectemur , atque Deo , cum placuerit , operum nostrorum rationem reddere non formidemus . Vid. Lactantius (*a*) , & Anti-Lucretius (*b*) . (*a*) *Ibid.*
(*b*) *De nat. rer.*
l. 9. v.
151. seq. Nec obest , quod nonnumquam eveniat , ut quis omnibus vitam tuendi subsidii destituatur , nam cum Deus ad tempus solum nos in hoc corpore , tamquam carcere , morari voluerit , non utique necesse fuit ita nobis de mediis providere , ut vitam perpetuo conservare possimus . Nostri muneris duntaxat est tamdiu hisce bonis , & vitæ commodis rite uti , quamdiu nos hic degere Deo placuerit . Si mors improvise , ac citra nostram negligentiam evenierit , malum erit solum physicum , at simul cum maximo bono consociatum , cum aditus ad patriam , unde exsulamus , nisi per mortem non pateat . Sunt denique mala physica universim tum peccati originari , de quo nos revelatio certos reddit , tum aliorum quoque justissima poena .

Quod demum ad mala moralia : neque per ea quidpiam bonitati detrahi ex dictis colligitur ; quare illa citra omnem invidiam Deus , esse potuerit , tollere non voluit .

- 2.) Instat Baylius , quæritque cum Cotta apud Tullium , cur Deus , si bonus sit , rationem ; ac libertatem , qua plurimos abufuros prævidit , hominibus concesserit ? „ Ut vinum ægrotis , verba Cottæ sunt , quia prodest ratio , nocet sæpiissime , melius est non adhibere omnino , quam spe dubiæ salutis in ætærtam perniciem incurrere : sic haud scio , an melius fuerit , humano generi motum istum celerem cogitationis , acumen , solertiam , quam rationem vocamus , quoniam pestifera sit multis , admodum paucis salutaris , non dari omnino tamquam munifice , & tam large dari . Quamobrem si mens voluntasque divina idcirco consuluit hominibus , quod iis largita est rationem : iis solis consuluit , quos bona ratione donavit : quos videmus , si modo ulli sunt , esse perpau-
- „ COS . „

Sed discrimen est ingens ; ratio per se fertur in bonum ; neque enim bona ; & mala , sana , & insana datur ratio (psych. §. 72. sch.) , ut Cotta contendit ; vinum contra interna sua efficacitate ægrotis potissimum nocet : quare medicus , qui unicum ægroto permittit , non abest a culpa ; abest contra Deus longissime , si homines ratione , quam illis largitus est , abutantur . Cum enim eam non animo nocendi , sed benefaciendi concesserit , simulque motiva , præmia , pœnas adjecerit , ut bonus illius usus fiat , tota in homine culpa residet . Certe , ut Cotta paullo post arguit : „ Nec si is , qui accepit , bene utitur , idcirco is , qui dedit , amice dedit , „ ita inverse mihi argumentari licebit : nec si is , qui accepit , male utitur , idcirco is , qui dedit , ini-

mice

De nat.
D. I. 3.
c. 27.

Ib. c. 27.

mīce dedit. Nonne, ut cum Tullio loquar, *Ibid.*
 constat, etiam patrimoniis multos male uti;
 „ nec ob eam causam eos beneficium a patri-
 „ bus nullum habere? „ At, inquit Cotta: *Ib. c. 32.*
 „ Si homines rationem bono consilio a Diis
 „ immortalibus datam in fraudem, malitiam,
 „ que convertunt: non dari illam, quam da-
 „ ri humano generi melius fuit. Ut si medi-
 „ cus sciat, eum ægrotum, qui iussus sit vi-
 „ num sumere, meracius sumturum; statim-
 „ que periturum, magna sit in culpa: sic ve-
 „ stra ista providentia reprehendenda, quæ
 „ rationem dederit iis, quos scierit ea per-
 „ verse, & improbe usuros. „ His Hookius *Rel. nat.*
 ita occurrit: „ potest æger sine vino vivere, *& revel.*
 „ immo & convalescere; at homo sine ratio- *prin.*
 „ ne esse non potest. Nec minus distant pec- *theolog.*
 „ care, & perire. Verum est, quod nemo *nat. de*
 „ vinum sumere ægrotum voluerit, quo pe- *provid.*
 „ riturum sciverit; quilibet tamen prudens *Dei. pag.*
 „ medicus ægro cibum sumere permittet, sine *155.*
 „ quo certo periturum novit; etiamsi febrim
 „ eo sumto auctum iri præviderit. Sic Deus
 „ rationem hominibus, sine qua homines non
 „ essent, dedit, etiamsi quædam inde mala
 „ oritura prævideret. Deberet ergo ratio com-
 „ parari cum vita; mala moralia cum morbo:
 „ proindeque si Deus rationem auferret, ne
 „ homines male illa uterentur, similis esset
 „ ejus, qui occideret filium, ne ægrotaret. „
 Nec prætereundum, medicum vi pacti inter
 ipsum & ægrotum constituti adstringi ad pro-
 curandam, quantum potest sanitatem; atque
 inde justitiæ obligationem nasci. Idem judi-
 cium ferendum de aliis id genus similitudini-
 bus, quas copiosas minuti philosophi profe-
 runt: ita naturalis justitia ex occulto pacto o-
 riunda postulat, ut princeps omnium, & sin-
 gulorum bonum pro viribus promoveat, ne-
 que suo tantum, sed totius reipublicæ com-
 modo.

modo, ac saluti studeat; unde illi non licet eo primum sine scelera permittere, ut suam postea in iis puniendis justitiam manifestet: ita mater, in qua paritate Baylius magnopere exultat, non potest citra culpam sub obtentu libertatis non adimendæ admittere, ut filia loca periculis plena adeat, præsertim si certo præsciret eam in scelus prolapsuram; nam parentes singulari titulo prolium saluti, non ejus modo, quæ ad corpus, sed etiam quæ ad animam pertinet, prospiciendi gravissima obligatione adstringuntur. Ab opposito in Deum nulla ejus modi obligatio cadit; ex peccatis præterea multa bona elicit, eaque ad manifestandas suas perfectiones, qui finis est toti mundo præfixus, dirigit; quin efficit; ut non noceant, nisi volenti, ac sæpe, ut ipsi quoque admittenti ad majus virtutis studium excitandum profint? ut denique aliorum exitium alios in officio contineat.

- 3.) Aristem admovent; ajunt; si Deus nobiscum benigne agere, bonitatisque suæ signa exhibere voluisset, effecisset utique, ut etiam salva libertate vel nemo peccaret, vel nemo saltem æternum damneretur: obtinisset certe id facillime, si illos tantum condidisset, quos aut nunquam peccaturos, aut veram de admissis delictis pœnitentiam acturos ab æterno prævidisset.

Potuisset utique non inficior; at quidquam contra summam bonitatem in eo, quod non ita fecerit, admisisse vehementer nego. Non obstante hac prænotione, qui percunt, sua culpa percunt; ipse omnibus bonus est, quod omnes felices esse facere cupit; quod subsidia, quæ sufficiunt, omnibus large suppeditat; quod præmia, pœnasque proponit; bonus denique, quod contumaces plectit: cum enim justitiam exercet, aliud non agit, quam bonitatem suam secundum sapientiæ regulas in
totius

totius generis humani commodum administrat.
 „ Si rex, ait Scherfferus, quispiam complures
 „ ad dignitates, ac publica munia gerenda ad-
 „ hibeat, singulosque ex meritis præmio,
 „ pœnave afficiat, certo nemo sanus eum re-
 „ gem reprehenderit; an vero Deo præscien-
 „ tia illa de plurium interitu fraudi erit? an
 „ minus censebitur bonus, minus beneficus,
 „ quia simul, quod facturus erat, prævidit,
 „ quam rex, qui id ignoravit? Porro, qui
 „ citra meritum proprium sese felices esse o-
 „ ptant, iniqui sunt in Deum, qui in conj-
 „ dendo universo actuum moralium præstan-
 „ tiam, liberumque arbitrium habuit potio-
 „ ra. Demum dignum Deo erat, non modo
 „ beneficentiz, sed etiam justitiz ejus æter-
 „ ne proflare monumenta, non quod fecerit
 „ quempiam, ut puniatur, sed uti justitiam
 „ vel invitus commendet, qui bonitate uti
 „ noluit. „

Ad extremum juvat advertere; duos potissimum
 gravissimos errores a Baylio, aliisque divinæ
 nitatis hostibus in hoc argumento committi.
 1.) Ex sola bonitatis ab aliis Dei perfectio-
 nibus abstractæ idea ratiocinantur; & quid-
 quid ex hac immediate non fluit, eidem op-
 poni contendunt. At enim bonitas hæc con-
 sociata revera est cum infinitis aliis perfectio-
 nibus, quæ non quidem inter se pugnant,
 diversos tamen effectus postulant: unde per-
 mitti, aut etiam effici multa a Deo possunt,
 quæ, etsi a bonitate abstracte considerata non
 proficiantur, illi tamen minime opponun-
 tur, vel idcirco, quod ex idea alterius cujus-
 piam perfectionis similiter separatim acceptæ
 promanant. Quod si autem perfectiones divi-
 ninæ, ut in se sunt, concrete sumantur, qui-
 vis effectus ab omnibus simul provenit. 2.)
 Bonitatem Dei ex singulorum hominum appe-
 titibus, aut indigentis metiuntur, cum ta-
 men

men Deus totius universi bonum primo loco procuret, singulis vero seorsum tantum beneficentiae exhibeat, quantum illius perfectio admittit: quemadmodum princeps humanus, tametsi optimus, non magis amat singulos, quam quantum ad commune totius reipublicae bonum conducit.

Quid
justitia?

LVIII. *Justitia* est bonitas sapienter administrata: summa itaque justitia est summa bonitas sapientissime administrata.

Theolog.
nat. f. 1.
c. 4. 5.
§ 17. nat.

SCHOL. Definitio istae ex Bohemio sic declaratur. „ Summus in civitate imperans delinquentes nec nimia severitate, nec lenitate puniens justus eatenus dicitur. Bonitas vero ipsius facit, ut 1.) singulis adeoque etiam delinquenti non male, sed bene velit, adeoque mallet benefacere, quam punire. 2.) Ut totum reipublicae systema securum, & tranquillum, non a male feriatis turbandum velit. 3.) Sapientia ipsi ostendit non punitionem malefici omni nequitiae subditorum fores pandere, vel salutem omnium evertere. 4.) Sapienter igitur administraturus bonitatem punit non nimis leniter ob bonitatem erga totam rempublicam; nec nimis severe ob bonitatem erga singulos; atque ita *juste* punit. „ Constituto porro hoc justitiae divinae conceptu plurimum illustrantur: quae ante diximus clare enim intelligitur constitutionem poenarum etiam aeternarum minime cum Dei bonitate pugnare.

Deus est
justissimus.

LIX. *Deus est justissimus*. Deus & optimus (§. 46.), & sapientissimus est (§. 38.): igitur cum summam bonitatem exercet, sapientissime id praestat, seu quod idem est, bonitatem suam sapientissime administrat; sed id est

est esse iustissimum (§. præc.) : ergo Deus iustissimus est.

LX. *Veracitas* est constans voluntas numquam falsum dicendi.

LXI. *Deus est veracissimus*. Cum Deus sit ens absolute perfectissimum (§. 25. cor. 1.), omnis possibilis realitas sine limite eidem tribuenda est (ont. §. 93. sch. n. 3.); sed veracitas est certe possibilis quædam realitas; igitur veracitas sine limite Deo tribuenda est; ac proinde veracissimus sit, oportet.


Quid
veraci-
tas?
Deus est
veracis-
simus,

COROLL. Cum ad veracitatem fidelitas in servandis promissis pertineat, ut per se notum est: Deus quoque fidelissimus est.

SCHOL. Attributis adhuc recensitis alia præterea, ac præcipue summam beatitatem, & perfectissimam felicitatem adnumerandam esse nemo ignorat: sed notiora hæc sunt, quam ut superiori oratione egeant.

& fide-
lissi-
mus.





S E C T I O III.

D E

OPERATIONIBUS DEI:

§. LXII.

Quod
sectionis
argu-
men-
tum?



PER operationes Dei, de quibus hoc loco agendum est (§. 2.), eas intelligo, quæ Deo ut supremo mundi auctori conveniunt, quæque generatim ad creationem, conservationem, concursum, gubernationem, & providentiam reducuntur. Istud itaque sectionis argumentum est.

C A P U T I.

De Creatione, Conservatione, & Concursu.

Poten-
tia cre-
andi est
infinita.

LXIII. *Potentia aliquid creandi est potentia infinita.* Nullum possibile aut aliquid conducere, aut repugnare sui effectiōni potest; sed omnia & passive, & æqualiter indifferentia sunt, ut producantur, vel non producantur: igitur potentia aliquid creandi omnibus possibilibus procreandis sufficit; atqui potentia, quæ omnibus possibilibus procreandis sufficit, certo infinita est: ergo potentia aliquid creandi est potentia infinita.

Co-

COROLL. Potentia itaque aliquid creandi nulli
enti finito ulla ratione competere potest (ont.
tol. §. 224. cor. 1.).

LXIV. *Deus mundum creavit.* Mundus crea- Deus
mun-
dum
creavit,
tus est (cosm. §. 24.); sed non ab ente fini-
to (§. præc. cor.): igitur ab infinito, quod
Deus est.

LXV. *Deus est omnipotens.* Deus procrea- ac ideo
omni-
potens est.
vit hunc mundum (§. præc.): igitur poten-
tia aliquid procreandi pollet; sed potentia
aliquid procreandi est infinita (§. 63.), id
est, omnipotentia: ergo Deus pollet omni-
potentia, sive est omnipotens.

LXVI. *Creatio ex parte Dei spectata est a-* Quid
creatio?
ctio, qua efficit, ut ens existentiam, quam
nondum habuit, obtineat. Per creationem
Deus efficit, ut ens ex nihilo oriatur (ont.
§. 180.): igitur creatio ex parte Dei specta-
ta recte dicitur actio efficiens, ut ens exi-
stentiam, quam nondum habuit, obtineat.

LXVII. *Si ens creatum existentiam conti-* Conti-
nuatio
exi-
stentiæ
enti
creato
vi ef-
ficientiæ
non
com-
petit.
nuat, hac continuatio eidem vi essentia non
competit. Quodvis ens creatum est vi essen-
tiæ indifferens ad obtinendam, sive ad ha-
bendam primo momento existentiam: ergo
etiam quodvis ens creatum vi essentia in-
differens est ad existentiam 2do, 3tio, 4to
&c. momenti habendam, id est, ad conti-
nuandam existentiam; nam ut in primo; ita
omnibus reliquis momentis contingenter ex-
sistit; sed illud, ad quod habendum ens vi
essentiæ indifferens est, eidem vi essentia
non competit: igitur si ens creatum existen-
tiam continuat, hæc existentia continuatio
eidem vi essentia non competit.

COROLL. Continuatio itaque existentia enti igitur
ratione
suffici-
ente e-
jus.
creato præter essentiam tribuitur, ac proinde
ejus.

ejusdem ratio sufficiens existet, necesse est (ontol. §. 21.).

quæ
non est
in illo
ente,

LXVIII. *Ratio sufficiens, quæ efficit, ut ens creatum existentiam continuat, non inest in illo ente.* Inest enimvero hæc ratio sufficiens in ipso ente, erit ea vel in essentialibus, vel in attributis, vel in modis; præterea enim nihil est in ente (ont. §. 56. coroll. 1.); at non est inessentialibus; secus enim continuatio existentiae enti creato vi essentialium competeret, quod pugnat cum (§. præc.): non in attributis; nam cum attributa in ipsa essentialia rationem sufficientem habeant (ont. §. 56.), rursus idem absurdum sequeretur: sit igitur in modis; quæro an in modis analogicis, an in modis propriis? non primum; nam modi analogici solum ad liberas actiones pertinent, nemo autem dixerit a libera entis determinatione pendere, ut existentiam continuat, vel non; & quid de entibus materialibus diceremus? si autem secundum; tunc, quia omnibus modis propriis in ente extraneo rationem sufficientem habet (ontol. §. 56.), etiam ratio sufficiens continuatae existentiae reapse in ente distincto contineretur; ergo ratio sufficiens, quæ efficit, ut ens creatum existentiam continuat, non inest in illo ipso ente.

neque
in alio
creato,
sed in
Deo.

COROLL. Ratio itaque sufficiens; quæ efficit, ut ens creatum existentiam continuat, continetur in ente alio distincto; & quoniam etiam hic progressus in infinitum repugnat, in solo Deo.

Quid
conser-
vatio?

LXIX. *Conservatio est actio, quæ efficit, ut ens creatum existentiam continuat.*

COROLL. Conservatio itaque est vera ratio sufficiens continuatæ existentiae.

LXX. *Conservatio est continuata creatio.* Est continuata creatio.
Cum actio, quæ efficit, ut ens existentiam primo obtineat, continuatur, necesse est, ut ens quoque creatum existentiam acceptam continuet; sed illa actio est creatio (§. 66.); igitur cum creatio continuatur, ens quoque creatum existentiam continuat; id est: creatio continuata efficit, ut ens creatum existentiam continuet; sed actio, quæ efficit, ut ens creatum existentiam continuet, est conservatio (§. præc.): ergo conservatio est continuata creatio.

LXXI. *Deus quodvis ens creatum singulis momentis conservat.* Deus entia creata conservat.
Deo ratio sufficiens inest, quæ efficit, ut quodvis ens creatum quovis dato momento existentiam continuet (§. 68. cor.): igitur Deus quovis momento efficit, ut ens creatum existentiam continuet; atqui istud est conservare (§. 69.): ergo Deus quodvis ens creatum singulis momentis conservat.

SCHOL. I. Realitates entium creatorum limitatæ sunt: inest proinde in quovis ente creato aliquid reale, & aliquis realitatis defectus, qui limitem constituit (ont. §. 40.). Jam porro defectum existere aliud non est, quam realitatem non existere; ad hoc vero, ut realitas non existat, positiva Dei actione opus non est; Deus quippe per suam actionem existentiam largitur, non vero non-existentiam: defectus itaque, limitationes, negationes, privationes, quæ in entibus creatisprehenduntur, a Deo nec creantur, nec conservantur. Scilicet verissimum est, quod ait Boehmius: „Omnium realitatum, quæ non
„pertinent ad ipsum Deum status naturalis, Defectus non conservantur.

„ ut sic loquar, est non esse. Ut igitur non
 „ sint, non opus est aliqua Dei actione, sed
 „ ut sint, & perdurent. Quemadmodum ut
 „ nihil habeas in marsupio, aut ut non acce-
 „ dant ad ea, quæ forte habes, non opus est
 „ tua cura, & parsimonia; sed ut aliquid in
 „ eo sit, & maneat. „

Occur-
 ritur
 dubio.

SCHOL. 2. Sed dubitant nonnulli, utrum per
 ens creatum, quod perpetua conservatione e-
 geat, satis commendetur supremi opificis sa-
 pientia, ac potentia; nec enim, ajunt, arte-
 factum humanum ab artifice suo in eo pendet,
 ut perseveret: igitur id multo minus de Dei
 operibus opinandum. At vero discriminis ra-
 tio in eo sita est: ut artefactum quodpiam in
 suo *esse* artificioso perseveret, nihil aliud re-
 quiritur, quam ut ne modificatio materię alio-
 quin existenti ab artifice, vel alia causã na-
 turali inducta immutetur, quem in finem ipse
 Deus naturę auctor satis efficaces causas in
 natura constituit, ut inertiam, cohesionem,
 vim certa distantiarum lege agentem, quæ
 eam mutationem tam diu impediunt, donec
 vis fortior ab externo principio superveniat:
 quare similia artefacta ulteriore artificis sui cu-
 ra non egent. Ab opposito ut ens creatum ex-
 istentiam acceptam continuet, necesse est, ut
 existeret hujus continuationis ratio sufficiens, quæ
 neque in illo, neque in ullo alio ente crea-
 to, sed in solo Deo contineri potest; eadem
 nimirum vis, quæ ens ex nihilo educit, sin-
 gulis quoque momentis efficere debet, ne in
 nihilum abeat.

Absente
 conser-
 vatione
 existi-
 stentia
 entis
 cessat.

LXXII. *Hoc ipso solum, quod conservatio
 absit, ens creatum non amplius existentiam
 continuat. Hoc ipso solum; quod ratio suffi-
 ciens tollitur, tollitur quoque rationatum
 (ont. §. 22.); sed conservatio est ratio suffi-
 ciens, cur ens creatum existentiam continuet*

(§. 69.

(§. 69. cor.) : igitur hoc ipso solum , quod conservatio absit , ens creatum existentiam amplius non continuat.

COROLL. Ens itaque, quamprimum Deus conservare cessat, illico in nihilum abit, seu nihilum est: quare annihilatio non est actus positivus, sed mera actus positivi omissio.

SCHOL. Errant igitur gravissime, qui cum Genuensi docent, non sufficere ad entis annihilationem, ut Deus illud non amplius existere velit; sed necessarium præterea esse in Deo positivum nolitionis actum. Certe si hæc sententia obtineat, consequens est, ut entia creata absque omni positiva Dei voluntate existere possint, quo supremum Dei in res omnes dominium manifeste tollitur. Perspexit istud acute Cartesius ita ratiocinatus: „ Nec dubium est, si Deus cessaret a suo concursu (conservatione), quin statim omnia in nihilum sint abitura, quia antequam creata essent, & ipsis concursum suum præberet, nihil erant. Nec per hoc, quod substantia dicatur, per se existere, excluditur concursus divinus, quo indiget ad subsistendum; sed tantummodo significamus illam esse talem rem, ut absque omni alia creata esse possit, quod de modis rerum dici non potest. Nec Deus ostenderet potentiam suam esse immensam, si res tales efficeret, ut potestæ sine ipso esse possent, sed contra illam in hoc testaretur finitam esse, quod res semel creatæ non amplius ab eo penderent. Nec recido in sovæam a me paratam, cum dico fieri non posse, ut Deus quidquam aliter destruat, quam cessando a suo concursu, quia alioquin per positivam actionem veniret ad non ens. Magna enim differentia est inter ea, quæ fiunt per positivam Dei actionem, quæ omnia non possunt non esse

*Epist. 1.
2. ep. 26.
n. 7.*

„esse valde bona, & ea, quæ ob cessationem positivæ actionis eveniunt, ut omnia mala, & peccata, & destructio alicujus entis, si unquam aliquid existens destruitur.”

Deus
vim en-
tium
conser-
vat.

LXXIII. *Deus conservando entium creatorum existentiam vim quoque eorum singulis momentis conservat*: Deus conservando entium creatorum existentiam simul omnes realitates, quæ ipsis ut existentibus vi essentiali competunt, conservat, ut in aperto est; sed vis entibus creatis, ut existentibus vi essentiali competit (ont. §. 176.): ergo Deus conservando entium creatorum existentiam vim quoque eorum singulis momentis conservat.

COROLL. Vis igitur agendi entium creatorum eo quoque momento, quo agit, a Deo conservatur, seu quod idem est, entia creata in eo statu, quem agendo obtinent, a Deo conservantur.

Deus a-
gendo
ratio-
nem a-
ctionis
entium
conti-
net.

LXXIV. *Deus agendo rationem aliquam continet, cur entia creata agant, quidquid agunt*: Deus agendo conservat vim entium creatorum eo quoque momento, quo agit (§. præc. cor.); sed vis continet rationem sufficientem, cur actio ad existentiam perveniat (ont. §. 131.): igitur Deus agendo aliquam rationem rationis, cur entia creata agant, quidquid agunt, continet; sed qui agendo aliquam rationem rationis, cur entia creata agant, quidquid agunt, continet, etiam agendo rationem continet, cur entia creata agant, quidquid agunt: ergo Deus agendo agant, quidquid continet, cur entia creata rationem aliquam agunt.

Quid
concur-
sus?

LXXV. *Concurrere ad actionem alterius dici-*

dicitur ens, quod agendo aliquam rationem continet, cur alterum agat.

SCHOL. Ita ex usu loquendi ad actionem alterius concurrunt, qui eidem motiva, consilia, subsidia, aut materiam, circa quam actio versatur, subministrant.

LXXVI. *Deus ad omnes actiones entium creatorum concurrunt*. Qui agendo rationem continet, cur alter agat, ad illius actionem concurrunt (§. præc.); sed Deus agendo rationem aliquam continet, cur entia creata agant, quidquid agunt (§. 74.); ergo Deus ad omnes actiones entium creatorum concurrunt.

Deus ad omnes actiones concurrunt.

LXXVII. Concurfus divinus est *immediatus*, si Deus non minus ad existentiam effectus, quam ad existentiam causæ concurrat; *mediatus*, cum Deus eatenus solum ad effectus existentiam concurrat, quatenus causæ existentiam, agendique vim contulit, cetera illi relinquens. Item concurfus dicitur *generalis*, & *physicus*, qui ad omnes omnium causarum creatorum actiones porrigitur; *specialis*, & *moralis*, qui ad quasdam solum quorundam entium creatorum actiones pertinet.

Quotumplex concurfus?

LXXVIII. *Concurfus, quem Deus ad omnes actiones entium creatorum præstat (§. 76.), est generalis & immediatus*. Primum patet, quoniam hic concurfus ad omnes actiones pertinet. Alterum sic conficio: concurfus ille in eo consistit, quod Deus singulis momentis conservet vim, etiam cum agit, adeoque causam ipsam in eo statu, quem agendo obtinet (§§. 76. 74. 73. coroll.): igitur causa creata sic prorsus a Deo in agendo, sicut in existendo pendet: sicut nimirum quovis momento per conservationem accipit existentiam.

Concurfus Dei est generalis, & immediatus.

tiam, ita quovis momento per eandem conservationem accipit eum statum, quem agendo obtinet; atqui si ita, tunc Deus conservando causam in statu agendi non minus ad existentiam effectus, quam ad existentiam causæ concurrit, qui concursus immediatus est (præc.): ergo concursus, quem Deus ad omnes actiones entium creatorum præstat (§. 76.), & generalis, & immediatus est.

SCHOL. Non satis digne de divinis perfectionibus sentiunt, qui cum Durando de S. Portiano, Aurelio, Ludovico Perierio de Dole, Nicolao Taurello, & Berniero concursum Dei duntaxat mediatum defendunt; nam stante hac hypothese causæ creatæ in agendo a Deo non pendent, quod cum summo illius in omnia entia creata dominio pugnat. Certe summum Dei dominium postulat, ut quodvis ens creatum quoad totam sui constitutionem singulis momentis perfectissime ab eo pendeat; pone jam causas creatas in agendo a Deo non pendere, non pendebunt certe quoad totam sui constitutionem; nam cum ens agit, alium statum obtinet. Quamquam fortasse hi verbis magis, quam re dissensisse videri possint; nam, ut recte Leibnitius animadvertit, vix fieri potest, ut quis conservationem causæ in vero sensu admittat, simul tamen concursum immediatum inficietur: hæc quippe conservatio necessario determinatam quampiam, & ut ajunt, *individualement* relationem ad causam, quæ conservatur, dicit, quæ relatio diversa est, cum causa agit, & cum non agit. Atque hanc relationis diversitatem aut sustulisse, aut ad eam non satis attendisse doctores illi videntur.

*Essai de
Théod.
P. 1. §.
27.*

CONCUR-
sus ad a

LXXIX. *Ad actiones hominum moraliter bonas Deus concursu speciali, & morali concur-*

currit. Actiones moraliter bonæ illæ sunt, ^{actiones bonas specialis est.} quarum exercitatio a lege morali per rationem omnibus promulgata imperatur; ad has autem actiones Deus concurrit constituendo legem, suadendo, hortando, proponendo præmia, & pœnas, aliaque adjumenta subministrando: atqui id genus concursus specialis, ac moralis est (§. 77.): igitur ad actiones hominum moraliter bonas Deus concursu speciali, & morali concurrit.

SCHOL. Duo potissimum obijci solent. 1.) A- ^{Diluuntur ob-} jectum: perfectior est machina, quæ citra directionem, & assistentiam artificis motus suos ^{jecta.} continuat, ut patet in horologio: igitur etiam perfectior erit causa creata, quæ in actionibus suis immediato Dei concursu non eget; quod si ita: parum divini artificis sapientia, & potentia per hanc sententiam commendabitur.

Responsio in promptu est: machina, quæ sine artificis directione motus suos perficere nequit, imperite constructa est: caret enim perfectione, cujus recipiendæ ipsa per essentiam capax est, quamque artifex secundum artis suæ præcepta eidem conferre & poterat, & debebat. At ut res creatæ ad agendum divino concursu non egeant, ipsarum essentiarum limitatæ non admittunt; limitatio quippe hæc efficit, ut ipsæ non minus in agendo, quam in existendo a Deo pendeant. Neque inde potentia, aut sapientia divinæ quidpiam detrahitur; non enim ad ipsas pertinet scire, aut efficere posse pugnantiæ. Quid quod id ipsum supremum Dei in res creatas dominium postulat? certe si causæ creatæ ad agendum immediato Dei concursu non egerent, possent illæ etiam Deo non volente actiones perficere, quod quam absolum sit, nemo non videt.

2.) Concursum immediatum ad omnes actiones

pugnare cum infinita Dei sanctitate contendunt: putant enim inde consequens esse, ut Deus fiat auctor peccati, quemadmodum illi ut auctori actiones hominum bonæ tribuuntur.

Consecutio hæc a vero abhorret; nam etsi Deus generaliter, & physice concurrat ad actum, qui malus est, ne eum impossibilem reddat, ac sic libertatem hominis tollat: non tamen concurrit elective, ac ex determinatione propria, sed potius ex determinatione causæ liberæ; non enim actum malum vult, aut intendit, sed quantum salva hominis libertate potest comminatione pœnarum, ac præmiorum promissione eum impedire nititur. Quare cum illi solum actus qua malus tribui possit, qui eum ut talem voluntate efficaci eligit, omnis culpa in homine residet, ut ait Plato. Contrarium obtinet in actibus bonis, quorum auctor Deus est, non ideo solum, quod physice, sed quod moraliter ad eosdem concurrat. Concurrit itaque universe Deus ad peccatum, quod positiva volitione non vult, quia ab homine, quem liberum fecit, eligitur, ac ne hanc libertatem imminuat, illud non impedit, sed permittit. Neque tamen permissio hæc ipsum peccati reum efficit, quemadmodum fere in hominibus contingit; homo enim generali charitatis erga Deum, & proximum lege adstrictus, peccatum ab altero committendum impedire tenetur: quamvis etiam hæc obligatio aliquam nonnumquam exceptionem patiatur, ut theologi morales docent. At Deus nulla id genus obligatione stringitur; quin potius ut naturæ auctor aliqua ratione hominum peccata non impedire tenetur, cum congruum sit, ut causas creatas secundum naturales earum proprietates gubernet, ac proinde earum libertatem non lædat; læderet autem, si concursum physicum non æque ad actiones malas,

*De leg.
l. 10.*

malas, quam bonas offerret. Accedit, quod Deus permissis actionibus malis secundum sapientiae suae regulas ad finem totius universi perfectissime obtinendum utatur, quod alias diximus.

CAPUT II.

De Gubernatione; & Providentia:

LXXX. *Deus omnia hujus mundi entia, omnesque eorum actiones ad finem praestitutum optime dirigit.* Cum enim sic sapientissimus (§. 38.), mundumque universum ut medium aptissimum ad finem consequendum elegerit (colm. §§. 77. 78.), necesse quoque est, ut medio isto ita utatur ut quam optime finem praestitutum obtineat; id vero nequaquam praestaret, nisi omnia hujus mundi entia, omnesque eorum actiones ad finem praestitutum quam optime dirigeret: igitur Deus omnia hujus mundi entia, omnesque eorum actiones ad finem praestitutum quam optime dirigit.

Deus mundum ad finem dirigit.

LXXXI. *Gubernatio est directio optima mediorum, & actionum ad finem communem.*

Quid gubernatio?

SCHOL. Exemplum sume a gubernatore navis, exercitus, reipublicae.

LXXXII. *Deus omnia in hoc mundo gubernat.* Deus omnia in hujus mundi entia, omnesque eorum actiones ad finem praestitutum quam optime dirigit (§. 80.); atqui istud est omnia in hoc mundo gubernare (§. praec.): ergo Deus omnia in hoc mundo gubernat.

Dens omnia gubernat;

LXXXIII. *Deus omnium, & singulorum entium mundanorum curam gerit.* Qui omnia, & singula entia mundana creat; eorum existens.

omniumque curam gerit.

stantiam conservat; ad singulas illorum actiones concurrat, & denique omnia gubernat, is certe omnium, & singulorum entium mundanorum curam gerere censendus est; atqui Deus hæc omnia præstat (§§. 64. 71. 76. 82.): igitur Deus omnium, & singulorum entium mundanorum curam gerit.

SCHOL. Qui de majoris propositionis veritate dubitat, exemplum solliciti parentis sibi ob oculos ponat: nonne filiorum curam gerit, cum a se genitos suppeditando alimenta conservat, monitis, consiliis, ac præceptionibus ad eorum actiones concurrat; ipsos denique eorumque actiones gubernat?

Quid, & quorumplex providentia? LXXXIV. *Providentia* est cura Dei de rebus creatis; dicitur *generalis*, quæ æqualiter omnibus totius universi entibus impenditur: *specialis*, quæ singulari modo ad quædam rerum creatarum genera procurando bona, & removendo mala porrigitur.

SCHOL. Per se clarum est, ad specialem providentiam specialem quoque concursum (§. 77.) pertinere. Utramque nunc efficacissimis argumentis vindicabimus contra deistas; istud enim nomen sortiti sunt minuti illi philosophi, qui, ut Tullius loquitur, „omnino nullam „habere censerent humanarum rerum procuram, rationem deos: „quorum e grege primi fuerunt, qui vel Deum ipsum, vel mundum ab eo factum negarunt; certe si mundus casu coaluit, ut contendebat Epicurus, etiam casu, & fortuito regatur, necesse est: deinde qui fatalem rerum omnium necessitatem induxerunt; ubi enim fatum regnat, nullus providentiæ locus esse potest. Mitius quidem, ac non minus impie de divina providentia senserunt alij, certis eam limitibus constringentes:

tes:

tes: „ usque ad lunam descendere Dei provi-
 „ dentiam, Deumque suis contentum finibus;
 „ & præscripto regni modo degere, „ opi-
 „ nionem fuisse Aristotelis S. Ambrosius scribit
 (a). Omnes generatim providentiæ hostes (a) *De*
 Cudvorthus (b) refellendos suscepit; at pro- *off. l. 1.*
 didisse, quam egerat, causam, videri potest, *c. 13.*
 dum omnium rerum etiam vilissimarum curam *(b) Syst. intell. c.*
 Dei beatitati officere adversariis permisit. *s. f. 59*
 „ Non est necessarium, ait improvide, ut ip-
 „ sum Deum omnia suis veluti manibus con- *ib. §. 16.*
 „ struere, & perficere credamus; sed consilio-
 „ rum, operumque suorum inferiores mini-
 „ stros divinam habere rationem, in quos
 „ partem curarum suarum quibus eam mortales
 „ obrui, & opprimi opinantur; conjiciat. „
 Tum ministrorum primum naturam illam ge-
 nitricem constituit, quam se e tenebris erui-
 se, atque adversus aliorum machinationes de-
 fendisse gloriatur. Sed quid de hac sentien-
 dum sit, alias diximus (cosm. §. 86. sch. 2.):
 nulla autem Deum molestia affici, si ipse per
 sese res minimas curet, infra apparebit. Ve-
 rum utinam error impius cum præcis illis con-
 sepultus fuisset! vivit, pro dolor! etiamnum,
 & a profanis sæculi hujus philosophis conti-
 nenter recoquitur. Recoquunt sane, qui cum
 Philosopho de fans — souci contendunt, Dei *Lettr. a*
 providentiam ad genera quidem, non item ad *Keirh.*
 individua porrigi; quasi vero abstracta Deus *& a Ma- opera*
 curet, non curet concreta; aut genera extra *tuis.*
 individua reapse existant. Sed tamen his phi-
 losophantium somniis omni ætate clarissimi
 viri sese opposuerunt. „ Sunt autem & alii,
 „ inquit rursus Tullius, & hi quidem ma- *De nat. D. l. 1. c. 2.*
 „ gni, atque nobiles, qui Deorum mente, &
 „ ratione omnem mundum administrari, &
 „ regi censeant; neque vero id solum, sed
 „ etiam ab iisdem vitæ hominum consuli, &
 „ provideri. Nam & fruges, & reliqua,
 „ quæ

„ quæ terra pariat, & tempestates, & tempo-
 „ rum varietates, cælique mutationes, quibus
 „ omnia, quæ terra gignat, maturata pube-
 „ scant, a Diis immortalibus tribui generi
 „ humano putant, multaque colligunt, quæ
 „ talia sunt, ut ea ipsa Dii immortales ad
 „ usum hominum fabricati pœne videantur. „
 Atque hi, quantum ad providentiam, recte
 sentiunt.

Deus
 mun-
 dum
 provide
 admini-
 strat.

LXXXV. *Deus providentia sua totum mun-
 dum, omniaque in eo entia seu magna, seu
 parva administrat.* Deus omnium, & singu-
 lorum entium mundanorum curam gerit (§. 38.); sed in hac cura providentia Dei sita
 est (§. præc.): igitur Deus providentia sua
 totum mundum, omniaque in eo entia seu
 magna, seu parva administrat.

SCHOL. I. Est profecto hæc providentia cum
 perfectissima Dei natura arctissime connexa, ut
 qui unam sustulerit, alteram quoque tollat,
 necesse sit; inde nemo umquam illam in du-
 bium traxit, qui rectam hujus notionem ani-
 mo informavit. Non esset difficile veterum
 philosophorum testimonia accumulare: sed no-
 lo esse longior: Socratem tamen audiamus hac
 fere ratione cum Aristodemo disputantem:
 „ animadverte mentem tuam etiam, dum in-
 „ est in corpore, ex arbitratu suo corpus gu-
 „ bernare. Quamobrem existimandum est, sa-
 „ pientiam illam, quæ est in hoc universo;
 „ omnia regere, quemadmodum ipsi gratum
 „ est. Num tuus oculus ad multa usque sta-
 „ dia pertingere potest, & non potest Dei
 „ oculus simul omnia intueri? numque tuus
 „ animus tum de rebus, quæ hic accidunt,
 „ tum de illis, quæ in Ægypto sunt, & Si-
 „ cilia, cogitare potest, & non potest Dei
 „ sapientia simul omnium habere curam? „
 sed

Xeno-
 phon de
 dist. &
 fall. So-
 erat. l. 1.
 p. 575.

sed ratione pugnat divinus ille philosophus
 Plato: „ Si Deus, ait, neglectis minoribus in
 „ solis occupatur majoribus, (aut penitus res
 „ mundanas non curat,) id ideo fit, vel quia
 „ omnibus administrandis par esse mens illius,
 „ ac potestas nequit, vel quia non vult, ta-
 „ met si potest: neutrum autem Deo conve-
 „ nit. „ Certe neutrum cogitare potest; non
 primum: imbecillitas quippe hæc vel ex igno-
 ratione quadam rerum, quæ sunt, vel ex vi-
 rium infirmitate oriretur, quorum alterum cum
 omnisscientia; alterum cum omnipotentia pu-
 gnat; non secundum: invidentiæ enim, aut
 ignaviæ manifestum istud indicium foret, ne-
 que cum infinita ejus bonitate congrueret. Re-
 ctissime igitur Balbus apud Tullium concludit:
 „ Ergo utrum ignorant Dii, quæ res maxi-
 „ mæ, quæ minimæ sint, quoque hæc modo
 „ tractandæ, & tuendæ? an vim non habent,
 „ qua tantas res sustineant, ac gerant? at
 „ & ignoratio rerum aliena naturæ Deorum
 „ est, & sustinendi muneris propter imbecil-
 „ litatem difficultas minime cadit in majesta-
 „ tem Deorum. Ex quo efficitur id, quod
 „ volumus, Deorum providentia mundum, &
 „ omnia, quæ in eo sunt, administrari. „
 His denique gravissimum pondus addit ipse
 communis naturæ sensus, sive ea animi nostri
 comparatio, qua tacito naturæ impulsu res no-
 stras Deo curæ esse judicamus. „ Res singu-
 „ las, inquit Nemestius, regi providentia ma-
 „ gno est argumento, quod naturaliter ejus
 „ notitia hominibus sit insita; nam necessitate
 „ aliqua compulsi statim ad numen divinum,
 „ & preces confugimus, velut natura nos si-
 „ ne doctrina ad Dei opem perducens. Non
 „ autem sine doctore nos natura ad id duce-
 „ ret, quod eadem natura non fert, ut fiat.
 „ Nam in repentinis perturbationibus, & ti-
 „ moribus sine electione, neque deliberate,

De leg.
l. 10.

De nat.
D. l. 2.
c. 30.

De nat.
hum. c.
44.

„ & tamquam aliquid consideremus , Dei no-
 „ men invocamus . Quidquid autem naturalia
 „ ter quamque rem insequitur , in eo tanta
 „ vis est ad demonstrandum , ut contra dici
 „ nihil possit . „ Sed jam adversariorum ca-
 „ lumnia refellendæ veniunt .

Refel-
 luntur
 calum-
 niæ.
De nat.
D. l. 1.
c. 17.
c. 19.

SCHOL. 2. 1.) Pugnare cum summa Dei beati-
 tate clamitant rerum quarumvis , etiam mini-
 marum curam ; „ nam quod æternum , ut in-
 „ scite Vellejus apud Tullium arguit , beatum
 „ que sit , id nec habere ipsum negotii quid-
 „ quam , nec exhibere alteri . — Sive in
 „ mundo inest Deus aliquis , qui regat , qui
 „ gubernet , qui cursus astrorum , mutationes
 „ temporum , rerum vicissitudines , ordinesque
 „ conservet , terras , & maria contemplans ,
 „ hominum commoda , vitasque tueatur : næ
 „ ille est implicatus molestis negotiis , & o-
 „ perosis . „

De in-
terpr. p.
2. pag.
92.

At vero „ hanc opinionis dementiam eorum es-
 „ se , ajebat olim Ammonius , qui quanto in-
 „ tervallo divina cognitio , & vis nostram su-
 „ peret , non intelligunt , & propter hanc in-
 „ scitiam ex nostris rebus conjecturam face-
 „ re audent de iis , quæ ad Deum pertinent ,
 „ ac nostram in illum imbecillitatem transfer-
 „ re . „ Vellejum egregie Cotta refutavit :

De nat.
D. l. 1.
c. 3.

„ Profecto Epicurus , quasi pueri delicati , ni-
 „ hil cessatione melius existimat . At ipsi ta-
 „ men pueri , etiam cum cessant , exercitatio-
 „ ne aliqua ludicra delectantur : Deum sic fe-
 „ riatum volumus cessatione torpere , ut si se
 „ commoverit , vereamur , ne beatus esse non
 „ possit . „ Certe Deus , quæ agit , non ope-
 „ ratur cum labore , nec corpore præditus est ,
 „ ut morbos extimescat . „ Laborare , verba sunt
 „ Plotini , in opere disponendo , nihil aliud
 „ esse videtur , quam aliena opera tractare , id
 „ est , ea , in quæ quis potestatem non ha-
 „ bet ; at in iis , quæ quis habet in potestate ,
 „ & qui.

Ennead.
l. 4. c.
12.

„ & quidem solus , quānam re alia indiget ;
 „ nisi se ipso , & voluntate sua ? „ nihil ita-
 que Dei beatitati providentia detrahit ; im-
 mēsus quippe cum sit , potentiaque nullis
 limitibus circumscripta polleat , pervidet , per-
 vaditque omnia ; nulla rerum cura fatiga-
 ri , aut ita occupari potest , ut ne ad reliqua
 attendat .

- 2.) Indignum divina esse majestate contendunt , *Lucret. de nat. rer. l. 2. v. 630. seqq.*
 ut per se ipsum res minimas , ac vilissimas cu-
 ret ; quemadmodum nec humani principis ma-
 jestatem decet , ut levissima quævis negotia per
 se administret : committi ista solent magistra-
 tibus inferioribus .

Magnum est Deum inter , & humanum princi-
 pem discrimen ; hic ob limitatas tum intelli-
 gentiæ , tum potentiæ suæ vires non multis
 admodum negotiis per se administrandis solus
 sufficit : quare jure eidem vitio daretur , si le-
 vissimis negotiis sese immisceret ; consequens
 enim foret , ut graviora negligeret . Quodsi u-
 trumque præstare posset , nihil certe leviora
 curando majestate sua indignum admitteret .
 Contraria omnia in Deo obtinent . Deinde non
 fuit Deo indignum per sese vilissima creare ,
 & continue conservare , cur eadem gubernare
 indignum sit ? quid , quod minima etiam in
 hoc universo ita cum magnis copulantur , ut
 his provideri nequeat , quin illa simul curen-
 tur ? ut enim majores in ædificio lapides haud
 recte disponuntur , nisi eadem cura minoribus
 quoque adhibeatur : ita totius mundi elegantia ,
 ac optima omnium partium ad finem consensio
 sine minimis obtineri nequit . Quare opposuit
 Plato : „ Caveamus , ne Deum mortalibus opi-
 „ ficibus viliores putemus : isti sane quanto
 „ peritiores sunt , tanto arte una in propriis
 „ ipsorum operibus & parva simul , & magna
 „ exquisitius , absolutiusque perficiunt . „

De leg. l. 10.

3.) Incredibilem rerum humanarum confusione[m] queruntur alii ; scelestissimos quosque prospera uti fortuna ; probos contra , ac virtutum studiosos variis calamitatibus conflictari : non æquam proinde præmiorum , pœnarumque distributionem apertum contra divinam providentiam testimonium dicere . „ Ac nos qui-
 „ dem , inquit Cotta apud Tullium velut se-
 „ ipsum reprehendens , nimis multa in re a-
 „ pertissima : Telamo autem uno versu locum
 „ totum conficit , cum Dii homines negligent :
 „ nam si curent , bene bonis sit , male malis :
 „ quod nunc adest . „ Argumentum istuc fortis-
 „ simum esse Baylius arbitratur , ac inscite
 „ contendit invictum ejus robur vel inde elu-
 „ cere , quod ab ipso fere mundi ortu nulla ei-
 „ dem responsione satisfieri potuerit . Addunt ,
 „ evenire , non raro , ut quis post primum sce-
 „ lus commissum e vivis tollatur , sempiternisque
 „ tormentis addicatur , dum alii impune scelera
 „ sceleribus accumulanti , ac nihilo minus & tem-
 „ pus , & occasionem resipiscendi obtinent ; id
 „ quod cum justissima Dei providentia coherere
 „ non videtur .

Verum responsio est multiplex : Primum nemo
 ita bonus est , ut non quandoque delinquat ;
 nemo ita malus , ut non actum quempiam mo-
 raliter bonum nonnumquam exerceat : quare
 æquissime possunt boni in hac vita pœnis ,
 mali præmiis affici ; præsertim cum hi nullam
 in altera mercedem expectare queant . Hi ita-
 que eventus multo maxime justissimam Dei
 providentiam patefaciunt . Deinde neque ju-
 stitia , neque providentia Conditoris postulat ,
 ut in hac vita , quæ status quidam tentationis
 est , præmia , & pœnæ repræsententur ; istud
 quippe ad statum finalem pertinet . Nonne
 princeps humanus ultionem scelerum differre
 potest , cum ea dilatio ad commune reipubli-

*De nat.
 M. l. 3.
 c. 32.*

*Dist. hi.
 per. &
 erit. ar.
 Rufin.
 tem. C.*

eæ bonum conducit? cur igitur idem præsta-
 re Deus nequeat, quando illud perfectioni to-
 tius mundi a se conditi, provideque guber-
 nandi consentaneum est? Qui petunt, ut Deus
 quodvis flagitium continuo puniat, totidem
 miracula petunt, quæ ipse, ut naturæ auctor
 patrare minime tenetur. Fabulam agimus, cum
 hanc vitam degimus; ea peracta justæ præ-
 miorum, pœnarumque distributionis & tem-
 pus, & locus erit. Demum nec bona hæc
 temporaria congruum sunt virtutis præmium,
 nec mala vitiorum pœna; summa gaudet Deus
 in illis concedendis libertate: quare & illa
 malis tribuere, hæc bonis immittere æquissi-
 me potest. Præclare S. Augustinus: „ Placuit
 „ quippe divinæ providentiæ præparare im-
 „ posterum bona justis, quibus non fruuntur
 „ injusti; & mala impiis, quibus non exclu-
 „ sibantur boni. Ista vero temporalia bona,
 „ & mala utrisque voluit esse communia: ut
 „ nec bona cupidius appetantur, quæ mali
 „ quoque habere cernuntur; nec mala turpi-
 „ ter evitentur, quibus & boni plerumque af-
 „ ficiuntur. „ Rursus: „ Si Deus nunc om-
 „ ne peccatum manifeste plecteret pœna, ni-
 „ hil ultimo judicio servari putaretur. Rursus
 „ si nullum peccatum nunc puniret aperte di-
 „ vinitas, nulla esse providentia divina cre-
 „ deretur. Similiter in rebus secundis; si non
 „ eas Deus quibusdam petentibus evidentissi-
 „ ma largitate concederet: non ad eum ista
 „ pertinere diceremus; itemque si omnibus
 „ eas petentibus daret, non nisi propter talia
 „ præmia serviendum illi esse arbitramur;
 „ nec pios nos faceret talis servitus, sed po-
 „ tius cupidos, & avaros. „ Conferantur
 quoque ea, quæ diximus (§§. 49. 50. 57.
 schol.). Atque hæc si seria mente expendis-
 set Baylius, futurum fuisse puto, ut argumen-
 ti il-

*De civi-
 D. l. m.
 c. 8.*

*ib. l. 5.
 c. 10.*

ti illius levitatem perspiceret ; certe non potest in eo veritatis quædam species apparere , nisi iis , qui aut vitam futuram penitus tollunt , aut præsentem saltem ut prorsus ab illa separatam intuentur , quod , cum de vindicanda Dei providentia agitur , fieri minime oportet .

Quod autem ad illud , quod additur , ajo : Deus vi supremi sui dominii plenum jus habet cuiusvis ob quodcumque scelus admissum æternas pœnas infligendi ; nulla tamen ad illud continuo exercendum obligatione stringitur : cum igitur punit , jure suo utitur ; cum pœnam differt ; clementiæ , quam nulli debet , locum indulget . Quis autem erga alios jure suo ; erga alios clementia utentem reprehenderit ? Anne benignitas quibusdam exhibita jus idem postulandi aliis tribuit ? Anne summa bonitas hominum malitiam fovere debet ? Certe in immensum ipsa major foret , si numquam flagitium admissum illico ad spectantium errorem manifeste puniretur . Accedit , quod fieri nonnumquam possit , ut is , qui ob primum scelus commissum morte plectitur , plurima accumulaturus , nec umquam vere retractaturus a Deo prævideatur : hoc vero causa pœna ea magis a misericordia , quam a justitia provenire censenda erit : leviori quippe , tametsi æterno , mactatur supplicio , qui gravius longe , si victurus fuisset , incursum erat .

4.) Ita arguunt : cum observantia legum naturæ moralium homini ad perfectam beatitudinem consequendam apprime necessaria sit , ad divinam utique providentiam , siqua daretur , pertinuisset , omnibus hoc subsidium suppeditare , claque eas leges promulgare ; id vero præstitum non est : integræ siquidem gentes , & olim , & hodie adhuc legum harum penitus igna-

ignaræ pecudum fere vitam vivunt ; quin in nationibus cultissimis , ut Persis , Græcis , Romanis multarum rerum , quæ cum jure naturæ pugnant , consuetudines publica auctoritate roboratæ obtinuerunt , qualia erant infantes recens natos aeris injuriis , bestiarumque furori objicere ; homines senio , aut morbo confectos in plateam , aut apertum campum abjicere &c.

Ad divinam omnino providentiam pertinuit legem naturæ moralem quoad prima , & universalialia principia generatim omnibus ratione utentibus clare promulgare : non item quoad conclusiones remotiores , nisi accomodate ad singulorum captum , & intelligentiæ vim , quæ ad eas conformandas necessaria est . Istud vero abunde præstitutum est ; nemo enim citra culpam primarias , & maxime generales leges , ut Deum , proximum , se ipsum amandum esse ; faciendum bonum , vitandum malum &c. ignorare potest , cum per rationem ipsam , secundum quam vivendum esse omnes norunt , omnibus manifestæ fiant . Leges autem particulares non sunt , nisi applicationes universalium ad casus singulares , quæ ratiocinando confieri debent , & sæpe magnis difficultatibus implicantur : quare harum cognitio a cujusque intelligentiæ vi pendet , unde tantum opinionum dissidium oritur . Verum istud Numinis providentiæ nihil detrahit ; cum enim per rationem cuivis hæc leges promulgandæ fuerint , aliter res confici non poterat ; sique hanc ob causam quispiam erret , errabit citra culpam , nec error ex ignorantia inexsuperabili oriundus consecutionem finis impedit . Quod porro de integris nationibus adjicitur , argumento solum est , posse integræ quoque nationes pravis affectionibus , cupiditatibus , libidinibus ita abripi , ut ipsum rationis lumen

lumen veluti sopiant. Minime vero inde sequitur, ipsa; si rationem consulere, atque ejus ex præscripto vitam instituere voluissent, universalis legis moralis scita intelligere non potuisse.

Romanos demum, & Græcos, aliasque cultas nationes complura consuetudine firmasse, quæ juri naturæ aperte repugnant, legimus quidem; at nulla historiarum fides testatur eos hæc ex inculpabili ignorantia, absque omni conscientiarum remorsu, nullo umquam dubio recurrente exercuisse. Neque istud ulla probabilitatis specie gaudet; tanta siquidem luminis naturalis vis est, ut suppressi penitus nequeat; atque inde necessario fit, ut aliquando saltem prudens de ejusmodi actionibus in animo dubium exoriat, cujus contemptus culpa numquam vacat. Copiosior horum pertrahatio ad philosophos morales pertinet; quemadmodum ad religionis revelatæ doctores illud, quod quidam hoc loco objiciunt, cum ajunt parum commendari divinam providentiam, quod non omnibus populis revelatæ religionis lumen impertiat, qua tamen de re hæc breviter monebo. Nulla est provincia, quæ non jam Apostolorum tempore vel prædicatores veræ fidei acceperit, vel saltem eandem in vicinitate promulgatam, rumore ad se perlato, audire, ac discere potuerit. Malitiæ vero hominum tribuendum est, quod aliis in locis continuo rejecta; in aliis jam admissa paulatim rursus extincta fuerit, quod evenire necessum erat apud eos, qui voluptatibus turpissimis unice studebant. Ceterum si quis nulla sua culpa religionem revelatam ignoraret, propter eam ignorantiam nequaquam a Deo puniretur; puniretur tamen ob peccata contra legem naturæ sibi satis notam admissa: quod si vero & ab his immunis mortem op-

pe-

peteret, sortem infantium ante baptismum mortuorum experiri cogeretur; si mortem opteteret, ajo; nam theologi duce divo Thoma docent, submittendum certo, etiam per miraculum, si opus foret, a Deo evangelii ministrum ei homini, qui citra omnem culpam veram religionem ignorat, interea tamen, auxiliante Dei gratia, quæ numquam deest, secundum rationis præscriptum omnes suas actiones moderatur.

- 5.) Denique malam mundi constitutionem; entia inutilia, ac superflua, & quæ similia sunt, Syst. in tell. c. 5. sect. 5. §. 2. seqq. opponunt, quæ in Cudvvortho videri possunt. Nos id genus objectis in cosmologia (§. 79. schol. 2.) satisfecimus; id tamen hic rursus in memoriam revocandum videtur. Ut sanum, prudensque iudicium feratur, aliquid aut nullo fine, aut minus apte ad finem in hoc mundo constitutum esse, necesse est, ut omnia præterita, præsentia, & futura, eorum inter se nexus, & enascens inde ad communem finem conspiratio, verbo totus rerum ordo, intimæque earum naturæ optime pervideantur: quare cum istud omnes intelligentiæ humanæ vires exsuperet, gravissimo temeritatis scelere se obstringunt, qui hoc ex capite benignissimam Numinis providentiam audaci morfu laceffunt.

Ad extremum, ut cujuscumque generis objectionibus aptissime occurratur, duo hæc generalia, certissimaque principia alte animis insculpenda sunt. Primum: viz, quas divina providentia ingreditur, mediaque, quibus utitur, ab humano intellectu comprehendere minime possunt; sicut enim bestiarum hominum consilia haud assequuntur; sicut inter ipsos homines, qui rudiores sunt, ea non intelligunt, quæ sapientiores mente agitant: ita nobis supremæ providentiæ arcana perscrutari datum non est;


nostra certe sapientia magis ab infinita Dei sapientia distat, quam illa rationis umbra, quæ in belluis inest, a nostra intelligentia, & ratione. Obscuritatis hujus fontes præcipui sunt infinitas sapientiæ divinæ; amplitudo, & duratio finem non habitura systematis rerum gubernandi; ejus demum multiplex ratio; non enim physicum solum est, sed etiam morale: istudque non naturale modo, verum & supernaturale, cum homo ex gratuito beneficio ad statum supernaturalem elevatus sit, ut fides docet. Inde facile omnes argutationes labefactantur; fere enim aut ex parte ad totum concludunt, aut media a fine separant, inque illis, quæ huic propria est, perfectionem requirunt. Inde omnes hujus universi eventus, qui in aliqua hypothesi justam habere causam possunt, ab omni iniquitate vindicantur; nam firmissime opinandum est, eos hoc ipso solum, quod contingant, justissimam causam habere. Jam vero impii homines, ac minuti philosophi nihil ad hoc usque tempus attulerunt, quod non in certa quapiam hypothesi æquissimum esse queat: uno igitur ictu nodus omnis præciditur. Vide Hookium (a), item Butlerum (b). Alterum est, Deum, ut jam sæpe monuimus, in procreatione hujus universi eam sibi præcipue pro fine præstituisse perfectionum suarum moralium manifestationem, quæ per actus creaturarum liberos, & moraliter honestos comparatur, eamdemque in ejus conservatione, & gubernatione constanter intendere. Hinc omnis pulchritudo materialis corporum mundanorum, omne bonum temporarium longe inferiore loco constituendum, atque ut medium duntaxat ad nobilissimum illum finem considerandum est: cum igitur intelligentia nostra eo se non porrigat, ut cla-

re

(a) *Rel. nat. & rev. princ. t. 1. theol. nat. s. 3. de provid. Dei pag. 141.*
 (b) *Analogy of relig. nat. and rev. &c.*

re pervideat, quomodo omnes hujus mundi
eventus; omnia mala physica; quin & mora-
lia ad actus moraliter honestos concurrant, te-
merarium est contra divinam providentiam ju-
dicium ferre.





SECTIO IV.

D E

RELIGIONE.

§. LXXXVI.

Quod
sectio-
nis ar-
gumen-
tum?



Upremi Numinis agnitio arcte adeo cum gravissima vera ipsum religione colendi obligatione copulatur, ut ego eum metaphysicum, qui de dignissimo hoc argumento aut tacet omnino, aut extrema duntaxat cursim delibat, magno partibus suis opere deesse arbitrer. Quare ne justa in me quoque reprehensio cadat, operam dabo, ut, quantum præstituta operi brevis admittit, ea principia stabiliam, quibus teneriores præsertim animi imbuti numquam se procacissimis minorum philosophorum dictis a recto tramite abduci sinant. Hac porro in re ita versabor, ut primum de religione generatim; nominatim deinde de religione naturali; tum de revelata; demum de christiana, sola ratione naturali in subsidium vocata, acturus sim.

Argu-
men-
tum
istuc ad
meta-
physi-
cam
pertin-
et.

SCHOL. Querentur fortassis nonnulli, me in sacratioris theologiæ septa irrumpere; absit enimvero. Ego sic existimo: nihil a philosophia alienum esse, quod ratione naturali demonstrari queat. Nemo certe operam, quam philosophi in atheismo, ac deismo refellendo locant, jure reprehenderit; cur igitur naturalismi, & superstitionis confutatio ipsis crimini detur? Habet suos, non inficior, philosophia limites; habet quoque theologia: verum sunt

sunt quædam disputationum argumenta utriusque communia, in quibus citra limitum confusionem versari possunt, si modo propriis unaquæque principiis utatur. Quid, quod magna eorum pars, qui philosophicis institutionibus animum imbuunt, illud subinde vitæ genus amplectitur, in quo theologicas lucubrationes evolvendi nec otium, nec occasio suppetit? Anne igitur hos omni subsidio vacuos relinquemus? Nonne hi illi sunt, qui præ ceteris egere videntur, quod frequentius convicia, quæ impii in castissimam religionem jaciunt, audire coguntur; quod virulentos Voltairii, Rousseavvii, aliorumque Epicureorum abortus suis ipsi manibus non sine magno salutis discrimine terunt? Denique istos veritatis inimicos nulla re magis, ac specioso philosophi titulo gloriari quis ignorat? Certe unam hanc esse, sanamque philosophandi rationem impudentissime pronunciant, qua re turpissimam philosophiæ maculam inurant. Jam vero cujus, quæso, est eandem abstergere? Cujus ablatum philosophiæ honorem vindicare? Non alterius fane, quam philosophi, qui solus impiorum dogmatum cum ratione pugnam patefacere potest.

CAPUT I.

De Religione Generatim.

LXXXVII. *Religio* est cultus summi amoris, obsequii, ac servitutis ei, cui debetur, præstitus. *Superstitio* est vitiosus id genus cultus; vitium vero istud vel ex falsis de natura colenda opinionibus; vel ex absurdis colendi ritibus; vel demum ex ipsa rei cultæ natura proficisci potest.

Quil
religio
& su-
perstio?

SCHOL.

De nat. D. c. 2. l. 29. SCHOL. „ Verum etiam majores nostri, inquit
 „ Tullius : superstitionem a religione separa-
 „ verunt. Nam qui totos dies precabantur, &
 „ immolabant, ut sui liberi superstites essent,
 „ superstitioni sunt appellati, quod nomen
 „ postea latius patuit. Qui autem omnia, quæ
 „ ad Deorum cultum pertinerent, diligenter
 „ retractarent, & tamquam relegerent, sunt
 „ dicti *religiosi* ex relegendo, ut eleganter
 „ ex eligendo; tamquam a diligendo diligen-
 „ gentes, ex intelligendo intelligentes: his
 „ enim in verbis omnibus inest vis legendi
 „ eadem, quæ in religioso. Ita factum est in
 „ supersticioso, & religioso, alterum vitii
 „ nomen; alterum laudis. „ Lactantius tamen
 „ a *religando* dictam putat religionem, quod
 „ vinculo religionis Deo *religemur*, sive obstrin-
 „ gamur.

*Inst. di-
vin. l. 3.
c. 11.*

Quæ re-
ligionis
partes?

LXXXVIII. Religio duabus quasi partibus
 constat; *theoretica*, ad quam rectæ de natu-
 ra colenda opiniones: *practica*, ad quam ope-
 rationes secundum eas opiniones exercendæ
 pertinent.

SCHOL. Theoretica basis est, & fundamentum
 practicæ. Præclare Simplicius in Epictetum :
 „ Religionis erga Deos immortales præcipuum
 „ illud scito esse rectas de eis habere opinio-
 „ nes, ut sentias & esse eos, & bene, juste-
 „ que administrare universa. „

Quid
religio
interna,
& ex-
terna?

LXXXIX. Practica religionis pars vel *in-
terna* est, quæ tota internis animi actibus
 absolvitur; vel *externa*, quæ ritus externos,
 signaque sensibilia, quibus internus mentis
 cultus patefiat, postulat.

Religio
Deo de-
betur,

XC. Religio Deo debetur. Enti infinite bo-
 no, ac perfecto summus amor; beneficentissi-
 mo omnium rerum gubernatori, nostrique a-
 man-

mantissimo parenti summum obsequium; cre-
anti, conservantique omnia, atque adeo su-
premo Domino, ac imperanti summa servi-
tus debetur; sed ens illud Deus est: Deo igitur
summus amor, summum obsequium, sum-
ma servitus debetur; atqui his religio consti-
tuitur (§. 88.): ergo religio Deo debetur.

COROLL. Obligatio itaque religionis in ipsa
natura Dei perfectissima, & essentiali creatu-
rarum ab ipso dependentia fundatur. Cumque
hæc ratio in solo Deo insit, etiam soli ipsi
religio debetur.

SCHOL. Præclare Phil. Moræus: „Minimus *De ver.*
„inter homines colliget, & illico inferet pa- *rel. chr.*
„renti obsequium, benefico domino fidem, *c. 20.*
„gubernatori invocationem deberi. Hæc ne-
„cessario se consequuntur; Deus, subditus,
„servitium: donator, acceptor, gratiarum a-
„ctio: creditor, debitor, obligatio. „Non-
ne natura duce parentibus, amicis, propin-
quis, principibus, aliisque hominibus vel pie-
tate, vel eruditione, vel potentia conspicuis
reverentiam, amorem, pietatem, cultum de-
nique exhibemus, & id communi omnium pa-
renti, summo domino non præstabimus? Qua-
re rationem, ipsamque humanitatem exuisse
censendi sunt, qui impudenter contendunt ip-
so rationis lumine nos edoceri, ens supremum
nullum penitus cultum ab hominibus exposce-
re. Sed pauciores hi quidem sunt; plures cum
Rousseauio (a) religionem Deo debitam ad
actus solum internos restringunt, contra quos
ajo.

*Le phi-
losophe
pag. 113.
(a) Ca-
téchif.
de l'hon.
net.
homm. p.
6. suiv.
Emile. t.
3. p. 124.
externa
quoque.*

XCI. Religio quoque externa Deo debetur.
Deus eandem in corpus nostrum, quam in
animam potestatem habet, nosque ab illo non
minus quoad corpus, quam quoad animam
dependemus: igitur sicut necesse est, ut de-
pen-

pendentiam animæ actibus ipsius internis testificemur: ita quoque dependentiam corporis actibus ipsius externis testatam faciamus, oportet; atqui si ita sit, in aperto est religionem quoque externam Deo deberi: igitur debetur Deo religio externa.

SCHOL. Totus nimirum homo, id est, totum illud compositum, quod ex anima, & corpore coalescit, perfectissime Deo subicitur: igitur subjectio istæ actibus hominis contestanda est; sed ad actus hominis non interni modo, qui animæ sunt; sed etiam externi, qui corporis, pertinent: Deus itaque tam internis, quam externis actibus colendus est. Hinc dici minime potest eum, qui corporis a Deo dependentiam interne in sua mente agnoscit, ac proficitur, jam per hos ipsos actus eandem satis contestari; nam hæc contestatio fieri debet per actus illius, quod dependet: certe eam ob causam dependentiam nostræ voluntatis a Deo non satis per solum actum intellectus contestamur; sed necessarius præterea est ipsius voluntatis actus: igitur neque dependentiam corporis per solos animæ actus satis profite-mur. Putidissime itaque mentitus est, qui non modo omnem cultus externi necessitatem sustulit, verum & inscite pronunciavit, eundem interno quam maxime noxium esse; antiquos patriarchas intra animum duntaxat Deum coluisse; ritus externos recentius inventos, atque ab iisdem in consuetudinem abeuntibus religionem internam penitus extinctam fuisse. Similiter ineptit, qui docet, ritus externos, ac cæremonias partem quidem illius religionis constituere, quæ plebi propria sit, non item, quæ philosophorum; quasi vero alius sit plebis, alius philosophorum Deus: sed non vacat has ineptias multis refutare, quæ rite inspe-
ctæ

*Les moe-
urs p. 1.
c. 5. pag.
56.*

*Encyclo-
pédie
art. Cè-
rémon. r.
2. pag.
229.*

et per sese concidunt. Vide la religion van-
gée (a).

Porro ut religionem internam comitari externa
debet; ita hæc sine illa adeo consistere non
potest, ut in turpissimum simulationis vitium
abeat; actiones enim externæ de se indifferen-
tes sunt, omnemque, qua gaudere possunt,
pietatem ab internis mutuuntur. Inde oritur
Hypocritismus; quo nomine illorum error ve-
nit, qui neglecta animi, cordisque cultura to-
ti sunt in exercendis, ac commendandis ex-
ternis cultus divini actionibus. Quamquam fe-
re sæpius alia multo adhuc scædior doctrina
hoc vocabulo notatur; sunt nempe, qui pu-
tent citra ullum crimen externe simulari posse
religionem quamcunque, si modo in animo
vera retineatur; quin prudentiam poscere, ut
quivis ritus, ac caerimonias in ea, qua degit,
provincia utilitas sectetur, judæique personam
inter judæos; mahometani inter mahometanos,
& cur non etiam idololatæ inter idololatræ
sustineat. „ Quid interit, „ ajunt, ut homi-
„ nes decipiantur, cum decipi velint? quod
„ crimen esse potest, cum quis ob violentiam
„ sibi illatam id externe agit, quod in animo
„ detestatur? „ At vero si omnis simulatio
pessima; certe et multo est maxime, quæ in
negotio religionis admittitur. Fierine potest,
ut Deus infinite sapiens, ac verax veritatem,
& mendacium æqualiter approbet?

(a) Tom.
15. lett. 7.
24. tom.
1. lett.
17. 16.

Quid
hypo-
critis-
mus?

lett. ca.
balist. 1.
7. p. 123.

XCII. Deus homines obligatione religionis
absolvere nullo pacto potest. Obligatio hæc in
ipsa Dei natura perfectissima, ac essentiali
creaturarum dependentia fundatur (§. 90. co-
roll.) ; sed horum nihil tolli potest: igitur
nec religionis obligatio; ac proinde nequit
Deus homines ea obligatione absolvere, ne-
que hoc suo jure cedere.

Deus
nequit
nos hac
obliga-
tione
absolve-
re.

COROLL. Nullus itaque hominum, five ab omni humana societate remotus vivat, five in republica existat, a suavi religionis onere immunis est

Quid
politici-
cismus?
Il Prin-
cipe.

SCHOL. Turpissime igitur aberravit Nicolaus Machiavellus nefandi *politicismi* auctor: docuit ille in libro sub finem sæculi quinti decimi edito religionem *politici*, ut ajunt, duntaxat causa retinendam, tantumque ea utendum esse, quantum ad status reipublicæ externi gubernationem necessarium videatur; addit sacris religionis vinculis subditos solum, non vero imperantes stringi. At vero quæ potest esse opinio reipublicæ magis noxia? fingamus enim vero ita esse; poteritne arcanum istud ita recondi, ut ne in vulgus, in quo sæpe acutiora quoque ingenia latent, emanet? quid vero tum? anne subjecti religione se stringi patientur, qua principes solutos esse noverint? sublata autem religione num debitam imperantibus obedientiam, ac reverentiam præstabunt? num mutua charitatis officia ad commune bonum summe necessaria exhibebunt? num infirmiores ab occultis; potentiores ab apertis etiam, & publicis sceleribus se abstinebunt? Profecto ad commune societatis humanæ bonum utrumque similiter necessarium est, ut & subditi metu supremi scelerum vindicis principibus obtemperent, & principes eodem motivo impulsæ subditos suos benigne, ac suaviter parentis instar gubernent. Sed quid jam iis faciemus, qui cum Epicureis, quorum olim causam Lucretius egit, clamitant religione humanum genus, societates, respublicas turbari; prodi patriam, parentes; innumera suscipi bella; magistratuum in subditos jura; horum erga ipsos obedientiam minui; æternorum præmiorum spe frangi legum civilium robur; efferrari homines, crudelissimeque in dissentientes sævire. Verum quam longe hæc a vero ab.

De nat.
rer. l. 2.
v. 45.
seqq.
Hobbes.
Levia-
th. c. 19.
De civi-
t. 12.
L' Es-
prit des
loin. p.

absint , quis non videt , qui aliquid videt ? 94. *Re-*
 Pone rempublicam omni religione destitutam ; *uff. E.*
 pone cives nulla Dei , immortalitatis , præ- *mil. 2.3.*
 miorum , poenarumque æternarum cognitione *p. 182.*
 imbutos : primum nulla erit virtutis , ac vitii
 recta notio ; nulla lex , nisi qua potentior in-
 firmiorem opprimit ; id erit justum , quod va-
 lidius ; honestum , quod cupiditas ; quod
 ira ; quod vis suaserit ; sua cujusvis utilitas ,
 proprium commodum honesti , ac inhonesti ,
 justı , ac injusti mensuram constituet . Deinde
 qui adversis jactantur , quo confugient ? unde
 solatium petent ? plura tute facile erues (conf.
 §. 19. & psych. §. 248. sch. n. 4. §. 263. sch.
 1. n. 6.). Adeo igitur religione respublica non
 perturbatur , ut porius sine illa consistere pror-
 fus nequeat ; nec umquam major est singulo-
 rum , & omnium felicitas , quam cum religio-
 nis studium maxime fervet . Vid. Cudvov-
 rthum cum notis Moshemii .

Syst. in-
rell. c.5.
f.59.28.

XCIII. Religio rursus vel *naturalis* est , *segg.*
 vel *revelata* : illa ea solum complectitur , quæ *Quid*
 rationis naturalis ope investigare , & cognos- *religio*
 cere possumus : hæc , quæ limitatæ nostræ *natura-*
 rationi impervia sunt , & singulari quodam *lis , &*
 modo a Deo nobis revelantur . *revela-*
ta ?

SCHOL. Cum duplicem dixerimus religionis par-
 tem esse ; alteram theoreticam , alteram practi-
 cam (§. 88.) : singularim jam id ipsum ap-
 plicando facile patebit , ad partem theoreticam
 religionis naturalis pertinere ea , quæ in psy-
 chologia de natura , libertate , ac immortalita-
 te animæ humanæ ; tumque de existentia Dei ,
 ejusque attributis , & operationibus in theolo-
 gia demonstrata sunt : ad practicam vero præ-
 cepta juris naturæ , quæ a philosophis morali-
 bus explicantur . Religionis autem revelatæ
 pars theoretica continet sublimissimas veritates

de SS Trinitate, Incarnatione, ac morte Filii Dei, elevatione hominis ad statum supernaturalem, & reliquis, quas Dei ipsius admonitu novimus; practica deinde præceptis morum positivis, consiliisque ab ipso Christo Salvatore promulgatis absolvitur. Atque ex his colliges in religionis naturalis parte theoretica scientiam; in practica præcepta necessaria: in religionis revelatæ parte theoretica fidem; in practica præcepta libera contineri. Sed jam de utraque seorsum agemus, quantum ad philosophiam pertinet.

CAPUT II.

De Religione Naturali.

Religio
naturalis
exstat;

XCIV. *Exstat religio naturalis.* Exstant siquidem veritates de Deo, animaque humana naturaliter cognoscendæ; exstant quoque præcepta morum inde naturaliter promanantia, quæque Deus infinite sapiens, ac bonus, ut ab hominibus observentur, velle debuit; sed his duobus religio naturalis absolvitur (§. præc.): exstat itaque religio naturalis.

L' Es-
prit

SCHOL. Certe cum religio quædam Deo debeatur (§. 90.), eam primo loco naturalem esse perspicuum est, ac proinde iisdem rationibus, quibus hæc obligatio ostenditur, existentia simul religionis naturalis demonstratur. Fuerunt tamen, quod mireris, & sunt, qui eandem funditus everfam vellent; illi primum, qui cum Epicuro Deum otio torpere, nec ullam rerum humanarum curam gerere censuerunt; tum illi, qui cum Hobbesio, ac nupero pestilentissimi libri auctore æternum justi, injustique discrimen sustulerunt, nihilque, nisi posi-

tiva

tiva hominum voluntate, honestum, aut in-
honestum esse contenderunt.

XCV. *Religio naturalis falsa esse nequit.* quæ fal-
sa esse
nequit.
Nihil aliud religio naturalis complectitur,
seu scienda solum, seu agenda quoque spe-
ctes, nisi quæ ductu rationis cognosci possunt
(§. 93.); sed, quæ ratione cognoscuntur,
falsa esse nequeunt (psych. §. 72.): igitur re-
ligio naturalis falsa esse nequit.

SCHOI. Id jam magna contentione inter phi-
losophos agitur, utrum religio hæc natura-
lis adeo in se perfecta, ac completa sit, ut
sola ad verum Dei cultum, veramque homi-
ni beatitatem comparandam sufficiat; utrum
vero aliam præterea a Deo manifestari necesse
fuerit. Et quamquam saniores omnes facile
consentiant; ii tamen, qui nostra hac ætate
philosophi nomine, quo quam indignissimi
sunt, potissimum gloriantur, acriter se oppo-
nunt; audias ipsos rationem humanam miris
laudibus efferre, religionis naturalis præstan-
tiam, ac perfectionem celebrare; quo vero fi-
ne? an ut eam sequantur? minime quidem:
sed ut revelatam primum; tum & illam fun-
ditus evertant. Impietatis hujus duses fere
sunt Tindalus (a), Rousseavius (b), Vol-
tairius (c), alique (d), quorum abominandi
partus rogo; nomina æterna oblivione digna
sunt. Ceterum error hic recte *naturalismus*,
ejusque fautores *naturalista* dicuntur, quam-
vis a multis *deista* vocari soleant; sed hi di-
versas res in unum confundunt: deistarum
quippe nomenclatio illis vero sensu tribuenda
est, qui cum Dei, quem tamen existere sta-
tuunt, providentia religionem ipsam natura-
lem tollunt (§. 84. sch.): ut adeo tres sint
distincti, ac extremi omnis impietatis gradus,
naturalismus; *deismus*; *atheismus*. Ridicu-
lum

De moe-
urs.Le cod.
de la
nat.L' Ef-
prit.Quid
natura-
lismus?(c) La
philos.moral.
discursprélims.
pag. 22.

lum est, quod cum comite Schaffisbury auctor-
impii operis (e) contendit, *Deistam* eum di-
ci oportere, qui ut Deum, & religionem na-
turalem profitetur, ita revelatam aperte infi-
ciatur: *Theistam* vero, qui admissa Dei, &
religionis naturalis existentia paratus, prom-
tusque est ad religionem quoque revelatam am-
plectendam, ubi ea sibi demonstrata fuerit.
Sed quidquid de hoc sit; ego jam istud agam,
ut solidis rationibus commonstrem religionem
naturalem se sola admodum infirmam, ac in-
completam esse.

Ratio
sola ali-
quas
verita-
tes dif-
ficilli-
me:

XCVI. *Ratio naturalis sibi relicta aliquas
veritates ad completam religionem pertinentes
difficillime perspicit.* Sunt certe inter verita-
tes completam religionem constituentes non-
nullæ admodum sublimes; ab oculorum con-
suetudine remotissimæ; contrariæ præjudi-
ciis, quæ ab ipsa infantia plurimorum men-
tes occupaverunt; oppositæ depravatis animi
affectionibus, quibus passim homines abri-
piuntur; pugnantes cum malis, inveteratis-
que habitibus: sunt eæ præterea quoad mo-
dum potissimum obscuræ, ac vel ideo obje-
ctionibus fere inenodabilibus expositæ: ad
harum denique cognitionem opus est indefes-
sa industria; applicatione feræ, & avocatio-
ne mentis ab iis, quæ sensus afficiunt; lon-
gissima, & exercitatis quoque persæpe diffi-
cili ratiocinorum connexion; sed id genus
veritates a ratione naturali sibi relicta diffi-
cillime perspicere nemo est, qui ignoret: igitur
ratio naturalis sibi relicta aliquas verita-
tes ad completam religionem pertinentes dif-
ficillime perspicit.

SCHOL. Ejusmodi veritates sunt de natura, &
attributis Dei, præsertim æternitate, immen-
sitate, bonitate; de origine mali; de ortu
mun.

mundi; de anima hominis, deque ejus fine, libertate, ac beatitate: certe has, & similes alias veritates difficillime ratione sola detegi posse argumento sunt gravissimi errores, in quos veteres philosophi etiam clarissimi prolapsi sunt; nam ad horum ætatem regredi oportet, cum constituendum est, quid ratio sibi relicta in religionis negotio valeat. *Æternitatem mundi, aut saltem materiæ propugnaverunt fere omnes; Deum alii corporeum; alii spiritualem, sed sato subjectum; alii velut animam per totum mundum diffusam constituerunt. Quid deinde in moralibus? nonne in voluptate alii; alii in sola virtute; alii in aliis rebus absurdissimis veram hominis beatitatem quæsierunt? quam diversas, & absconditas de eo, quod justum, injustumve, honestum, aut turpe sit, opiniones forerunt? Lyncurgus per suas leges uxores communes esse voluit; Plato ebrietatem in Bacchi feriis licitam contendit; lascivas imagines cum deos, deasve referrent, probavit Aristoteles; ipse Solon Athenis templum impudico amoris consecravisse. Videatur Genuensis, qui similes errores complures antiquorum sapientium operose collegit. Sed necesse non est, ut vetustissimorum temporum memoriam studiosius recolamus; minui nostræ ætatis philosophi suo nos exemplo satis docent, quam pronus sit in gravissimos errores lapsus, cum quis, contempta revelatione, sola ratione nititur; non, quod ipsa per se quempiam in errorem inducat, sed quod usus illius in quibusdam veritatibus investigandis sit difficillimus.*

*Elem.
met. p. 3.
prop. 30.
sch. § 3.
scg.*

XCVII. *Ratio naturalis sibi relicta aliquas veritates ad completam religionem pertinentes perspicere plane non potest. Imprimis enim, cum Deus cultu quoque externo coli debeat (§. 91.), pertinet ad religionem completam*

*aliquas
plane
non
perspi.
cit.*

determinatio rituum externorum, quibus Deus ea, qua ipsi placet, ratione colatur. Deinde necesse quoque est, ut modus, quo scelera commissa expientur, divinaque justitia placeatur, liquido constet, si quidem crimina condonare velit: atqui neutrum a ratione naturali sibi relicta perspicui posse in confessio est: ergo ratio naturalis sibi relicta aliquas veritates ad completam religionem pertinentes perspicere plane non potest.

SCHOL. Cognitionem medii, quo delictorum venia obtineatur, ad completam religionem pertinere dubitari nequit; hoc enim ignorato vera in Deo infinite bono spes collocari non potest, sed omnino de salute sua desperandum foret illi, qui vel unum juris naturæ præceptum transgressus fuisset. Jam vero istud est, in quo ratio sibi relicta prorsus caligat. Veteres philosophi considerata summa Dei bonitate, ac misericordia ad magnam quidem fiduciam excitabantur, firmiterque sibi persuadebant existare quoddam reconciliationis medium; verum quod, qualeque illud sit, penitus ignorabant. Et sane, quomodo certo sciri possit paratum esse Deum ad ignoscendum, cum peccator delictum retractando ad ipsum revertitur, nisi ille istud revelet? quamvis enim fortassis congruentia quæpiam hac in re eluceat: certitudo tamen non elucet. Eadem ratio, quæ una ex parte Dei bonitatem, clementiam, longanimitatem in tolerandis delictis exhibet; exhibet ex altera partem summam ejus justitiam, quæ aliquid præter meram retractionem quantulumcumque satisfactionis loco postulare videtur. Hinc itum olim ad sacrificia omnis generis expiatoria; hinc humano sæpe sanguine Deo litatum: verum sapientiores hæc adeo non probarunt, ut etiam palam profiterentur, optare se, ut quis veniat, a quo de

ratione placandi divinam justitiam erudirentur, quod infra clarius ostendam; legatur Clar-
k. *Trait. de l' exist. &c t. 2. ch. 10.*

Similiter, quod ad ritus, ac caerimonias, sine quibus cultus externus non consistit, attinet, ratione sola numquam certo sciri potest, qui eorum Deo sint acceptissimi. Inde vero probi, bonique perpetua cura angerentur, num rursus a se electus Deo placeat, & prout diversae sunt de natura Dei opiniones; ita diversi inter homines ritus obtinerent, quae causa foret gravissimorum odiorum, discordiarum, bellorum; nam hic quoque locum habet, quod Juvenalis ait: numina vicinorum odit uterque locus, cum solos credat habendos esse Deos, quos ipse colit, *Satyr. 15.*

XCVIII. *Ratio naturalis sibi relicta non satis efficaciter voluntatem ad actiones veritatibus cognitis consentaneas impellit.* Voluntas nostra in vitia varii generis pronissima est, virtutis vero exercitium perquam arduum, praesertim cum eam egestas, contemptus, persecutio comitatur; bona sensibus proposita longe vehementius nos alliciunt, quam quae solo intellectu attingimus; praesentia praesentibus timemus, aut amamus; scelera felicissimos saepe progressus habere cernimus; cupiditatibus, pravisque animi motibus incitati fere agimus, quidquid agimus; perraro rectae opiniones actiones nostras moderantur, & cum meliora videmus, deteriora sequimur; atqui ratio naturalis sibi relicta his malis oppositam medicinam minime adfert: igitur ratio naturalis sibi relicta non satis efficaciter voluntatem ad actiones veritatibus cognitis consentaneas impellit. *Ratio non satis impellit voluntatem.*

SCHOL. Sed nihil magis, quam constans omnium temporum experientia hanc veritatem

confirmat. Clarissimi philosophi, qui saniores præ ceteris de Deo, anima, moribus opiniones fovere videbantur, vitiis tamen doctrinæ suæ quam maxime oppositis adeo insueverunt, ut cum differentes audires, deos; cum agentes videres, belluas putares. Socrates moriturus jubet gallum Æsculapio immolari; Plato, cum copiose de supremo Deo, ejusque cultu disseruisset, paullo post dæmones, & genios adorari jubet; Cicero, etsi Deorum, & auguriorum vanitatem, haruspicumque fraudes optime intelligeret, ut miraretur etiam, quod haruspex haruspicem videns non rideret, acceptos tamen a patribus Deos coli voluit, nec illud ex institutis pontificum, & haruspicum mutandum esse, quibus hostiis immolandum cuique Deo; jure propterea a Lactantio reprehensus: „ video te, Cicero, terrena, & manufacta venerari; vana esse intelligentis, & tamen eadem facis, quæ faciunt ipsi, quos ipse stultissimos confitearis. „

Nolo commemorare alia, ac præsertim carnis turpissima vitia, a quibus illorum temporum sapientium nemo unus, ne Trajanus quidem, Hadrianus, M. Aurelius, quorum probitatem Marmontelius (a) cum Voltairio (b) & Christianis virtutibus anteposuit, & cælo dignam pronunciavit, immunes fuerunt. Certe adeo parum sola ratio in actiones valuit, ut Juvenalis (c) sua ætate virum probum, & bonum in naturæ portentis numeraverit: „ Egregium, ait, sanctumque virum si cerno, bimembri hoc monstrum puero, vel miranti sub aratro piscibus inventis, aut fetæ comparo mulæ. „ Ut adeo verissime Tullius scripserit: „ Sed hæc eadem num censes apud eos ipsos valere, nisi admodum paucos, a quibus inventa, disputata, conscripta sunt? quotus enim quisque philosophorum

*Essais
sur les
philosophes.
De leg.
l. 2.*

*De div.
l. 2. c. 24.*

*De leg.
l. 1. c. 10.
Ib. c. 12.
Div. instit. l. 2.*

(a) *Belisfaire ch.
25.
(b) Pœ.
m. sur la
rel. nat.
(c) Sat.
13.*

*29. tu.
sc. l. 2.
c. 4.*

rum invenitur, qui sit ita moratus, ita animo, ac vita constitutus, ut ratio postulat? qui disciplinam suam non ostentationem scientiæ, sed legem vitæ putet? qui obtemperet ipse sibi, & decretis suis pareat? videre licet alios tanta levitate, & jactatione, iis ut fuerit non didicisse melius: alios pecuniæ cupidos, gloriæ nonnullos, multos libidinum servos: ut cum eorum vita mirabiliter pugnet oratio. Quod quidem mihi videtur turpissimum. — sic philosophus in ratione vitæ peccans, hoc turpius est, quod in officio, cujus magister esse vult, labitur, artemque vitæ professus delinquit in vita. Argumenti hujus vis ipsum Rousseavium velut sui oblitum, cum vel maxime religionis naturalis præstantiam extolleret, exclamare coegit: *on a beau vouloir établir la vertu par la raison seule; quelle solide base peut - - en lui donner? Philosophe, tes loix morales sont fort belles, mais montre - - m'en, de grace, la sanction.* Quod quidem in auctore hoc non magnopere mirandum; nulla quippe fere est pagina, in qua secum ipso non pugnet: ita falsitas, ac impietas nunquam sibi constant.

*Emile t.
3. p. 187.*

Sed particularium hæc fuisse hominum quorundam vitia contendet fortasse quispiam; ita sane: verum ut ducis ad exemplum subditi suos mores conformare solent, ita quoque hæc sapientiorum vitia in integras nationes diffusa, ac plurimum aucta fuerunt. Certe si populorum, quibus nullum revelationis lumen affulsit, mores examinemus, facile deprehendimus eos quoque, quorum civilis status sapientissimis ceteroquin legibus regebatur, in scelera adeo infanda, in superstitionem adeo ridiculam proruisse, ut nisi res ea tanta testimonio nube confirmaretur, credi nequaquam posset. Neque belluinis his gentium moribus

Disco-
urs sur
l'h. s. s. r.
univers.

p. 20.

ch. 16.

El. met.

p. 3. pro.

pos. 29.

sch. §. 12.

§ 99.

Religio

natural.

vulgo

accom-

modata

non est,

diuturnitas temporis medicinam attulit; nam omnia hæc crudelitatis, obscœnitatis, superstitionisque vitia hodie adhuc in nationibus revelatione destitutis vigere novimus. Patet itaque, quam parum præsidii germana virtus in ratione naturali sibi relicta inveniat.

XCIX. Relegio naturalis in se spectata vulgo id est, maxima hominum parti accommodata non est. Cum enim religio naturalis sola ratione nitatur (§. 93.), hæcque complures veritates difficillime perspiciat (§. 96.), consequens est, ut religio istæ magnam intelligentiæ vim, sublime ratiocinium, attentionemque insignem postulet; sed hæc frustra in multitudine quærantur; in plebe enim pauci sunt, qui acri; pauciores, qui excitato ingenio polleant: plurimi laboribus domesticis, & privatis familiæ curis ita obruuntur, ut veritates paullo abstrusiores investigandi negotium, nec animus suppetat; omnes fere anticipatis opinionibus, ac distortis affectionibus ad judicia ferenda abripiuntur, itaque præterea ab ipsis incunabulis iis solum, quæ in sensus incurrunt, contemplandis assuescunt, ut animum altius elevarè, ab oculorum consuetudine abducere, atque ad abstractas veritates applicare minime valeant; igitur religio naturalis in se spectata vulgo, id est, maximæ hominum parti accommodata non est.

nisi alia
institutio
accedat,

COROLL. Ut itaque religio naturalis in genere humano rite excolatur, singulique homines singula tum divini cultus; tum vitæ & privatæ, & publicæ officia norint, ac exsequantur, præter rationem naturalem generalis quædam institutio, legisque naturalis promulgatio necessaria est.

C. *Hac universalis humani generis institutio a sola philosophia proficisci non potuit. Duplicem ex Clarkio Hookius rationem adfert. Prior hæc est: philosophia duce numquam potuit completa præceptorum moralium collectio confici; nulla enim secta omnia doctrinæ moralis capita tenuit: ipsæ etiam illæ, quæ ceteris sapientia antecellere videbantur, complura ignorarunt, sæpe veris falsa admiscuerunt, ac de ipsis etiam veritatibus, quas alias ut certissimas defenderunt, alias rursus dubitarunt. Altera ratio in eo sita est, quod qualiscumque illa præceptorum summa, quam ex philosophorum scriptis conficere licuisset, nequaquam vulgo per disputationes philosophicas promulgari potuerit; nam neque erudiendi, utpote ingenio potissimum obtuso instructi, aliisque negotiis occupati, philosophicis rationibus perspicendis satis idonei erant; nec philosophi generis humani ad eo amantes, ut arduum hunc in se laborem susciperent; quin potius aliter publice docebant, aliter privatim, & coram paucis disseriebant; nec denique etiam ea pollebant auctoritate, ut veri religionis, vitæque doctores a majori multitudinis parte agnoscerentur.*

SCHOL. De veritatibus etiam agnitis philosophos nonnumquam rursus dubitasse luculentum Tullius testimonium præbet, cum de animarum immortalitate, quam alias acerrime defendit (psych. §. 248. schol. n. 1.) differens ait: „Ea, quæ vis, ut potero, explicabo; „nec tamen quasi Pythius Apollo, certa ut „sint, & fixa, quæ dixerò: sed ut homin- „culus unus e multis, probabilia conjectura „sequens. „Et paullo post: „Sed nescio, „quomodo, dum lego, assentior; cum posui „librum, & mecum ipse de immortalitate a- „nia.

quæ a
philoso-
phia ex-
spectari
non po-
test.
Rel. nat.
& revel.
princ. r.
1. s. 4.
de impo-
& obs.
leg. nat.
art. 1.
prop. 2.

27. 1.
sc. l. 1.
c. 9.

ib. c. 12.

Div. in-
fir. l. 3.
c. 27.

„ nimorum cœpi cogitare, assensio omnis illa
„ elabitur. „ Auctoritatem docendi populos ip-
„ sis defuisse agnovit Lactantius: „ Nihilne illi
„ verisimile præcipiant? immo permulta, &
„ ad verum frequenter accedunt. Sed nihil
„ ponderis habent illa præcepta, quia sunt
„ humana, & auctoritate majori, id est, di-
„ vina illa carent. Nemo igitur credit, quia
„ tam se hominem putat esse, qui audit, quam
„ est ille, qui præcipit. „

Rel. nat.
infirma,
& in-
comple-
ta est.

CI. *Religio naturalis in se spectata infirma est, & incompleta.* Ratio naturalis sibi reli-
cta, qua religio naturalis unice ninitur (§. 93.), nonnullas veritates ad completam religionem pertinentes difficillime (§. 96.); aliquas plane non perspicere potest (§. 97.); nec præterea satis est efficax, ut depravatam hominum voluntatem ad actiones cognitæ veritatibus consentaneas inflectat (§. 98.), unde fit, ut religio hæc vulgo, id est, maximæ hominum parti, accommodata non sit (§. 99.), nisi alia insuper universalis institutio accedat, quæ tamen a sola philosophia obtineri nequit (§. præc.); atqui hæc omnia religionis infirmitatem, ac imperfectionem manifeste loquuntur: ergo religio naturalis in se spectata infirma est, ac incompleta.

SCHOL. At vero opponunt se naturalistæ cum Tindalo, & auctore libri *les mœurs*; rationem ajunt donum esse Dei, imperfectam proinde eam esse non posse: datam esse hominibus ad vitam recte instituendam, atque ad investiganda religionis officia. Verum contra manifestam experientiam nulla valet argutatio: certum est in hoc, quo versamur statu, rationem solam non esse nobis sufficientem viæ ducem; quidquid sit de illo integritatis statu, in quo ab Auctore optimo conditi sumus, & ex quo ob primi parentis peccatum excidimus, quod

quod nos quidem ex fide certo novimus; non tamen ita veteres philosophos latuit, ut humani generis miseriam considerantes non suspicarentur in commissorum delictorum poenam homines in hunc miseriarum statum detrufos esse. Neque tamen propterea ratio nostra aut imperfecta, aut inutilis dici potest; non illud, quia, quod ipsa bene adhibita ostendit, semper verum est, quam vis ea semper, & diu recte uti ob multiplicia impedimenta moraliter impossibile sit; est igitur Dei donum suo in genere perfectum. Non alterum; non enim in negotio religionis etiam revelatae nihil agit: ratione siquidem opus est ad inquirenda, & discernenda credibilitatis motiva, nec videtur fieri potuisse, ut nobis ratione destitutis revelatio applicaretur. Denique rationem solam ad omnia religionis, ac vitæ officia investiganda haud sufficere ipsi gentiles philosophi, quantumvis scientia sua inflati, optime perspexerunt; inde anxie desiderarunt, ut sibi a Deo, qui hæc omnia dilucide exponat, quispiam submitteretur. Ita Plato de pietate differens, qua majus inter homines nihil esse docet, ait: „Docere eam „neminem posse, nisi Deus quasi dux, & „magister præjerit. „Alias Socratem, perspecta rerum harum cognoscendarum summa difficultate, aut etiam impossibilitate, hortantem inducit, ut sapiens nihilo minus pro viribus suis ad eam cognitionem contendat, ut si non ad certitudinem; ad summam saltem verisimilitudinem perveniat: „Donec lumine „aliquo clariore, aut ipsa Dei voce, quasi „Duce ad vitam recte; probeque ducendam „instituitur. „Sed multo elegantissimus est locus, ubi Socrates cum discipulo hunc in modum disserit; ait Socrates: „Consultissimum, „quod præstare possumus, est, ut patienter „expectemus; omnino expectare oportet, „dum

*In Epim.
nomide.*

*In Phæ.
dore.*

*In Alc.
cibiade.
Diale.*

„ dum quis veniat , qui nos officia erga De-
 „ um , & homines doceat . „ Respondet Di-
 „ scipulus : „ Quando aderit hora illa , & quis
 „ est , qui nos his in rebus instruat ? vehem-
 „ menti hunc magistrum videndi desiderio te-
 „ neor. Socrat. ille , de quo agimus , eorum ,
 „ quæ ad te pertinent , curam habet ; verum
 „ istud , mea quidem opinione , ea perficit
 „ ratione , qua Minervam cum Diomede egis-
 „ se Homerus refert . Minerva nebulas Dio-
 „ medis oculis offusas dispulit , quo factum
 „ est , ut ille res coram se positas discernere
 „ potuerit . Ita necesse est , ut caligo illa den-
 „ sa intelligentiæ tuæ oculis offusa dispella-
 „ tur , ut posthac acutius bonum a malo di-
 „ scernas , cui præstando par nondum es .
 „ Disc. o utinam veniat ! o utinam hæc te-
 „ nebras dissipet ! Ego quantum in me est ,
 „ ad omnia , quæ jusserit , præstanda animo
 „ sum paratissimo , si modo melior , atque nunc
 „ sum , evadere possim . Socrat. istud sane
 „ consilium ante arripere oportet , quam nos
 „ periculo objiciamus ignorantes , utrum no-
 „ stra sacrificia Deo placeant , an displic-
 „ ceant . Disc. bonis igitur avibus , cum
 „ dies ille advenerit , Deo litabimus : in e-
 „ jus bonitate confido sere , ut dies hic non
 „ procul absit . „

CAPUT III.

De Religione Revelata.

CII. *Revelatio*, seu *locutio Dei* est actus, quo Deus immediate, ac per se sua cogitata hominibus manifestat. Quid revelatio?

CIII. *Revelatio est possibilis*. Si revelatio non esset possibilis, id ideo foret, quod modus sua cogitata hominibus manifestandi Deo desit; sed id absque insigni temeritate asseri omnino non potest: quando enim Deus spiritibus puris suam mentem manifestare potest; quando efficere potest, ut spiritus purus cum altero, homoque cum homine sensu interna communicare queat, cur ipsi desit modus hominibus immediate sua cogitata communicandi? revelatio igitur possibilis est. Revelatio est possibilis.

SCHOL. Numquam profecto vel verisimilibus argumentis revelationis possibilitatem naturalistæ impugnare valuerunt; quidquid adserunt, id ejusmodi est, ut eodem jure, quo ab ipsis asseritur, a nobis negetur; & tamen argumentis evidentibus, & invictis hic opus est; agitur enim de eo, quid Deus possit, aut non possit præstare; potest autem omnia, quæ repugnantiam non involvunt, quæ dum demonstratur, pro omnipotentia standum est. Vid. Buffierius. Sed modum hunc ut distincte explicemus, a nobis postulant: quasi vero vel eo ipso, quod modum, quo Deus hominibus quidpiam revelare possit, ignorem, jam nullum esse colligere liceat. Anne Deum existere, mundum ab ipso ex nihilo creatum esse, & infinita id genus alia naturalista inficiatur, propterea quod modum, quo eas ab omni æ-

*Exposit.
des pre-
uv de la
relig. p.
1. ch. 2.
art. 2.*

ter-

ternitate existit, aut quo aliquid ex nihilo educitur, distincte non perspicit? At ne nihil dicamus: potest utique Deus singulari quadam ratione intellectum nostrum illustrare, ut simul eam illustrationem ab ipso provenire certo cognoscamus, quod antiqui sæderis prophetis obtigit; potest Deus clara, &, quæ intelligi possit, voce voluntatem suam declarare, ut Moyse olim ex rubo ardente, Christo in Jordane baptizato locutus est; potest Deus Doctrinam ab homine propositam editis miraculis, velut sigillo suo, confirmare; potest denique Deus ad ipsum innumeris aliis modis, nobis omnino incognitis, præstare; quæ enim Deus infinitus possit, singulatim enumerare ego finitus non possum: id tamen certissime scio, plurima eum efficere posse, quæ ego brevi meæ intelligentia assequi minime possum.

Quid
veritas
naturalis
&
super-
naturalis?

CIV. *Veritas naturalis* est, quæ solius rationis naturalis adminiculo, licet quandoque difficilius, cognosci potest, *ut Deus existit. Supernaturalis* autem, sive *mysterium*, quæ rationis nostræ captum exsuperat, ac proinde supra rationem (psychol. §. 71.) est, *ut Deus unus est trinus in personis.*

Veritas
naturalis
revelari
potest.

CV. *Revelatio veritatum naturalium* possibilis est. Cum enim revelatio generatim accepta possibilis sit (§. præc.), non videtur ratio, cur nominatim veritatum naturalium revelatio repugnet, nisi forte quod otiosa sit, ac superflua; atqui istud cogitari minime potest; multiplicem certe usum, ac utilitatem præstat; hæc enim illa est institutio generalis, qua totum genus humanum eguit (§. 99. coroll.), quæque ingens adjumentum tum rudibus ad ratiocinia paullo sublimiora texenda ineptis; tum sapientibus, ac philosophis ad evitandos in veritatum excelsiorum in-

investigatione paralogismos suppeditat: igitur veritatum quoque naturalium revelatio possibilis est.

SCHOL. I. Argumentum istud eleganter Clarkius, & ex illo Hookius pertractat. Imprimis revelatio est medium accomodatissimum ad homines in officiis religionis instituendos; nam ut nihil dicam de iis, qui vel ingenii infirmitate, vel negotiorum, familiæque nutriendæ curis a difficili veritatis inquisitione prohibentur, quales tamen plurimi omnino ex genere humano sunt; reliqui etiam ita fere comparati sunt, ut in vitæ suæ rationibus plus testimonio viri auctoritate præditi, quam suo ratiocinio tribuant, ac credere malint, quam ratiocinando anxie in veritatem inquirere. Quid non igitur divinum efficiet testimonium? nonne clarius, brevius, perfectius ea docebit, quæ ad religionem pertinent, quam ratio naturalis omni alio præsidio orbata? Certe plus illud valere, ac sublimissima philosophorum ratiocinia, facile intelligimus, si populos revelationis luce illustratos cum illis contendamus, qui vel hodie sunt, vel olim eadem destituti fuerunt: nonne rudissimi etiam de vulgo multo saniores de Deo, ejusque attributis, de futuris præmiis, ac pœnis ideas nunc habent, quam sapientissimi ex veteribus philosophis? Et his deinde magnum adferri adjumentum per veritatum naturalium revelationem dixi, & vere dixi; nam quantum quis cumque perspicax sit, facile tamen, & sæpe in ratiocinando aberrat, nec etiam metaphysica demonstratio omnem semper anxietatem ex animo tollit, quod allatis exemplis supra commonstravi: his vero malis revelatio medetur. Unde quæso est, quod promulgata jam revelatione philosophi etiam gentiles Maximus,

Trait. de l' exist. etc. t. 2. ch. 11. Rel. nat. & rev. princ t. p. 2. f. 4. a. 1 p. 3.

mus, Jamlychus, Porphyrius doctrinam morum magis purgatam tradiderint? quod in affirmanda Dei unitate, animorumque immortalitate minus titubaverint? Quod hodierni etiam naturalistæ in turpes adeo errores ratiocinando non prolabantur? certe non sola litterarum cultura; non major industria, aut intelligentiæ perspicacitas istud efficit, ut ipsi quidem volunt; neque enim Socratem, Platonem, Aristotelem aut ingenio, aut industria superant: revelationi, quam ingrati respuunt, meliorem hunc rationis suæ usum debent. Nempe non adeo arduum est veritatis per revelationem jam notæ cum ratione naturali cognitionem demonstrare; ac eandem primo invenire id persæpe difficillimum, sæpe etiam moraliter impossibile. Denique revelatio veritatum naturalium eam habet auctoritatem adjunctam, quæ philosophiæ semper defuit, quæque ad instaurandos hominum mores necessaria est cum enim Deum locutum fuisse, suamque voluntatem manifestasse constat, multo efficacius animi ad difficilem virtutis exercitationem inflammantur.

Occurrit
dubii.

SCHOL. 2. Dubitant tamen de horum veritate naturalistæ: tres potissimum rationes adferunt. 1.) Ajunt, certius per rationem, quam per auctoritatem veritates cognosci, cum illa certitudinem metaphysicam; hæc duntaxat moralem pariat. 2.) Facilius veritatem ratione inveniri, quam auctoritatem dijudicari, cum præsertim tam multæ, ac diversæ revelationes jactentur. 3.) Existisse omni ætate circumscriptores, a quibus plebs nimis credula in errores inducta fuerit.

1. Ad 1^{um}. Auctoritas divina æque certitudinem metaphysicam parit (S. 181. log.), estque præterea multo accommodatior ad movendos animos, non rudium tantum, sed etiam
sa.

sapientiorum, quibus omnem dubitationem, quam metaphysicæ demonstrationes sæpe relinquunt, adimit.

Ad 2dum. Ratiociniis pauci; institutioni omnes apti sunt; omnes philosophiæ operam dare nequeunt; omnes tamen officiis religionis adstringuntur. Nonne consuetudo totius humani generis obtinet, ut pueri instituantur, veritatesque naturales ad religionem pertinentes doceantur? Quod si relinquendi sibi forent, dum adolescant, & ratiocinari condiscant, melior ætatis pars absque Dei, religionisque notitia transiret. quod quidem impium educationis systema Rousseavius proposuit; sed fore, ut non tam homines, quam humana monstra hac ratione enutrantur, demonstravit Formeyus. Vide quoque *la religion un gée*. At dijudicanda est auctoritas, examinandæ diversæ revelationes? esto; examen istud difficilius est? minime; quibus enim? an rudibus? verum hi æque ad ratiocinandum, quam ad discernendam auctoritatem inepti sunt; illorum fors præcipue pendet ab institutorum, quos nacti fuerint, sapientiâ, & probitate. An is, qui medium sapientes inter, ac rudes locum tenent? hujus qui sunt generis, fere semper magis apti, & assuefacti sunt ad sana de factis, & narrationibus judicia ferenda, quam ad philosophicas ratiocinationes instituendas, quæ in re ad quotidianam experientiam provoco. An sapientibus denique? istis utrumque æque facile esse deberet; quid tamen ex revelatione commodi nanciscantur, abunde ostendi.

Ad 3um. Ex eo, quod multi circumscriptores exstiterint, sequitur solum, in adhibenda fide oportere esse cautum. Periculum istud non minus est in sola religione naturali; cum enim rudis plebecula neque præcipua religionis naturalis capita detegere possit, etiam hac in

re

Anti-Émile
Tom. 3.
lett. 22.

re institutoribus eget, ac proinde eodem modo decipi aliquando poterit. Deinde unde illa propensio omnium hominum ad revelationem credendam? unde omnes legislatores religionem a Diis revelatam confinxerunt? Nonne ex eodem fonte, ex quo illud sapientium desiderium profluxit? Agnoverunt nempe infirmitatem religionis naturalis, suamque indigentiam; utilitatem quoque, ac præstantiam revelationis.

Dantur
myste-
ria,

CVI. *Dari possunt, & reapse dantur veritates, qua omnem humanam rationis vim exsuperant.* Veritates, quarum neque nexum cum aliis a nobis cognitis, neque convenientiam prædicati cum subjecto clare perspicimus, omnem humanæ rationis vim exsuperant (psych. §. 71.); sed dari posse, quin reipsa dari id genus veritates certum est: nam de ente infinito, quod Deus est, infinitæ propositiones cum veritate enunciari possunt, quas tamen ratio nostra angustis restricta limitibus nequaquam comprehendit; igitur dari possunt, & reapse dantur veritates, quæ omnem humanæ rationis vim exsuperant.

COROLL. 1. Quæ rationi opponuntur, falsa sunt (psych. §. 72.): igitur veritates, quæ omnem humanæ rationis vim exsuperant; id est, mysteria (§. 104.) contra rationem non sunt; sed omnino secundum; quamvis supra rationem. (conf. psych. §. 71.).

COROLL. 2. Contra rationem agit, qui quidpiam ut falsum rejicit, eo solum motivo impulsus, quod illud perspicere, ac comprehendere nequeat.

SCHOL. Nimirum, ut ex rationis præscripto aliquid falsum esse pronunciemus, satis non est, quod illius nexum cum veritatibus cognitis,
aut

aut convenientiam prædicati cum subiecto non pervideamus; sed omnino necesse est, ut ipsa prædicati cum subiecto, aut cum veritatibus cognitis pugna menti nostræ clare reluceat. Quantum ineptiret puerulus ille, qui omnia in falsis haberet, quæ ab adultioribus sibi dicuntur, quod ea non comprehendat? Quantum vir, qui veritates geometricas, quibus condiscendis nullam operam impendit, eadem de causâ pertinaciter negaret? Quid cæco illi faceremus, qui, quæ alii de lumine, ac coloribus docent, ut aniles fabulas rideret, quod eorum ideam conformare nequeat? Ecce autem infinite major est distantia inter rationem finitam, quæ nobis; & infinitam, quæ Deo competit. Quid, quod similium veritatum existentiam ipsa experientia testatur? Admitti certe debent etiam ab illis, qui solam religionem naturalem admittunt; quis enim æternitatem, necessitatem, reliquorumque Dei attributorum concordiam comprehendit? Quis umquam clare, perfectissimam ejus libertatem cum immutabilitate; immensitatem cum simplicitate conciliavit? Et tamen hæc naturalibus ipsis certissima esse debent. Præclarum *Opuscula* contra se ipsum Baylius testimonium dixit: *de Bay-*
 „ cum ipsa ratio nos doceat existentiam cu- *le r. 1.*
 „ jusdam entis æterni, quod comprehendit *P. 133.*
 „ nequeat, evidenter colligitur dari res sum-
 „ me veras, & reales, quæ tamen a ratione
 „ nostra comprehendendi non possunt. Atque id-
 „ eo omnia argumenta Socinianorum ab in-
 „ comprehensibilitate mysteriorum desumpta
 „ nullum plane robur habent. „ Sed dete-
 „ standæ homo inconstantia est; in illustratio-
 „ nibus ad dictionarium, ut sæpe alias, pervi-
 „ caciter contendit, omnia fidei mysteria contra
 „ rationem esse, eidemque e diametro opponi.
 „ Audi sophisma: „ vel ratio naturalis, ait, *Illu. p. 3.*
 „ dissolvit difficultates, quæ ab adversariis
 „ con-

„ contra mysteria obijciuntur , vel non ; si
 „ solvit ; mysteria sibi subijcit , quæ proinde
 „ non sunt supra rationem ; si non solvit ,
 „ eadem rationi directe opponuntur . „ Ve-
 rum utraque consecutio falsa est ; primum ra-
 tio eatenus difficultates mysteriis oppositas sol-
 vit , quatenus ostendit argumentationes adver-
 sariarum legitimas non esse ; ab humanis ad
 divina argumentum non valere ; contra veri-
 tatem testimonio divino confirmatam nihil
 proferri posse , nisi quod inane , ac futile sit ;
 nullam denique in mysterio ipso contradictio-
 nem demonstrari posse ; qui responsionum mo-
 di perspicue ostendunt rationem versari circa
 veritates , quæ sub ipsius captum non cadunt .
 Deinde si difficultates ex non solvantur , id
 inde est , quia ratio nexum prædicati cum sub-
 jecto non perspicit ; verum quis inde continuo
 pugnam cum ratione extundet ?

CVII. *Revelatio mysteriorum possibilis est .*
 Cum revelatio generatim (§. 103.) & no-
 minatim quoque revelatio veritatum natura-
 lium possibilis sit (§. 105.) , profecto fieri
 quoque poterit , ut veritates humanæ ratio-
 nis vim exsuperantes nobis revelentur , si mo-
 do tales veritates reipsa dentur , earumque
 revelatio inutilis ; Deoque indigna non sint ;
 atqui & ejusmodi veritates dantur (§. præc.) ,
 & earum revelatio inutilis non est : ea enim
 incognita adhuc Dei attributa , novæque ,
 quas ad ipsum relationes habemus , manife-
 fiat , unde novorum officiorum obligatio exoritur ,
 qualia sunt , quæ filio redemptori , &
 spiritui sanctificatori debemus . Excitat præ-
 terea hominem novis ad pietatem stimulis ,
 eumque , ac præcipue intellectum supernatu-
 rali lumine illustrando perficit ; igitur reve-
 latio mysteriorum possibilis est .

SCHOL.

SCHOL. Potest nobis Deus ut naturæ auctor per rationem naturalem revelare veritates, quæ, cum quoad modum saltem obscuræ sint, comprehendi a nobis nequeunt, ut *suam simplicitatem cum immensitate*: poterit igitur etiam per revelationem nobis manifestare quasdam veritates, quæ in se nostræ rationis captum excedunt, ut *unitatem naturæ cum personarum trinitate*. Et quemadmodum in priori casu difficultatem immensitatem cum simplicitate conciliandi non in ipsam rei naturam, quæ non revera ita esset, sed in infirmitatem nostræ limitatæ rationis refundimus: ita & in posteriori oppositio, quæ inter naturæ unitatem, & personarum trinitatem adesse videtur, non ipsi naturæ rei; sed rationi nostræ, cujus vis, & efficacia eo non porrigitur, tribuenda est. Verum, ajunt, Deus utique hominibus loquitur, ut intelligatur: igitur ea solum loqui potest, quæ ipsi intelligunt. Ita sane: sed Deus ita fere hominibus loquitur, cum mysterium revelat, ut nos cæco loquimur, cum ei tabulam planam, quamque ipse planam esse tactu exploratum habet, offerentes dicimus: *fore, ut hac plana tabula ipsi cava, profundaque apparent; si visu polleret, & prata, silvas, rivus, aliaque in illa secundum optica leges depicta conspiceret*: hujusque rei fidem ab eo petimus. Satis nempe est, ut primum certo cognoscamus Deum loqui, vel locutum fuisse, id quod per examen motivorum credibilitatis obtinemus: tum ut qualem nobis cumque conformemus ideam subjecti, ac prædicati, quorum deinde nexum, & convenientiam, etsi minime perspicimus, adesse tamen indubitate divina auctoritate moti colligimus: atque sic huic connexioni, non quidem *immediate*, seu in se; sed *mediate*, in testimonio nempe Dei, perceptæ assensum præstamus: qualis assensus ad omnem fidem

Storchenau Metaph. L. IV. G actum

actum essentialiter requiritur (§. 119. log.).
 Qui plus postulant, omnem fidem, non divi-
 nam modo, sed & humanam evertunt.

revelata
 credi
 debent. CVIII. *Mysterium a Deo revelatum firmissi-*
mam fidem meretur. Mysterium a Deo reve-
 latum constabatur auctoritate, quæ ob infi-
 nitam scientiam, ac veracitatem fallere nul-
 lo pacto potest; atqui, quod ejusmodi est,
 firmissimam fidem meretur (§. 181. log.);
 ergo mysterium a Deo revelatum firmissimam
 fidem meretur,

COROLL. Ipsa igitur naturalis ratio postulat,
 ut revelatis a Deo mysteriis fides habeatur;
 proindeque fides mysteriorum ita cum ratione
 non pugnat, ut eidem quam maxime consen-
 tanea sit.

SCHOL. I. Qui credere non vult, nisi quod
 infirma sua ratione comprehendit, ita secum
 velut ratiocinatur: credo, quod mihi Deus
 testatur; non tamen ideo, quia mihi Deus te-
 statur; sed quia rationis ope, & examinis
 philosophici adminiculo illud, quod Deus tes-
 tatur, verum esse perspicio: non cedo divi-
 næ auctoritati, quæ mihi istud verum esse
 testatur; sed cedo evidentiz, qua illud, quod
 Deus testatur, prædictum est. Potestne quid-
 piam magis temerarium, a ratione absolum,
 & in divinam auctoritatem contumeliosum ex-
 cogitari? Taceo ipsam fidei naturam hac ra-
 tione everti.

Respon-
 detur
 cavilla-
 tionib.
 SCHOL. 2. At vero credere mysteria, quæ con-
 prehendi nequeant, clamant plebei philosophi,
 est destruere, & prope annihilare ratio-
 nem; est illi lumen naturale, & quasi conge-
 nitum eripere, ejusque loco externum, & a-
 lienum substituere, non aliter fere, ac si quis
 sibi, quo melius, & clarius videat, oculos ef-
 foderet. Inanibus his clamoribus facilis est re-
 spon-

sponsio : rationi lumen , quo pollet , non eripimus : sed illis in rebus , in quibus hoc lumen per se se deficit , aliud ab auctoritate divina mutuatum substituimus , idque cum facimus , ipsius rationis ductum sequimur . Non igitur absque ratione credimus ; sed credimus cum ratione illa , quæ supra eam sunt . Nec Rousseavius quidquam promovet , cum ait ,

„ Deus , quem ego adoro , non est Deus tenebrarum : ille me non ita intelligentia instruxit , ut ejus tamen usum prohiberet ;

„ qui me rationem subicere jubet , ejus auctori injuriam infert . „ Itane ? Inferone injuriam Deo , qui cæco intellectum , & rationem concessit , cum ab eo postulo , ut huic enunciationi : *hæc tabula plana visu pollentibus cava apparet* : assentiatur ? numquid Deus , qui non est Deus tenebrarum , prohibet , ne cæcus , quando intellectu suo uti nequit , rei cuiuspiam ob auctoritatem fide dignam assensum præstet ? Quis cæcum reprehenderit , si ita secum ratiocinetur : evidens est omnes homines non simul ad me fallendum conspire : igitur verum est , quod omnes asserunt ; sed omnes asserunt *hanc tabulam planam visu pollentibus cavam apparere* : ergo hæc tabula plana visu pollentibus cava apparet ? Cur igitur & mihi sic ratiocinari non liceat : evidens est Deum infinite sapientem , & veracem me fallere non posse : ergo quod Deus dicit , verum est ; sed Deus dicit hoc mysterium , e. g. *se esse unum in natura , trium in personis* : igitur hoc mysterium verum est ; quamquam ego illud minime comprehendam . En quomodo ratione , qua Deus me instruxit , optime utar , eam tamen simul summæ Dei auctoritati subijciam . Hoc argumentum egregie pertractarunt , & Rousseavius refutarunt tum Bergierius , tum auctor quidam recentissimus .

Emile.
3 p. 139.

*Déisme
réfuté
p. 1. let.
tr. 1.
Lettre
d' une
mère à
son fils.
t. 3. let.
tr. 11. 12*

Deus
potest
leges
positi-
vas fer-
re.

CLX. *Deus potest hominibus leges positivas imponere.* Ponamus id fieri non posse, erit illud, vel quod Deus sufficiente auctoritate destituitur, vel quod leges positivæ hominibus utiles esse nequeunt; sed neutrum plant cogitari potest: non illud: Deus enim summus est imperans, summamque in homines, quos ex nihilo effecit, perpetuoque conservat, auctoritatem, & dominium obtinet: non hoc; possunt quippe leges positivæ præscribendo ritus externos, quibus Deus & decenter, & uniformiter colatur; subtrahendo vitiorum occasiones, clare determinando medium reconciliationis; incitamenta ad actus virtutum etiam heroicos suppeditando; excitando internos pietatis sensus; efficiendo, ut summa ejus in nos auctoritas, & bonitas, ac vicissim nostra ab illo dependentia magis perspicue patefiat, homines adjuvare, ut certius, & facilius ad propositam sibi beatitatem, eamque etiam supernaturalem perveniant: potest itaque Deus hominibus leges positivas imponere.

SCHOL. Fuit certe hæc opinio omnium illarum nationum, quæ religione a Diis suis accepta gloriabantur, quales omnes cultiores olim fuerunt; fuit hæc opinio eorum quoque, qui religiones legislatorum fraudibus, ac dolis confictas ultro amplexi sunt; nisi enim cummunis hæc fuisset persuasio, posse Deum hominibus leges positivas imponere, numquam ea res successum habuisset. Quare communi cultissimarum nationum, & sapientissimorum legislatorum sensui se se naturalistæ opponunt, cum constitutionem legum positarum a Deo proficisci posse impudenter negant.

Religio
revelata

CX. *Religio revelata possibilis est.* Religio revelata in parte theoretica mysteria; in
præ-

practica positivas Dei leges complectitur (§. 93. sch.) ; sed & revelatio myſteriorum (§. 107.) , & positivarum legumlatio possibilis est (§. præc.) : ergo religio revelata possibilis est.

SCHOL. Quodſi religio revelata in tota ſua amplitudine, quam hodie obtinet, conſideretur, clarum eſt, etiam veritatum naturalium revelationem ad eam pertinere ; verum & hanc poſſibilem eſſe docet (§. 105.).

CXI. Religio revelata ad Deum rite colendum, & ad finem conſequendum hominibus u-tiliſſima eſt. Patet iſtud primum ex (§§. 105. 107. 109.). Deinde : in religione revelata humanæ rationis infirmitas per lumen ſupernaturale revelationis ſublevatur, ac veluti intellectui creato divinus ſubſtituitur. Inde certiſſimi redduntur de attributis Dei, tum iis, quæ a ratione naturali attingi poſſunt ; tum iis, quæ illius captum exſuperant, atque de obligationibus ex hac cognitione enaſcentibus. His porro obligationibus ſupernaturali gratiarum auxilio excitati, & adjuti facilius ſatisfacimus, utentesque manuſtrato delicta expiandi remedio admiſſorum veniam obtinemus : religio itaque revelata & ad Deum rite colendum, & ad finem conſequendum hominibus utiliſſima eſt.

hominibus utiliſſima.

COROLL. Religio itaque revelata ſimul ea ſupplet, quæ religioni naturali deſunt.

CXII. Religio revelata ad Deum rite colendum, & ad finem conſequendum hominibus neceſſaria eſt. Cum enim religio naturalis de ſe infirma, ac incompleta ſit (§. 101.), illud profeſſo hominibus ad Deum rite colendum, & ad finem conſequendum neceſſarium

quin & neceſſaria,

est, quod eam infirmitatem, ac defectum supplet; sed id religio revelata præstat (§. præc. cor.): ergo religio revelata ad Deum rite colendum, & ad finem consequendum hominibus necessaria est.

COROLL. Inanis igitur Rousseavii hac de re
Emile t. 3 P. 122. dubitatio est; ait quippe: *il est bien étrange, qu'il en faille une autre; par où connoîtrai-je cette nécessité?*

& a di- **CXIII.** Divina bonitas, ac providentia po-
vina bo- *stulat,* ut Deus hominibus religionem aliquam
nitare *revelet.* Divina bonitas, ac providentia po-
postula- *stulat,* ut Deus hominibus conditis religio-
tur. nem naturalem per rationem promulgandam constituat (§. 90. 94.): igitur eandem quoque perfectiones postulant, ut Deus eam religionem perficiat, addatque, quæ ipsi in se spectatæ defunt: atqui istud per religionem revelatam obtinetur (§. 111. cor.): ergo divina bonitas, ac providentia postulat, ut Deus hominibus aliquam religionem revelet.

CXIV. Religio revelata existit. Est nimirum religio revelata imprimis possibilis (§. 110.); tum hominibus ad Deum rite colendum, & ad consequendum finem non modo utilissima (§. 111.), verum etiam necessaria (§. 112.); demum a divina bonitate, & providentia exigitur (§. præc.); sed hæc omnia argumento efficacissimo sunt exstare religionem revelatam: igitur religio revelata omnino exstat.

ac pro- **SCHOL.** Ita existentia religionis revelatæ a
inde ex- *priori* evincitur; idem a posteriori obtinetur, cum veritas religionis christianæ demonstratur, ut deinceps videbimus. Porro ex his, quæ adhuc copiose allata sunt, perspicuum fit, quemvis, qui infirmitatem religionis naturalis

ex una parte; ex altera vero revelatæ utilitatem, ac præstantiam attento, & vacuo a præjudiciis animo expendit, ab ipsa, & sola ratione naturali admoneri, ut sibi firmissime persuadeat aliquam religionem revelatam existare, vel saltem, si hoc nimiam cuiquam videatur, quamquam non est, probabilissimam de ejus existentia opinionem concipiat: nullo enim in his demonstrandis principio usus sum, nisi quod vel ratione, vel certissima experientia clare cognoscitur. Atque hæc omnino videtur ratio fuisse, cur omnes olim cultiores nationes religionem suam a diis sibi traditam jactaverint; philosophorum autem sapientissimi magistrum e celo mittendam, a quo homines singula cultus divini officia accuratius edoceantur, & optaverint, & speraverint.

CXV. Quivis, cui ratio dubium movet, utrum non exstet quædam religio revelata, obligatione gravissima in eadem ratione fundata obstringitur maxima cura, ac sollicitudine investigandi, ubi, & quæ sit illa religio revelata. Quivis obligatione gravissimâ in ratione fundata obstringitur ponendi omnia ea, quæ ad obligationem aliam notam perfecte implendam necessaria sunt; sed ad obligationem Deum rite colendi, quæ nota est (§. 90.), perfecte implendam necessarium est, ut ille, cui ratio dubium movet, utrum non exstet quædam religio revelata, maxima cura & sollicitudine investiget, ubi, & quæ sit ea religio revelata; certissimum quippe est in religione revelata, siqua exstet, modum optimum, Deoque maxime placentem, quo ipse rite colatur, contineri: ergo quivis, cui ratio dubium movet, utrum non exstet quædam religio revelata, obligatione gravissima in eadem ratione fundata obstringitur maxima cu-

Qui inspicatur religio nem revelatam existare, investigare tenetur.

ra, ac sollicitudine investigandi, ubi, & quæ sit illa religio revelata.

COROLL. 1. Contra ipsam itaque rationem, ac in certam juris naturæ legem peccat, qui exorto tali dubio hanc inquisitionem negligit; meritoque deinde hæc religionis revelatæ ignorantia, utpote mediate libera, gravissimis a Deo pœnis plectenda foret.

COROLL. 2. Ex eodem porro fonte, ex quo gravissima obligatio investigandi religionem revelatam fuit, enascitur par obligatio répertam quoad omnia capita amplectendi, nisi ipsa contrarium clare doceat.

SCHOL. Illud olim in religione a Deo per Moysen tradita locum habuit: ea enim quoad totam legum complexionem ex Israelis semine oriundos duntaxat obligavit; reliquis libera facta est potestas, ut se populo Dei adjungerent, vel non; quo tamen casu ad ea observanda adstringebantur, quæ primo jam parentis, tum Noacho a Deo revelata, ac per traditionem in posteros propagata; denique in lege Mosaica instaurata fuerunt. At vero non ita se res habet in religione christiana, cujus veritatem mox demonstratum ibo: ipsa perspicue docet unam se esse, quæ omnibus ad salutem necessaria sit; ipsa sempiternas minatur pœnas iis quoque, qui vel unum fidei, aut morum caput scienter contemserint. Quare quisquis in religionis christianæ notitiam venit, continuo ipso naturæ jure obstringitur, ut non modo motiva credibilitatis & investiget, & seria mente expendat; verum etiam ut sollerti examine instituto eandem integram amplectatur; cumque negotio istud gravissimum sit, summique momenti, utpote a quo & cultus infinitæ Majestati debitus, & sua cujusvis salus æterna pendet, diligentia ea maxima sit, quæ inter homines esse potest, & oportet.

oportet : nam certe ratio naturalis postulat , ut ea cura , quam prudentia humana in aliis gravioribus negotiis adhiberi jubet , istud religionis negotium tractetur . Hæc porro cum ita sint , jam res ipsa poscit , ut ratione duce demonstretur religionem revelatam , quam existare certum est (§. 114.) , aliam non esse , quam christianam ; verum argumentum istud , cum amplissimum sit , hoc loco pro dignitate sua pertractari nequit ; prima solum principia adducam , quæ tamen ejusmodi sint , ut iis rite perspectis facile quivis protervis naturalistarum cavillationibus occurrere possit ; qui plura desiderat , adeat excellentissima opera , quæ in veræ religionis defensionem concinnarunt Clarkius *traité de l'existence, & des attributs de Dieu &c.* Buffierius *exposition de preuves de la religion* . Fenelonius *réflexion sur le culte de Dieu, & sur l'immortalité de l'ame* . Tricalletus *morifs de crédibilité &c.* Hugo Grotius *de veritate religionis christiana* . Abbadieus *traité de la vérité de la religion chrétienne* . Houttevillius *la religion chrétienne prouvé par les faits* . Beausobrius *sermons sur la résurrection de Lazare* . Dictonus *la religion chrétienne démontrée par la résurrection de N. S. J. Chr.* Huetius *demonstratio evangelica* . Lefevurius *la seul religion véritable &c.* Bossuetus *discours sur l'histoire universelle p. 2.* Forsterus *de veritate religionis* . Gilbertus Brunetus *défense de la religion &c.* Vernetus *traité de la vérité de la religion chrétienne* . Et innumeri alij viri clarissimi .

CAPUT IV.

De Religione Christiana.

Quid Religio christiana? CXVI: *Religio Christiana*: ea dicitur, quæ a Jesu Christo promulgata est, cujusque dogmata, ac præceptiones in libris novi fœderis potissimum comprehenduntur.

Omnes religiones hodie usitatæ nequeunt esse veræ? CXVII: *Omnes religiones, quæ hodie in orbe vigent, non possunt simul esse veræ*. Religiones, quæ pugnantia inter se docent, non possunt simul esse veræ (§. 156. schol. l. 3. log.); sed omnes religiones, quæ hodie in orbe vigent, pugnantia inter se docent: ergo omnes religiones, quæ hodie in orbe vigent, simul veræ esse nequeunt.

SCHOL. Omnes nimirum religiones hac ætate in orbe usitatæ ad has quatuor revocantur, paganismum, mahometanismum, judaismum, christianismum. Paganismus, cum plures deos constituat, fundamento absurdissimo nititur, & vel ideo ceteris omnibus, quæ unitatem Dei defendunt, opponitur. Mahometanismus contra christianos Christi divinitatem negat; magnum tamen fuisse, sanctumque prophetam contra judæos docet: est præterea ab homine profligatissimæ vitæ conditus, & armorum violentia propagatus; scatet ridiculis fabellis, merumque chaos, est ex tribus reliquis constatum; probat turpissima contra naturam scelera, ac suis non aliud in paradiso præmium promittit, quam quod in corporeis voluptatibus consistat, sicque fœdissimæ morum licentiæ portam latissimam aperit. Judaismus totus adhuc est in expectando Messia, quem tamen pridem advenisse lex christiana contendit ex ipsis

ipsis cumprimis judæorum prophetiis, quas, etsi fortasse temporum ratio accurate subduci non posset, nunc saltem elapsis tot sæculis jam impletas fuisse certo constat. Deinde ut hodie constituitur, anilibus fabulis a Talmudistis, aliisque Rabbiniis assutis ita depravatus est, ut vix umbram sanctissimæ legis a Deo olim per Moysen traditæ referat. Pater itaque omnes religiones totius orbis, quæ a suis sequacibus revelatæ esse dicuntur, in primariis suis dogmatibus inter se pugnare, & christianismum ceteris omnibus contradicere.

CXVIII. *Una tamen ex his; sed una tantum vera, & revelata religio est.* Imprimis religio quæpiam revelata exstat (§. 114.): ergo necesse est, ut una ex his quatuor in orbe usitatis, quæ revelatæ putantur, vera sit, & revelata. Deinde quævis harum religionum omnes reliquas condemnat: igitur solum una ex illis vera, & revelata esse potest; quemadmodum enim pugnantia simul vera esse nequeunt: ita duæ pugnantes religiones a Deo omnis veritatis auctore revelari non possunt.

SCHOL. Unam hanc religionem christianam esse jam demonstratum ibo: efficacissima hanc in rem argumenta, quibus ratio naturalis, quam unam se sequi naturalistæ profitentur, resistere omnino nequit, primum veritas librorum novi fœderis; deinde miracula ad eam confirmandam perpetrata; tum admirabilis plane illius propagatio suppeditant. De his ordine quædam delibabo, non quasi novi quidpiam allaturus; sed veritatem, quæ & antiqua, & semper eadem est, vindicaturus contra hujus ætatis incredulos, qui & ipsi non nisi antiquam perpetuo crambem repetunt.

Quid li-
ber ge-
nuinus?

CXIX. *Liber genuinus* est, qui & ab eo-
dem auctore, cujus nomen præfert, & eo,
quo dicitur, tempore conscriptus est.

Libri N.
T. ge-
nuini
sunt;

CXX. *Libri novi fœderis genuini sunt.* Il-
le liber summo jure genuinus creditur, qui
non modo numquam hoc titulo impugnatus,
sed etiam ab omnibus scriptoribus tam ami-
cis, quam inimicis per omnia sæcula ascen-
dendo usque ad tempus, quo exaratus est, ut
talis agnitus fuit; sed id de libris novi fœ-
deris verissime affirmatur: igitur libri novi
fœderis genuini sunt.

- SCHOL. 1. Certe libros hos genuinos esse pro-
fessi sunt christiani, judæi, gentiles. Chri-
stiani sæc. 1. Clemens Romanus Apostolorum
æqualis, Ignatius M. qui Christum a mortuis
suscitatum se vidisse gloriabatur; sæc. 2. Pa-
pias, Polycarpus, Quadratus, Justinus M. He-
gesippus, Athenagoras, Melito, Theophilus
Antioch.; sæc. 3. Irenæus, Clemens Alexand.
Tertullianus, qui ipsa Apostolorum satogra-
pha in ecclesiis diversis conservari testatus est,
Apollonius, Polycrates, Hippolytus, Cypria-
nus, Origenes, Gregorius Thaum. Dionysius
Rom. De consequentibus porro sæculis jam
nullus dubio locus superest. Cum his consen-
serunt hæresiarchæ, ipsi, eorumque sæctatores,
Cerinthus, Ebion, Cerdo, Marcion, Manes,
Judæorum nemo unus in tota antiquitate de-
prehensus est, qui horum librorum *ἀνθεντία*
iniciari ausus fuisset. Denique gentiles, eo-
rumque philosophi, insensissimè simul christia-
ni nominis hostes Celsus, Porphyrius, Ame-
lius, Julianus id ipsum tum in disputationibus
cum christianis susceptis; tum in scriptis suis
aperte professi sunt: qua de re videri potest
Hermanus Goldhagen e S. J. in prolegome-
nis ad s. scripturam singulari industria elabo-
ratis, ac mira eruditione refertis. Jam vero
quis,

De præ-
script.
c. 26.

Inpro-
duct in
s. Scri-
pt. p. 2.
q. 4.

quis, nisi impudentissimus sit, plura postulet? Julii Cæsaris commentarios genuinos esse credimus omnes, & prudenter credimus? Quibus autem argumentis persuasi? Non aliis certe, nisi quia hæc opinio unanimi omnium consequentium scriptorum consensione firmatur; quia eos Cicero, Hirtius, Strabo, Suetonius, Plutarchus, alique ad nostram usque ætatem in genuinis habuerunt: cur igitur iisdem rationibus non permoveamur, ut libris evangelicis eandem fidem habeamus.

SCHOL. 2. At Christi discipulos homines fuisse *Occurritur dubio.*
ἀνελπιστους, imperitos, litterarum expertes putant nonnulli, ut adeo verisimile non sit, potuisse ab ipsis libros conscribi. Collinus addit potuisse libros ab illis compositos corrumpi, idque reapse evenisse contendit, patere ex tot variantibus lectionibus, atque ex eo, quod SS. Patres sæpissime textus aliter laudaverint, quam hodie in bibliis legantur.

❖ Priori objectioni jam pridem Origenes satisfecit; certe etsi illorum aliqui piscatores fuerint; ex more tamen gentis legem patriam condidicerunt, in qua nominatim S. Paulum a Gamaliele institutum novimus; quod si etiam characterem formandorum imperiti fuissent, numquid non aliena ad id opera uti licuisset? Quod deinde ad alterum; fieri minime potuit, ut libri tanta cura, ac sollicitudine a christianis custodisi ulla ratione interpollarentur, aut penitus corrumperebantur; quandoquæso id factum fuisse putant? Num viventibus etiamnum Apostolis, an iis vita functis? Non certe primum; ipsi enim auctores vehementer repugnassent; sed nec alterum: eo quippe tempore jam apographa ad omnes ecclesias in remotissimis provinciis erectas perlatæ, atque in aliarum nationum linguas conversæ fuerant. Argumentum a variantibus lectionibus petatum omnino nullum est; nam

ex nec ad historię substantiam, nec ad integras sententias; sed fere ad vocabula tantum, & grammaticam pertinent, quod scriptorum vitio tribuendum est. Vid: præfat. Kunsteri. Sed neque, qui tale facinus attentarent, fuerunt; qui enim? Christianine recte sentientes, an hæretici? apud hos enim solum sacri libri servabuntur: non illi; nam hæretici eorum sinu prodeuntes, fraudisque conscii ipsos redarguissent, quod numquam factum est: non hi, quomodo enim libros in catholicorum ecclesiis diligentissime custoditos corrumpere potuissent. At Patres aliter quosdam textus laudarunt? Ita quidem; sed ii fere ex memoria recitantes non tam ad verba, quam ad sensum attenderunt. Consulatur Genuensis.

Ad
dit. Li-
ss. N.T.
Milliam
ni.

Elem.
met. p. 3.
prop. 31.
sch.

eorum CXXI. *Auctores librorum novi fœderis habuerunt necessariam scientiam in iis, quæ narrarunt.* Auctores hi fuerunt oculati, cœvi, & domestici testes; præterea testimonium dixerunt de ejus generis factis, quorum veritas nulla ferre ingenii perspicacitate inquire debet, sed ita obvia est, ut intuentem falli impossibile sit. Sed hæc ex legibus humanæ prudentiæ manifeste ostendunt ipsis necessariam scientiam non defuisse (§. 224. log.) : ergo auctores librorum novi fœderis necessariam scientiam in iis, quæ narraverunt, habuerunt.

eorum
auctores
habue-
runt sci-
entiam.

SCHOL. Certe tametsi numquam desint homines fanatici, qui vident, quæ nusquam sunt, eique sibi firmissime persuadent: istud tamen in præsentī casu suspicari minime licet; facta enim, quæ referuntur, apertissima, & omnibus sensibus non ipsorum modo, sed aliorum etiam ingenti numero circumstantium objecta fuerunt. Quomodo, quæso, falli potuerunt, cum
suis.

fuisse oculis panes multiplicari, in quinque hominum millia distribui, residuumque colligi viderunt? Quomodo in Lazari suscitatione illusio timeri potuit? Nonne publica fama, plurimorumque ibi presentium testimonio constitit Lazarum & mortuum, & sepultum fuisse, & quidem quadriduo ante, ita ut jam putrefactus gravissimum odorem spargeret? Nonne viderunt una cum ceteris magna copia adstantibus eundem ad solam Domini vocem ex sepulchro prodire? Quomodo item falli potuerunt, cum magistrum suum e mortuis redivivum conspexerunt? Nonne in conspectu totius civitatis cruci affixus, mortuus, in tumultum illatus fuit? Nonne tribus post diebus cum vivente rursus locuti, & pransi sunt, carnem, & ossa contigerunt, istudque non semel, ac iterum; sed repetitis vicibus per dies omnino quadraginta; nec ipsi soli, sed plures, quam quingenti, ut S. Paulus scribit? Nonne collecti subinde omnes abiturientis voces, & suprema monita suis auribus exceperunt; nube evectum, & gloriose in eclos ascendentem & oculis, & pia animi cogitatione profecuti sunt? Profecto omnem cum ratione humanitatem exiit, qui in his, & similibus factis dolum subfuisse, Christi que discipulos superstitionis credulitatis argui posse putest.

CXXII. *Auctores librorum novi fœderis ve-* & vo-
ri dicendi voluntatem habuerunt. Dixerunt e- lunta-
 nim testimonium absque ulla commodi, aut tem ve-
 lucri spe; immo cum manifesto infamiae, sup- ri di-
 pliciorum, ipsiusque mortis periculo, illud- cendi
 que reapse & toleratis gravissimis suppliciis, & profuso fortiter sanguine confirmarunt; sed vel hic character solus ad probandam te-
 stis veracitatem sufficit (§. 223. log.); nemo
 sane umquam cum ingenti suo detrimento,
 sine

sine spe commodi circumscriptorem egit : auctores igitur librorum novi fœderis veri dicendi voluntatem habuerunt.

SCHOL. Accuratus non nihil rem expendamus.

Fingamus enim vero totam Christi historiam fabulam esse a duodecim piscatoribus ingeniose compositam : quid quæso ipsos ad similia comminiscenda impellere potuisset ? an ambitio ; vanæque laudis , ac honoris cupido ? at quid magis ab illis absuit ? numquid hominis cum maxima ignominia in latronum societate patibulo affixi divinitatem prædicarunt ? numquid honores sibi delatos studiose declinarunt , ut imprimis patuit in Petro , & Joanne , cum claudum invocato Jesu nomine ad portam templi Hierosolymitani sanavissent ; in Paulo quoque , & Barnaba , cum idem beneficium alteri Lystris consulissent ? numquid mirandam animi demissionem constanter præ se tulerunt , eamque oratione auditoribus suis commendarunt ? numquid vilitatem natalium , incredulitatem , obstinationem , perfidiam , ceteraque sua errata , ac magistri reprehensiones sincere enarrarunt ? An divitiæ ? at numquid relictis omnibus Christum secuti sunt ? numquid & bona terrena constantissime repudiaverunt , & eorum contemtionem suis quoque sectatoribus persuaservunt ? An gentis suæ gloria ? at hanc novella sua doctrina funditus eversum ibant . An principum favor ? at horum opposita erant mandata ; mines , supplicia , necem intentarunt , ac intulerunt etiam . An Christi amicitia ? at tanto dispendio hominis , infanda morte necati amicitiam colere quis furor ? quæ insania ? infanum certe consilium , nisi Christus supra conditionem humanam erectus ; nisi Deus fuisset . Quam innocens deinde ipsis vitæ ratio , quam mira morum simplicitas , & candor ? quam simplex , &

mi.

minime fucatum orationis genus, quo opera maxime stupenda memoriæ prodiderunt? Quæ denique constantia in tolerandis acerbissimis suppliciis, in subeunda crudelissima morte, qua diverso tempore, diversisque in locis veritatem contestati sunt? Quis hic non ipsam veritatis vocem audire sibi videtur? fieri potest, non diffiteor, ut quis pro falsa sententia, quam ipse veram putet, mortem oppetat: at naturæ ipsi repugnat, ut quis moriatur eo solum fine, ut fabulam à se confictam aliis persuadeat.

CXXIII. *Historia evangelica ex ipsius rationis præscripto maximam, quæ inter homines dari potest, fidem meretur.* Historia, quæ libris genuinis continetur, quæque ab auctoribus nec notitia, nec veri dicendi voluntate destitutis conscripta est, ex ipsius rationis præscripto, maximam, quæ inter homines dari potest, fidem meretur (§. 120. seqq. logic.); sed istud de historia evangelica certissime affirmatur (§§. 120. 121. 122.): ergo historia evangelica ex ipsius rationis præscripto maximam, quæ inter homines dari potest, fidem meretur.

quare
historia
evangelica
fide
meretur.

COROLL. Cum religio Christiana hisce libris comprehendatur (§. 116.), evidens est eam esse veram religionem revelatam.

& reli-
gio
christiana
vera
est.

SCHOL. Sed duo adhuc sunt gravissima momenta quæ veritatem plena in luce constituunt, quæque propterea silentio penitus præterire nequeo.

I.) Auctores horum librorum plures sunt, per diversa, & remotissima etiam loca dispersi, unde omnis collusionis suspicio excluditur; eadem tamen facta, & prodigia evenisse nar- rant; eadem dogmata tradunt; eandem fidei, vitæque normam proponunt; numquam dis-

sen-

sentientes ; nisi forte in minutis quibusdam rebus , quæ ad historiæ substantiam minime pertinent ; sed in eo solum consistunt , quod unus certa quædam adjuncta personarum , temporum , locorum , quæ ab altero narrantur , reticeat ; id quod a diverso modo , quo diversi homines idem factum & memoria retinere , & aliis enarrare consueverunt , pendet .

- 2.) Pondus ingens addit mira cum historiis profanis consensio ; unde factum , ut Justinus , Tertullianus , alique strenui religionis defensores in suis apologiis fidenter ad annales Romani Imperii provocaverint . Nihil certe in evangelio refertur de historia sive Romanorum , sive Judæorum , quod non optime cum illis consentiat , quæ ab historicis ipsorum domesticis , & æqualibus adnotata fuerunt . Legimus in his Christum fuisse hominem , qui mirabilibus suis operibus magnam de se famam concitaverit ; ipsum Judæorum invidia in crucem actum ; ejus sequaces omnia deseruisse , & acerbissima supplicia perpeffos fuisse potius , quam ut a religione recederent . Ipse Mahometes Christum Messiam fuisse ob insignia miracula edita in Alcorano professus est . Stellæ , quæ Magos Hierosolymam duxit , meminit Chalcidius (*a*) ; de horrida solis eclipsi , quæ moriente Christo contigit , scripsit Phlegon (*b*) ; de cæde infantium ab Herode perpetrata Macrobius (*c*) ; Christum a Pontio Pilato supplicio affectum , descendentesque ab ipso Christianos crudelissima supplicia fortiter tolerasse Tacitus ; eundem tantam de se sanctitatis existimationem concitasse , ut Imperator Alexander Severus , cum ipsi , ut vellet , publicum templum consecrare non posset , privatum tamen domi suæ inter Deos Penates cultum decreverit , Lampridius retulit . Patet itaque quam turpiter mentiantur , qui contendunt evangeliorum historiam cum profanorum aucto-

(*a*) *Comment in Timæum Plat.*

(*b*) *Chron. Olymp. l. 23.*

(*c*) *Satur. l. 2. c. 4. Annal. l. 35.*

auctorum relationibus non cohærere. Sed ne-
 que prætereundus est Iosephus Flavius, qui
 non modo Joannis Baptistæ prædicationem,
 ac mortem; tum & Jacobum fratrem Jesu,
 qui dictus est Christus, jussu Anani Pontificis
 lapidibus obrutum fuisse commemorat; sed et-
 iam, quasi sui oblitus, testimonium Christo
 perquam gloriosum dicit: „eodem tempore,
 ait, fuit „Jesús vir sapiens, si tamen fas est
 „virum eum dicere. Erat enim mirabilem
 „operum patrator, & eorum doctor, qui li-
 „benter vera suscipiunt, plurimosque tam de
 „judæis, quam de gentilibus sectatores ha-
 „buit. Christus hic erat, quem accusatum a
 „gentis nostræ principibus cum Pilatus cruci
 „affixisset, nihilo minus non destiterunt di-
 „ligere, qui ante eum diligebant. Vivus e-
 „nim tertia die eis apparuit, quemadmodum
 „divini vates hæc, & alia multa mirabilia
 „de ipso prædixerunt. Et usque nunc Chri-
 „stianorum genus ab eo denominatum non
 „defecit. „Novi equidem fuisse nonnullos,
 qui cum Blondello, & Tanaquillo Fabro hu-
 jus testimonii fidem suspectam reddere conati
 sunt, sed apud cordatiores nihil effecerunt;
 major est auctoritas antiquissimorum exempla-
 rium etiam manuscriptorum; majorque Hiero-
 nymi, Eusebii, Isidori Pelusiota, Sozomeni,
 Cedreni, qui omnes ut genuinum admiserunt.
 Vid. Buffierius (a). Item Hueticus (b), &
 B; de Colonia (c).

*Caté-
chisme
de l'hon-
neste-
homme
p. 26.
Ansiq.
Jud. l.
18. c. 7.
Ib. l. 20.
c. 8
Ib. l. 18.
c. 4.*

(a) Ex-
posit. des
preuv.
de la re-
lig. ap-
pend.
diff. 2.
(b) De-
monstr.
Evang.
prop. 3.
(c) La-
relig.
chrét.
autori-
sée par
les te-
moign.
des an-
ciens
auteurs
païens.

CXXIV. Opera prorsus mirabilia, ac stu-
 penda a J. C. edita fuisse certum est. Hæc o-
 pera referuntur in libris, qui summam fidem
 merentur (præc.); hæc præterea narratio
 unanimi auctorum & religione, & natione
 differentium, coævorumque consensione con-
 firmatur: igitur certum est fuisse a J. C. ope-
 ra prorsus mirabilia, ac stupenda edita..

SCHOL.

SCHOL. Jesum Christum hominem fuisse mirabilem, mirabiliumque effectorem, ac publico etiam, & universali rumore pro tali habitum evulgarunt primum Apostoli, tum eorum discipuli, & successores, nec tamen unquam ab hostibus etiam insensissimis, hac in re repugnatum fuit; numquam harum rerum scriptores mendacii, aut fraudis insimulati sunt; facta hæc revera evenisse admiserunt omnes; quotquot & tum, & posterioribus temporibus novellam religionem cum Celso, Porphyrio, aliisque oppugnarunt; sed fraudibus, præstigiis, arti magicæ, auxilio dæmonum ea tribuerunt. Julianus apostata singularem librum ad elevanda Christi miracula conscripsit, non ad operum veritatem negandam, clare enim ait: „ quid fecit Jesus, quod singulariter ad „ mirandum esset? nisi quis putet maxima esse „ opera, claudos, & cæcos sanitati restituere, & dæmonio correptos adjuvare; „ sed ut dæmonum ope effecta fuisse probet. Talmudistæ, alique Rabbinæ, cum factorum veritatem dubiam reddere non possent, mirabilem pontem construxerunt; Christum arcanam artem pronunciandi nomen Dei יהוה possedisse, indeque virtutem mirabilia patrandi sibi comparasse suis persusserunt. Tantus denique erat miraculorum Christi splendor; tam probata fides, ut Tiberius ipsum propterea in Deorum numerum retulisset, publicosque honores decrevisset, nisi senatus romanus, ad quem eam rem detulerat, obstitisset; quod adeo in vulgus notum fuit, ut Tertullianus in sua pro Christianis apologia ad M. Aurelium hoc argumento uti veritus non sit.

Apolog.
2. c. 5.

eaque
vera
fuerunt
miracula
la,

CXXV. *Opera mirabilia a J. C. edita fuerunt vera miracula.* Opera hæc mirabilia neque vi humana, aut alterius causæ naturalis; neque occultis circumscriptorum artibus;

bus; neque dæmonis ope; neque vi naturali boni angeli effici potuerunt: igitur divina virtute effecta sunt, alia quippe causa efficiens cogitari nequit (cosm. §. 98.); atqui id genus effectus sunt vera miracula (cosmol. §. 93.): igitur opera mirabilia a J. C. edita fuerunt vera miracula.

SCHOL. Quæ, quæso, tanta est vel hominum, vel cujuscunque causæ naturalis vis, ut sola vocabulorum pronuntiatione paucos panes cum aliquot pisciculis ita multiplicet, ut quinque hominum millibus saturandis sufficiant? quæ sola volitione lepram abstergat? quæ sola tactione, aut jussione cæcos, claudos, paralyticos sanitati restituat? quæ solo vocis imperio mortuæ ante quatuor dies in tumulum illato, ac jam computrescenti vitam reddat? hæc sane, & sexcenta alia a Christo Servatore effecta ejus sunt generis, ut perspicue omnes naturæ universæ vires quantumvis nobis incognitas exsuperent. Nullæ deinde hic impostorum fraudes locum habuerunt; gesta enim hæc sunt in publicis, & copiosissimis Judææ locis; gesta coram ingenti hominum multitudine; gesta præsentibus, & inspectantibus insensissimis hostibus, qui ad omnia adjuncta attentissimi, & in carpendis Christi actionibus audacissimi fuerant. Quæ occulta circumscriptoris fraus efficere potest, ut me, cum esurio, satiari putem? jubentur discumbere præter mulieres, ac parvulos quinque virorum millia; offeruntur Christo quinque panes cum duobus piscibus, ac illo imperante in tantam hominum multitudinem distribuuntur; comedunt omnes; saturantur; remanent tamen inde fragmenta, tanta adhuc copia, ut omnibus intuentibus duodecim cophinos repleant. Ergo visus, gustus, odoratus, tactus, auditus, omnes nimirum sensus, quinque millium viro-

Matth.
c. 14. v.
19. seqq.
ib. c. 8.
v. 3. 23.
15.
ib. c. 12.
v. 13.
ib. c. 20.
v. 34.
Joann.
c. 11. v.
43. 44.

rum

rum sola manuum dexteritate, aut quacumque alia fraude unius hominis decepti, ac delusi sunt? quæ hæc naturalistarum est impudentia? quæ tanta insaniendi libido?

Sed genii fortasse ope adiutus eadem Christus effecit? cujus igitur bonine, an mali? dæmoni equidem Pharisei illa opera adscripserunt; at refutati sunt ab ipso Christo agente, dæmonum regnum in se divisum non esse; dæmones contra se non agere. Expendite non-nihil attentius criteria, quæ ad discernendas dæmonum præstigias inserviunt (cosm. §. 98. sch. n. 4.), & plane perspicietis nullum omnino Servatori nostro cum dæmone commercium fuisse. An igitur angeli boni ope adiutus hæc mirabilia patravit? nec istud quidem; aut enim verum fuit, aut falsum præcipuum illud doctrinæ a Christo promulgatæ caput, quo se Deum esse asseruit? si falsum: non potuit utique angelus bonus ad mendacii blasphemii confirmationem operam conferre; si verum: supremam ipse in universam naturam potestatem habuit, nec auxiliaria angeli ope eguit. Restat itaque, ut Christum & Deum fuisse, & sua virtute mirabilia hæc opera perpetrasse pronunciemus, atque hanc ob causam eadem in verorum miraculorum numero reponamus, quod demonstrandum erat.

qua ve-
stra em
iplius
doctrin
æ,

CXXVI. *Miracula a J. C. edita veritatem doctrinæ ab ipso tradita invictè demonstrant.*

Miracula veritatem doctrinæ, ad quam confirmandam diriguntur, invictè demonstrant (cosm. §. 96. cor. 1.): sed miracula a J. C. edita ad confirmandam doctrinam ab ipso traditam directæ sunt: rogatus siquidem a judæis, num Christus sit? respondit: „Opera, quæ ego facio in nomine patris mei, hæc testimonium perhibent de me. „ Et: „ Si „ mi-

Joann.
c. 10. v.
24.
Ab. v. 38.

„ mihi non vultis credere , operibus credi-
 „ te. „ Alias discipulis Joannis Baptistæ quæ-
 „ rentibus, utrum ipse sit, qui venturus esset,
 Messias? respondit: „ Euntes renunciate Jo-
 „ anni, quæ audistis, & vidistis. Cæci vi-
 „ dent, claudi ambulant, leprosi mundantur,
 „ surdi audiunt, mortui resurgunt, pauperes
 „ evangelizantur; „ ergo miracula a J. C.
 edita veritatem doctrinæ ab ipso traditæ in-
 vixte demonstrant.

*Matth.
 c. 11. v.
 4. 5.*

COROLL. Doctrina a Christo tradita religionem & reli-
 Christianam constituit: evidens itaque est eam
 esse veram religionem revelatam. *gionis
 christia-
 næ evin-
 cunt.
 Refelo-
 luntur
 objecta.*

SCHOL. Torquent se hoc loco plebeji philoso-
 phi omnem in partem, ut aliquid proferant, *Refelo-
 luntur
 objecta.*
 quo argumenti hujus robur infringant: hds
 equidem, quantum ad miraculorum possibili-
 tatem attinet, in cosmologia (§. 95. sch. 2.)
 refutavimus; nunc ex illis, quæ præterea ac-
 cumulant, quædam attingam, non tam dispu-
 taturus. levissima quippe sunt, quam ipsorum
 impudentiam patefacturus.

1.) Ait quidam: „ una demonstratio plus ef-
 „ ficit, quam quinquaginta facta. — Si
 „ religio, quam mihi annuncias, vera est,
 „ poterit utique illius veritas per rationes in-
 „ victas evidenter demonstrari: eas itaque
 „ rationes profer. Quid est, quod enumera-
 „ tione prodigiorum mecum configis, cum
 „ uno me possis syllogismo prostrernere? an-
 „ ne facilius claudum sanas, quam me illumi-
 „ nes? „

2.) Demonstratio equidem evidentiam metaphy-
 sicam; quinquaginta facta moralem pariunt;
 utraque tamen veram certitudinem, quæ om-
 ne prudens dubium excludit, continet. Ve-
 rissima est religio, quam annunciamus, at ea
 mysteriis, quæ credi debent, sciri non pos-
 sunt, referta est: unde itaque illius verita-
 tem

*Pensées
 philos.
 pens. 50.*

tem comprobabimus? an demonstratione? sed ista ad scientifica pertinet: an testium auctoritate, miraculorum enumeratione? ita sane; quæstio facti, utrum Deus hanc religionem revelaverit, alia certe ratione probari nequit. At rationem abjicimus? minime vero; quin optime ipsa utimur; ratione imprimis investigamus, utrum facta hæc mirabilia vere existerint; ratione conficimus eadem in veris miraculis habenda esse; ratione denique ostendimus doctrinam, quam miracula confirmant, non posse non esse verissimam, atque ita religionem Christianam evidenter credibilem esse demonstramus.

- 2.) Miracula nec necessaria, nec utilia esse ad probandam religionis veritatem contendit Rousseavius; primum: quia ipse Christus illis ad suam doctrinam confirmandam usus non est; alterum: quia homo sapiens numquam certus reddi potest de veritate miraculi, tum, quod effectus supernaturalis sit; tum, quod ignoremus vires totius naturæ creatæ.

3.) Primum a veritate longissime distare theorematum demonstratio docet. In altero ipse secum pugnat; cum enim eodem loco profiteatur posse Deum miracula perpetrare; non video, cur Deus, si quod edat, illud nobis manifestare nequeat. Deinde cum miraculum ex illius mente sit „mutatio sensibilis in ordine „naturæ, & realis, ac visibilis exceptio ab „eiusdem legibus; cum sit divinæ missionis „character maxime splendidus, & ad homi- „num captum accommodatus, „necesse utique est, ut a nobis percipi possit. Verum, ait, miraculum est effectus supernaturalis, & naturaliter impossibilis; quis autem demonstret ejusmodi effectum contigisse, cum nostra principia nitantur naturali rerum possibilitate? quasi vero effectus supernaturales, cum contingunt, non æque sub sensu nostros caderent,

*Lettres
de la
Montagne.
Lettre 3.
p. 115.
pag. 87.
Emile t.
3. p. 88.*

*Lettre de
la Mont.
lettre 3.
pag. 131.
pag. 132.*

rent, non quidem quatenus sunt supernaturales, sed quatenus sunt effectus vere reales, quos, cum contra constantes naturæ leges efficiantur, supernaturales esse indubitanter colligimus. Ipse certe non aliter ratiocinatur, cum prodigiosa Christi opera validioribus testimoniis, quam facta Socratis, niti fatetur. *Emile & 3. p. 163.*

Ad ultimum respondi (§. 95. sch. 2. n. 5.). Nempe tametsi omnes naturæ leges non cognoscamus, scimus tamen cognitæ naturaliter mutari non posse, idque ipsa providentia, & bonitas Dei auctoris legum moralium postulat; si enim nihil esset in natura certum, nihil quoque in societate humana certum foret; nihil in vitæ rationibus; nihil in officiorum obligationibus. Urgent nova inventa in physicis; at nihil umquam inventum est, quod cum legibus antea notis pugnaret; nulla nova lex reperta, quæ novum in moralibus ordinem induxisset.

Præterea reliqua, quoniam futilissima sunt; quæ Rousseavius procaciter effutit. Qualia sunt; Josue olim per miraculum solem stitit, hodie qui ephemerides construunt, efficiunt, ut sol eclipsim patiatur, quod prodigium longe splendidius est; intolerabiles nugæ in re adeo seria. Item sicut naturale est, ut homo uno momento moriatur, ita naturale esse potest, ut uno momento sanetur: itane? uno momento potest artificiosissima machina in frusta contundi; quis artifex eandem rursus uno momento restituet? incertum sæpe est, an quis vere sit mortuus; inventa jam est ars aqua submersis, & suffocatis vitam restituendi, fortasse adhuc ars suscitandi mortuos invenietur. Sunt tamen signa quædam certa mortis, quo putrefactio a celeberrimis medicis refertur: submersi, qui curantur, non erant mortui; inventa igitur solum est ars nova medendi: at

Storchian Metaph. L. IV.

H quæ

quæ ars humana, quæ vis medicamentorum esse potest, quæ corpori hominis penitus destructo, quatrIduo in tumultu computrescenti sanitatem reddat? quæ animam rursus corpori alliget? quis non videt hæc omnia eo tendere, ut sanctissimus Servator veteratorum videretur fuisse comprobetur. At injuriam inferimus viro innocentissimo, de qua in epistola ad Archiepiscopum Parisiensem data amare conqueritur: sed bonis superis hominis calliditatem jam orbi patet. Ceterum hæc, & similia in recentissimo auctore præelare refutata invenies: ergo interea argumentum sic concludo: Christus cum duodecim piscatoribus per sua miracula totum terrarum orbem emendavit, quod philosophi per subtilissima sua ratiocinia efficere numquam potuerunt: igitur a posteriori evidenter constat, miracula & ad probandam, & ad persuadendam religionem utilissima esse. Denique nihil magis miraculorum Christi veritatem comprobatur, quam stupenda religionis propagatio. Fingamus enim, vero mirabilia Christi opera meras fraudes, ac illusiones fuisse; igitur tantum hæc fraudes valuerunt, ut fides de regione in regionem usque ad ultimos terræ fines; de sæculo ad sæculum per septem, ac decem omnino diffunderetur, & constans persisteret? certissimum est in Christianorum societate plures, quam in quovis alio cœtu, magna intelligentiæ vi instructos, omnium scientiarum, ac critices præcipue solide peritos existisse: fierine potest, ut tot homines tantis animi dotibus illustres tam turpiter sibi illud sinant? ut tanto sæculorum decursu errorem non detegant? igitur maxime illuminati simul maxime cæci; maxime sapientes plurimorum ignari; maxime acuti, & cauti maxime proclives ad fidem illusionibus habendam fuerunt, istudque in ne-

pag. 84.
Lett. d'
un père
à son
fils. p. 3.
Lett. 12.
19.

gotio, in quo recte sapere maxime ipsorum interfuit? o miraculum omnium maximum! sed jam de mirabili hac propagatione pauca seorsum.

CXXVII. *Religio Christiana ab auctoris sui morte stupenda celeritate per totum terrarum orbem propagata fuit.* Primo siquidem sæculo religio Christiana jam toto orbe diffusa est; consequentibus duobus firmiores semper radices egit; initio demum quarti prorsus de pagana superstitione triumphavit; atqui hæc stupenda omnino celeritas est, si præcipue ad innumera obstacula perfringenda mentem conjiciamus: ergo religio Christiana ab auctoris sui morte stupenda celeritate per totum terrarum orbem propagata fuit.

Religio
Christ.
celerissime
propagata
fuit.

SCHOL. Vix elapsis aliquot a Magistri morte diebus, cum Petrus Spiritu sancto plenus primum ad concionem diceret, tria fere; cum secundo: quinque hominum millia se Christo adjunxerunt. Nerone imperante, qui vigesimo circiter anno thronum conscendit, innumeram Christianorum multitudinem Romæ in totius orbis metropoli durissimis suppliciis enecatam fuisse in Tacito legimus. Circa octavum, & vigesimum annum Paulus ad Colossenses scripsit: „ In verbo veritatis evange- „ lii, quod pervenit ad vos, sicut & in uni- „ verso mundo est, & fructificat, & cre- „ scit. „ Et rursus: „ A spe evangelii, „ quod audistis, quod prædicatum est in u- „ niversa creatura, quæ sub cælo est. „ Sub sæculi primi finem Plinius junior Bythinæ proconsul hæc de Christianis ad Trajanum Imperatorem retulit: „ Visa est enim mihi res „ consultatione dignissima, maxime propter

Act. A.
post. c. 2.
v. 41. c.
4. v. 4.

Annal.
l. 15. c.
44
Cap. 1.
v. 5. 6.

v. 23.

Epist. l.
10. ep.
97.

*De civ.
D. l. 6.
c. 11.*

*Apolog.
pro Chr.*

*Apolog.
c. 37.*

periclitantium numerum : multi enim om-
nis ætatis, omnis ordinis, utriusque sexus
etiam, vocantur in periculum, & vocaban-
tur. Neque enim civitates, sed vicos et-
iam, atque agros superstitionis istius conta-
gio pervagata est. Senecæ Apostolorum
æqualis testimonium S. Augustinus nobis ser-
vavit : Sceleratissimæ gentis, verba sunt
gentilis philosophi, judæorum (intellige
Christianorum) consuetudo usque eo inva-
luit, ut per omnes jam terras recepta sit ;
victi victoribus leges dederunt. Initio
sæculi secundi apud gentes maxime barbaras
constitutas fuisse Ecclesias Justinus M. testa-
tur : Nullum, ait, esse genus hominum si-
ve barbarorum, sive græcorum, sive etiam
aliorum omnium, quocumque appellentur
nomine, vel in plaustris degentium, vel
domo carentium, vel in tentoriis viven-
tium, & pecoribus vitam tolerantium, inter
quos non fiant preces, & gratiarum actio-
nes Patri, & Creatori omnium per nomen
Jesu Christi crucifixi. Eodem fere tem-
pore ecclesiarum Germaniæ, Celticæ Ægy-
pti, Lybiæ Irenæus meminit. Tertullianus de-
inde sub initium tertii in apologia pro Chri-
stianis confidenter pronunciavit : Hesterni
sumus, & vestra omnia implevimus, ur-
bes, insulas, castella, municipia, concilia-
bula, castra ipsa, tribus, decurias, pala-
tium, senatum, forum, sola vobis reliqui-
mus templa. Deinceps Mauritaniam, Hi-
spaniam, Britanniam, Sarmatiam, Daciam,
Scythiam, Persiam, Arabiam, Mediam, quo
religio pervaserit, enumerat. Quarto demum,
ipso Imperatore Constantino Christiana sacra
amplectente, de pagana superstitione penitus
triumphatum est.

CXXVIII. *Religio Christiana sine ullis humanis subsidiis tam celeriter propagata fuit.* idque sine humanis subsidiis.
 Si quod subsidium humanum nata fuisset in sui propagatione religio, fuisset id certe vel in prædicatoribus, vel in illis, quibus persuaderi debuerat, vel Imperatorum, magistratumque auctoritate positum, aliud quippe cogitari nequit; atqui in his nullum omnino subsidium; quin contraria potius omnia, gravissima obstacula, difficillima impedimenta reperit: igitur religio Christiana sine ullis humanis subsidiis tam celeriter propagata fuit.

SCHOL. 1. Paulo accuratius hæc expendenda sunt. Erant 1.) prædicatores numero pauci; obscuris orti natalibus; egeni; litterarum expertes; omni, si rem humano more æstimes; auctoritate ad persuadendum destituti: non utebantur splendido orationis genere; sed doctrinam Christi sine conquisitis ornamentis, sine fūco proposuerunt: non promittebant opes, delicias, honores; sed rerum mundanarum contemtionem, suppliciorum, ac mortis tolerantiam tum verbis, tum factis prædica-
 runt.

2.) Persuaderi debuerat religio cum judæis, tum idololâtris, quorum alii humana sapientia, & dignitate inflati; alii rerum omnium rudissimi; plerique libidinibus, vitæque in omnem licentiam projectæ assueti: quid jam in his subsidii? quid non potius impedimenti? Judæorum animis sua ipsorum religio tot sæculis ante prænunciata, tot prodigiis a Deo constabilita, in suo etiamnum splendore persistens alte infixæ hærebat; hæc tamen ever-
 tenda erat; ritus, ac cærimonix paullo ante sub pœna capitis observandæ jam non inutiles modo, verum noxiæ etiam, ac letales decla-

randæ . Qui notam populi judaici obstinationem, pervicaciam, superbiamque, qua ceteras nationes, ac Romanos ipsos præ se despiciere solebat, expenderit, facile intelliget ad negotium maxime arduum, nec humanis viribus perficiendum aggressos fuisse Apostolos . Sed non minus firmas in paganorum cordibus radices idololatria egerat; superstitionem hanc antiquitas, majorum consuetudo, Romani Imperii splendor, totius denique fere orbis consensus velut consecraverat . „ Servandam esse „ tot sæculorum fidem, sequendos esse parentes „ qui secuti sunt feliciter suos, „ una erat præeunte Libanio sophista omnium vox . „ De „ cere hominem bonum, clamabant alii cum „ Cæcilio, majorum excipere disciplinam, re „ ligiones traditas colere, Deos; quos a pa „ rentibus acceperit, timere, nec de numi „ nibus ferre sententiam; sed prioribus crede „ re, & plane tantam esse auctoritatem vetu „ stis, ut inquirere in eam nefas sit . „ Qui ex his sapientiæ laude Romæ, Athenis, Alexandriæ floruerunt, se superbissime efferebant, docere tantum eum arrogantia assueti; non audire. Atque istis proponendæ erant veritates sublimissimæ, vetustissimis philosophiæ scitis contrariæ, omnem creatæ rationis efficaciam exsuperantes: igitur retundenda superbia; manifestanda humanæ intelligentiæ infirmitas; ignorantia eorum, qui sapientissimi habebantur, detegenda . At fortasse cum rudioribus facilius negotium fuit? Verum hi, quo magis a sapientia removebantur, eo tenacius avitæ superstitioni adhærebant . Est id nullo non tempore infimæ plebeculæ commune, ut in tuendis consuetudinibus, ac præcipue in conservandis religionis ritibus pertinacissima sit; hæc præterea pervicacia sacrificulorum fraudibus, sapientium auctoritate, prin
cipum

*Min. Fe-
lix in
Octavio.*

cupum editis mirum in modum augebatur. Quanta attamen, Deum immortalem! quanta undique ad vexillum Christi vix explicatum concursio facta est? Quam avide novitiam doctrinam cupiditatibus humanis adeo oppositam amplexi sunt judæorum, gentiliumque pluri-
mi, natalium splendore, gestis magistratibus, sapientiæ laude conspicui? Videte Josephum ab Arimathia, regiumque ex Aristobuli domo sanguinem, sacerdotum, ac legis peritorum turbam; videte Pantæniam, Clementem, Polycarpum, Dionysium, Ignatium, Quadratum, Apollinarem, Melitonem, Justinum, Athenagoram, Origenem, Tertullianum, Arnobium, Lactantium, aliosque, quos Eusebius enumerat. Audite, quam confidenter Arnobius gentiles compellet: „Vel hæc saltem, inquit, *Hist. Eccl. l. 1. 2.*
„ fidem vobis faciant argumenta credendi, *c. 23.*
„ quod jam per omnes terras in tam brevi
„ tempore immensi nominis hujus sacramenta
„ diffusa sunt; quod nulla jam natio est tam
„ barbari moris, & mansuetudinem nesciens,
„ quæ non ejus amore versa molliaverit asperitatem suam, & in placidos sensus assumpta
„ tranquillitate migraverit; quod tam magnis
„ ingeniis præditi oratores, grammatici, re-
„ ctiores, consulti juris, ac medici, philoso-
„ phiæ etiam secreta rimantes magisteria hæc
„ expetunt spretis, quibus paullo ante fide-
„ bant. &c. &c. „

Petulantissimum itaque convicium est Baylii audacissime pronunciantis, usque ad Constantini tempora paucos, eosque vilissima de plebe Christi sacra amplexatos fuisse. Maxima denique tum sapientium, tum rudium pars turpissima licentia in omne scelerum genus prona ruebat; fuit certe ætas illa, in qua flagitia ad summum provecta, pudorque omnis ex orbe exfulare videri poterat, quod vel ex ipsis

*Proem.
ad bell.
Catilin.
In Saty.*

gentilium scriptoribus Sallustio, Juvenali, Persio, aliisque discimus. Putamusne fieri posse, ut, si humanas solum vires spectemus, hominibus voluptuariis doctrina severissima, libidinum fuga; opum, deliciarum, ac voluptatum contemptio; egestatis, suppliciorum, mortisque ipsius existimatio; immo cupiditas persuadeatur? Et persuasa nihilo minus est, atque ea morum mutatio consecuta, qua ethnici non satis demirari, nec romani præsides in tribunalibus, & in suis ad Imperatores epistolis, ut Plinius ad Trajanum; Serenus Gracianus ad Adrianum; Imperatores in rescriptis; Antonini in litteris ad civitates Græciæ, commendare potuerunt. „ Affirmabant autem, „ Plinii verba sunt, hanc fuisse summam cul- „ pæ suæ vel erroris, quod essent soliti sta- „ to die ante lucem convenire, carmenque „ Christo dicere secum invicem, seque sacra- „ mento non in scelus aliquod obstringere; „ sed ne furta, ne latrocinia, ne adulteria „ committerent, ne fidem fallerent, ne de- „ positum appellati abnegarent. „ Hac christi- „ anorum pietate, ac probitate gloriati sunt Justinus, Athenagoras, Tertullianus, & quot- „ quot apologias pro religione ad Imperatores; ad senatum romanum; ad insensissimos christiani nominis hostes vel concinnarunt, vel recitarunt.

*Epist. 1.
10. ep.
79.*

- 3.) Quod denique in Imperatorum, aliorumque magistratuum auctoritate subsidium nata est religionis propagatio? Nonne gravissimis edictis vetabatur, ne novitiam quis religionem amplecteretur, neve amplexi eam diutius retinerent? Nonne decretis atrocissimæ minitationes; intentataque supplicia pondus addiderunt? Neque res intra minas stetit; sublatis innumeri omnis ætatis, & conditionis homines non Romæ duntaxat, sed in toto; qua

qua late patebat, imperio; sævitum ferro, rotis, flamma, exquisitissimisque aliis tormentorum generibus, idque non uno, vel altero anno; sed per tria omnino sæcula omnes provinciarum vinculis, cædibus, flammaram crepitu personuerunt. Quid vero his omnibus effectum? Certe si humanum istud fuisset commentum, religio vix unum, aut alterum annum ferre potuisset, quod ipse Gamaliel phariseus in concilio judeorum in perniciem Apostolorum collecto agnoverat; ac contrarium evenit; inter tot tormenta stetit invicta, quin & in dies singulos nova cepit incrementa: „Nec quidquam proficit, inquiebat Tertullianus ad Imperatorem, exquisitior quæque crudelitas vestra: illecebra est magis scætarum: plures efficiuntur, quoties metimur a vobis: semen est sanguis christianorum. „ Igitur infinita hominum multitudo omnis ætatis, sexus, generis; viri, ac mulieres; senes, ac juvenes; pueri, ac puellæ; nobiles, ac ignobiles; divites, & pauperes; sapientes, & rudes in omnibus orbis tum noti partibus per trecentos annos cum incredibili constantia, cum summa animi firmitate atrocissima supplicia tolerarunt: crudelissimam mortem subiverunt, profusoque sanguine religioni testimonium dixerunt: cui quæso causæ inauditam hanc tot martyrum fortitudinem tribuimus? An fanatico cuidam furori? At quando ejusmodi furor tot simul homines natione, ætate, affectionibus differentes corripuit? Sit quod aliquando unus vel alter fanaticismo abreptus extrema quæque perpessus fuerit, nunquam tamen furor ille in plures transit; nunquam per totum sese orbem diffudit; nunquam trecentos annos perstitit. Deinde illa pacati animi quies, illa lætitia, constantia, qua carnificibus insultabant, certe fanatici su-

*Act. A.
post. c. 5.
v. 38.*

*Apolog.
c. 30.*

roris indicia non sunt. An stupori cuidam, & insanæ mentis perviciæ? At quis stupidos putet homines sapientiæ laude clarissimos, omni virtutum genere conspicuos? Mirum profecto, cum paganam superstitionem sequebantur, sapientissimi, splendidis muniis, ac regendis rebus publicis aptissimi habebantur; quamprimum religionem christianam susceperunt, continuo insipientes, infani, stupidi evaserunt. An immoderatæ gloriæ cupiditati? At quid tum magis probrosum, quam nomen inter christianos profiteri? Nullum denique aliud motivum humanum, nulla alia causa invictæ hujus martyrum constantiæ cogitari potest: restat igitur, ut eam a vi ipsius veritatis, vel potius a divina virtute profectam arbitremur, verumque miraculum per tria sæcula continenter iteratum fuisse pronunciemus; nam certe furere, agereque contra rationis imperium ipsis naturalibus propensionibus roboratum naturæ consentaneum non est. Quid quod nostris fere temporibus eandem crudelissimam scenam in Japonia, Sina, aliisque locis, quibus recentius fides illata est, renovatam vidimus? Et quod mireris, idem continuo fanaticus furor, si naturalistis credas, earum nationum homines corripuit: eadem ibi tormentorum immanitas sævit, ac eadem simul christianorum fortitudo eluxit.

Refel-
luntur
calum-
niæ.

SCHOL. 2. Verum quamvis religionem suos habuisse martyres cavillantur impii veræ religionis hostes; fuisse, qui pro judaismo, paganismo, quin & pro falsis, singularibusque opinionibus fortissime mortem oppetierint.

Responsionis loco hæc notari velim. 1.) Religio judaica vera olim fuit, ac a Deo revelata; pro veritate itaque, atque ad contestandam suam erga Deum subjectionem mortui sunt, quotquot vitam maluerunt, quam eam legem

legem deferere. 2.) Longe diversum quid est pro opinione falsa quidem, sed ab ipsis incubulis animo infedente, ac longa majorum consuetudine confirmata mortem oppetere, ac novam, quam certo scias falsam esse, amplecti, & in illius defensionem vitam profunderé; illud humanum est, fierique nonnumquam potest: hoc naturæ repugnat, nec umquam evenit. En prædicatur nova doctrina, nova religio; at simul proponuntur gravissima infamia, bonorum omnium amissio, inmania tormenta; atrocissima mors; illam amplecti est his sese ultro objicere. Putamusne fieri posse, ut tot hominum millia eo dementiæ deveniant, ut tuendi erroris causa scienter in interitum ruant? 3.) Si quis pro singulari quadam, ac falsa sententia moriatur, ille aut eam veram esse sibi, licet falso, firmissime persuadet; aut ad summum jam pertinaciæ, vel desperationis apicem ascendit, quemadmodum sæpe homines sibi ipsis violentas manus inferunt. Nulla horum suspicio in martyres nostros cadit, in quibus magna sapientia, singularis animi tranquillitas, ac serenitas semper eluxit.

Alii vel cum Dodvvello martyrum numerum in dubium vocant, negantque tot fuisse, quot passim jactantur; vel cum Voltairio contendunt, christianos illos non religionis titulo, sed gravissimorum scelerum causa a romanis præsidibus neci addictos fuisse. Verum & hi, & illi omnium historiarum monumentis facile convincuntur: ego duntaxat quædam ex laudata jam alias Plinii ad Trajanum epistola proferam, quæ impudentiam Voltairii in plena luce constituent. „Nec mediocriter, inquit, hæsitavi, — — deturne poenitentiae locus, an ei, qui omnino christianus fuit, desuisse non prosit. Nomen ipsum etiam, si

*Ocuu. de
Mr. Vol-
taire's.
13. p. 74.
suiv.
La re-
ligion.
vang. t.
9. letr.
10. &
suiv.
Ep. l. 17.
ep. 97.*

„ flagitiis careat , an flagitia coherrentia no-
 „ mini puniantur. Interim in iis, qui ad me
 „ tamquam christiani deferebantur; hunc sum
 „ secutus modum; interrogavi ipsos, an ef-
 „ sent christiani: confitentes iterum, ac ter-
 „ tio interrogavi, supplicium minatus; perse-
 „ verantes duci jussi. Neque enim dubitabam
 „ qualemcumque esse, quod faterentur; pervi-
 „ cacious certe, & inflexibilem obstinationem
 „ debere puniri. — Cum præeunte me Deos
 „ appellarent, &, imagini tuæ, quam pro-
 „ pter hoc jusseram cum simulacris numinum
 „ afferri, ture, & vino supplicarent: præter
 „ rea maledicerent Christo, quorum nihil co-
 „ gi posse dicuntur, qui sunt revera christia-
 „ ni, ego dimittendos putavi. „ Recte, at-
 „ que ordine fecisse Plinium rescripsit Impera-
 „ tor: „ Actum, quem debuisti, mi Secunde,
 „ in excutiendis causis eorum, qui christiani
 „ ad te delati fuerant, secutus es. „

Ethnicam superstitionem, tum & Mahometanam;
 ajunt denique nonnulli, non minus & celeri-
 ter & late per orbem diffusam fuisse; non ap-
 parere proinde, quomodo ex propagatione ar-
 gumentum veritatis pro religione christiana pe-
 ti possit. At vero religionem, quæ ad de-
 pravatas hominum propensiones accommoda-
 ta est, quæ omnem vitæ licentiam probat,
 „ longe, lateque propagari mirum non est,
 si præsertim publica auctoritas, principum e-
 dicta, magistratuum adhortationes, sacrificulo-
 rum mendacia, dæmonum præstigiæ, armorum
 vis accedant. Religioni christianæ nihil ex
 his profuisse, quin potius impedimenta huma-
 nis viribus insuperabilia undique occurrisse de-
 monstratum est; novimus, quantum ultimis
 hisce temporibus severitas doctrinæ, præcipue
 in prohibenda polygamia, & privata injuria-
 rum ultione, obstiterit, ne in Sina, Japonia,
 aliisque cultioribus nationibus universim reci-

perq-

peretur. Verum gentiles quoque ad amplectenda christiana sacra armis coactos fuisse Bay. *Diff. h. flor. & crit. ar. Muhammed.* lius opponit : itane ? quo quæso tempore ? an primis tribus sæculis ? minime certe ; tum enim undique ferro , & flamma in Christianos sævitum est : quarto autem religio jam toto fere orbe diffusa fuit . Quodsi consequentibus temporibus christianorum principum aliqui populos armis subactos ad religionem amplectendam vi coegissent , istud minime efficeret , ne prima ejus propagandæ ratio vere mirabilis , & divina sit , multumque diversa a modo , quo impurissima Mahometis superstitio in orbem introducta fuit .

CXXIX. *Veritas religionis christiana ex admirabili illius propagatione manifeste elucet .* Veritas rel. chr. ex propagatione elucet . Cum enim religio christiana celerrime (§. 127.), & sine omnibus humanis subsidiis propagata sit (§. 128.), necesse est , ut id vi quædam supernaturali , & divina effectum fuisset censeamus ; sed religio vi divina propagata certissime vera est : ergo veritas religionis christianæ ex admirabili illius propagatione manifeste elucet .

SCHOL. I. Vindicata religionis christianæ veritate alia gravissima quæstio enascitur ; utrum apud omnes eos , qui se Christum ducem sequi profitentur , vera obtineat religio : quæ quidem in re bina hæc capita extra omnem controversiam ponuntur . Primum : illam solum religionem christianam veram esse , quæ verum sensum doctrinæ a Christo revelatæ tenet ; alterum : diversos , ac oppositos ejusdem doctrinæ sensus simul veros esse haudquaquam posse . Hinc vero perspicue colligitur , non in omnibus , quæ hodiè exstant , christianorum societatibus ; quippe sibi admodum

An sola religio catholica vera?

dum contrariis; sed in una solum veram Christi religionem vigere. Hac porro prerogativa solum catholicam gaudere cum multa alia, tum præcipue non interrupta inde a S. Petro, & ceteris Apostolis Pontificum, ac Episcoporum successio manifeste demonstrat. Nam certe doctrina Christi, aut hodie amplius non exstat, aut in Apostolorum successoribus illibata persistit; illud christianorum nemo affirmaverit: igitur in illa ecclesia querenda est, in qua hæc successio datur. Jam vero omnium aliarum sectarum initia ex historiarum monumentis novimus; omnes earum principes e sinu catholice ecclesie prodivisse, eoque facto successionem continuam abruptisse legimus; cum contra in ecclesie catholice originem inquiremus, a Clemente XIV., qui hodie vicarias Christi partes sustinet, continenti serie primum ad S. Petrum, tum ad ipsum Christum ascendimus. Validissimo hoc telo jam olim Tertullianus, aliique Patres contra ætatis sue hæreticos usi sunt, neque nobis validius superpetit; uno certe hoc argumento omnes ecclesie ab romana sejunctæ errorum, ac hæresum convincuntur; nequit enim illorum doctrina apostolica, ac proinde vera esse, qui se ab apostolica ecclesia separarunt.

Quid
indiffe-
rentis-
mus, &
quotu-
plex?

SCHOL. 2. Cum itaque sola religio catholica vera sit, ratio naturalis cuivis gravissimam obligationem denunciat eandem, expensis rite credibilitatis motivis, amplectendi (conf. §. 115. cor. 1. 2.), ac proinde indifferens non est, ad quam christianorum societatem quis se adjungat. *Indifferentismus* igitur non modo *laxior*, qui ad omnes quatuor in orbe usitatas religiones (§§. 117. schol. 118.) se porrigit; verum etiam *strictior*, qui ad solas christianorum sectas restringitur, cum ratione pugnat: profecto Deum modo, qui ipsi minime placet, cole-

colere, & ipsum penitus non colere in re idem sonat. Quodsi religio christiana, & nominatim catholica vera est, ut demonstravimus, verum utique & illud erit, quod ipsa docet; quis autem præcipuum illius dogma ignorat nemini extra ipsam ad salutem aditum patere: adeo ipsam omnibus necessariam esse, ut æternum periturus omnino sit, qui vel uno in capite scienter dissenserit. Nec quidpiam promovent, qui cum Lockio contendunt omnes christianorum cœtus in articulis fidei *fundamentalibus* consentire, tametsi in *accidentalibus* discrepent; hoc enim multis modis reprehendi potest. Imprimis eadem semper est Dei loquentis auctoritas: igitur pari intelligentiæ submissione credendum est, quidquid revelaverit; eadem semper est Dei potestas, idem dominium: igitur pari alacritate omnibus illius mandatis obtemperandum. Deinde quis certo definiverit, qui articuli fundamentales sint, qui accidentales? certe cum ipsi nullum supremum controversiarum judicem agnoscant, tot iterum hac in re sententiæ erunt, quot capita.

SCHOL. 3. Audiamus ad extremum ingeniosam, si superis placet, Rousseavii argutationem. Si una solum religio revelata inter tot alias vera sit, fieri minime poterit, ut illa a quocquam cognoscatur; cum enim nulla in re partem non auditam condemnare liceat, necesse est, ut quis summa accuratatione omnes totius orbis religiones examinet; omnes, quas adferunt, rationes minutatim expendat, ac objectiones cum iis conferat. Examen porro istuc, ut rite instituat, magnam intelligentiæ vim, omnium linguarum peritiā, immensam librorum copiam, denique & diuturnam per orbem peregrinationem postulat. Quis jam vero tanto labori perficiendo par sit? Consultius itaque est, omnem de religione revelata curam di-

Le christianisme raisonna-
ble.

Response
detur
Rousse-
avio.

Emile t.
3. p. 152.


dimittere, eoque, quem sua quemvis ratio docet, cultu Deum prosequi. At querere ex Rousseau licet, utrum infans matrem suam e notis, quæ vultum ipsius distinguunt, noscat, antequam omnes totius orbis mulieres viderit. Quæro item, an ad veram religionem naturalem, quam ipse solam admittit, agnoscendam, longum, ac difficile examen omnium systematum atheorum, materialistarum, scepticorum, idealistarum, egoistarum, aliorumque similium deliramentorum necessarium sit: negabit profecto, nisi fallor, ajetque veritatem religionis naturalis per sese sine comparatione ad absurdas aliorum hypotheses cuiusvis attendenti perspicuam fieri. At vero similiter veritas religionis christianæ, & cumprimis catholicæ rationibus evidentissimis non comparativis ad alias religiones falsas, sed absolutis demonstratur: quare necesse non est, ut omnes aliæ anxie examinentur; sed sufficit, ut illæ rationes, id est, motiva credibilitatis attentæ, & pacata mente expendantur; fieri enim omnino nequit, ut ea religio falsa sit, pro qua tot motiva pugnant. Quodsi autem unius partis veritas certo agnoscitur, hoc ipso constat omnes oppositas falsas esse; quemadmodum, cum unam contradictionis partem veram esse demonstravimus, continuo secundum logicæ leges alteram falsam esse concludimus, nec opus est, ut minutissimas quasvis adversantium rationes seorsum excutiamus. Ceterum vel ipsa hæc hujus examinis summa difficultas, quin & impossibilitas efficacissimum argumentum suppeditat, quo veritas religionis catholicæ, Rousseau quantumvis repugnante, constabiliatur; nam certe religio, sine qua nemini salutem consequi liceat, ad omnium quoque caput accomodata sit, oportet: istud autem de sola catholica cum veritate affirmari potest;

dum

dum enim ceteræ sectæ accuratam scripturarum
lectionem, & meditationes rudium, ac mulier-
cularum ingenium superantes exposcunt, ipsa
animi duntaxat demissionem, & Ecclesiæ au-
thoritatem commendat, cui parere rudissimis
æque, ac doctis perfacile est; id quod auctor
Berolinensis copiosius demonstravit. Sed jam
de religione pro scopo, non pro argumenti *La felis*
gravitate satis: precor summum Numen, *de pré-*
honoribus laborem hunc dicavi, iterumque di- *tendus*
co, ut misere aberrantes religionis hostes in *esprit*
viam veritatis benigne reducat. *fort.*

Finis Theologiæ Naturalis.

CON;



CONSPECTUS

THEOLOGICÆ NATURALIS.

Prolegomenon in Theologiam naturalem. Pag. 3

SECTIO I.

De Essentia, ac Existentia Dei.

CAPUT I.	<i>De Essentia Dei, & Atheismo.</i>	6
CAPUT II.	<i>De Existentia Dei Metaphysice demonstrata.</i>	9
CAPUT III.	<i>De Existentia Dei Physice Demonstrata.</i>	16
CAPUT IV.	<i>De Existentia Dei Moraliter demonstrata.</i>	21

SECTIO II.

De Attributis Dei.

MEMBRUM I.

De Attributis Dei Negativis.

CAPUT I.	<i>De Attributis Dei Vi Originis Negativis.</i>	47
CAPUT II.	<i>De Attributis Dei Vi Significationis Negativis.</i>	51
	MEM.	

MEMBRUM II.

De Attributis Dei Positivis.

CAPUT I.	<i>De Intellectu Dei, & Attributis cum eo Connexis.</i>	65
CAPUT II.	<i>De Voluntate Dei.</i>	69
CAPUT III.	<i>De Attributis Dei cum Voluntate Connexis.</i>	74

SECTIO III.

De Operationibus Dei.

CAPUT I.	<i>De Creatione, Conservatione, & Concursu.</i>	90
CAPUT II.	<i>De Gubernatione, & Providentia.</i>	101

SECTIO IV.

De Religione.

CAPUT I.	<i>De Religione Generatim.</i>	117
CAPUT II.	<i>De Religione Naturali.</i>	124
CAPUT III.	<i>De Religione Revelata.</i>	137
CAPUT IV.	<i>De Religione Christiana.</i>	154

NOI RIFORMATORI

Dello Studio di Padova.

A Vendo veduto per la Fede di Revisione ed Approvazione del P. F. Filippo Rosa Lanzi Inquisitor General del Santo Offizio di Venezia nel Libro Intitolato : *Institutio-um Metaphysicarum Libri IV. Auctore Sigismundo Storchenau in Academia Vindobonensi Publ. Ord. Tom. 2. &c. Stamp.* non v'esser cosa alcuna contro la Santa Fede Cattolica , e parimente per Attestato del Segretario Nostro , niente contro Principi , e buoni costumi , concediamo Licenza a Francesco Sansoni Stampator di Venezia che possi essere stampato , osservando gli ordini in materia di Stampe , e presentando le solite Copie alle Pubbliche Librarie di Venezia , e di Padova .

Dat. li 31. Gennaro 1773. M. V.

(Andrea Querini Rif.

(Girolamo Grimani Rif.

(Sebastian Foscarini Cav. Rif.

Registrato in Libro a Carte 148. al num. 1207.

Davide Marchesini Segr.

Adi 4. Febbraro 1773. M. V. Registrato nel
Magistrato della Bestemmia .

Dioniso Querini Segr.